

陳書

唐 姚思廉 撰

中

華

書

局

卷 第

至

卷一六(紀傳)

册

# 梁書》《陳書》出版説明

五 十年代到七世紀三十年代期間,姚察、姚思廉父子相繼編撰 梁書五十六卷,陳書三十六卷,分别記載了梁陳 兩個封建割據政權的歷史, 的 是六世紀

建國 到蕭方智(梁敬帝)時滅亡,首尾五十六年(公元五〇二到五五七)。 梁陳是繼東晉宋齊, ·陳叔寶(陳後主)·時被隋所滅,歷時三十三年(五五七到五八九)。 先後在 江南建立的兩個封建割據王朝。 梁自蕭衍(梁武帝 陳自陳霸先(陳武帝 )建國

到

紀七、八十年代,北周和隋相繼統一了北方,六世紀末隋滅陳,結束了南北的 鼎足三分的形勢。 梁代前期,是同割據北方的北魏對立的。北魏分裂成東魏、西魏後,梁和東、西魏成爲 陳建立後,北齊和北周已經代替了東、西魏, 仍然是三分的局面。 分裂。 六世

命編 各成梁典三十卷。 國史紀傳二百卷, 撰, 梁代的歷史,曾由沈約、周興嗣、裴子 許亨寫成梁史五十八卷。 陳代 未就而卒」。 的 歷史, 陸瓊還著有陳書四十二卷。以上這些著作, 傅絳、 梁代謝吴又有梁書四十九卷, 顧野王 野和杜之偉、顧野王、許亨等在梁陳 都曾受 命 編撰 陳代何之元和隋代劉 陳書顧野王傳説 姚氏父子修 兩代先後受 他 有 璠

史時可能參考過,但都没有流傳下來。

梁陳兩朝史,没有成書就死了。 姚察在陳初曾參與梁史的編撰。入隋後, 姚思廉在隋唐兩次受命繼續完成這兩朝史,到六三六年 又在公元五八九年(隋開皇九年)受命編撰

(唐貞觀十年)才寫成了梁書和陳書。

弘文館學士,後來做到散騎常侍。 死於六三七年(唐貞觀十一年)。 在隋代做秘書丞。死於公元六〇六年(隋大業二年)。 姚察字伯審,吴興武康(在今浙江德清縣西)人。 在陳代任秘書監、領大著作、 姚思廉字簡之,在唐任著作郎、 吏部尚

紀部分和陳書皇后傳後面都有魏徵的史論。他在一些具體論述上, 姚思廉編撰梁陳史的時候,魏徵是梁陳齊周隋五史的監修官。 看法有和姚氏父子 所以梁書陳書本

相出入的地方。

史,記載了它們的傳說、風俗、物產,以及我國人民和海南各地人民經濟文化交流的情 外關係方面 的 記 般說來,梁書的記載要比陳書豐富些, |梁||陳 **「載。除政治和軍事問題以外,這兩部書在哲學史、文學史、宗教史、民族關係、** 兩代的早期歷史著作都已失傳, 也都保存了一些資料。 梁書諸夷傳比較系統地敍述了海南一些國家的 因此梁書和陳書就成爲現存的 梁書的文筆也比陳書要好些。 梁書記公元 比較原 況。 始 歷

公元五○五年合肥之戰, 五〇六年邵陽之戰 (韋叡傳)、 鍾離之守 (昌義之傳), 都

較生動的。

目,都是我們重編的。 九等)的末尾附有一兩行小字,這是宋人曾鞏等所作校語, 衲本爲底本,取校的本子和參考書與梁書基本上相同。 我們利用了張元濟、 史、 本及明南監本、北監本、汲古閣本,清武英殿本、金陵書局本互校, 册府元龜、 資治通鑑和資治通鑑考異的有關部分。 在汲取前人校勘成果方面, 我們現在對這兩部書加以標點校勘。 張森楷 兩種校勘記的稿本及錢大昕廿二史考異等書。 梁書, 用商務印書館據宋大字本影印的百衲 陳書某些卷(如卷一、卷三、卷 是百衲本原有的。 擇善而從, ,還參考了南 兩部書的總 陳書以百

錯誤,希望讀者批評指正。 梁書由盧振華同志點校, 趙守儼同志做了編輯整理。 陳書由張維華同志點校。 缺

點

中華書局編輯部

## 陳書目錄

陳書目錄	後主 叔寶   0五	卷六 本紀第六	宣帝 頊 ' ' ' ' ' ' ' ' ' ' ' ' ' ' '	卷五 本紀第五	廢帝 伯宗 •••••••	卷四 本紀第四	世祖 蒨	卷三 本紀第三	高祖下 三	卷二 本紀第二	高祖 陳霸先 上	卷一 本紀第一
	卷八 列傳第二	張貴妃・・・・・・・・・・・・・・・・・・・・・・  三	後主沈皇后   三0	從弟 莊	弟 盼 ************* 二元	高宗柳皇后 三元	廢帝王皇后 三六	兄欽 三六	世祖沈皇后   三	高祖章皇后 一 一 二	皇后	卷七 列傳第一

列傳第四	裴子烈 一空	兄子 超	子 惠 覺	吳明徹・・・・・・・・・・・・・・・・・・・・・・  六0	子 紇 一	歐陽頗   三	侯瑱   三	卷 九 列傳第三	從弟 曉	侯安都 一	孫 䂮	子 寶安  四	周文育   三	杜僧明
杜稜	子敬成	徐度	弟 鑠	胡穎・・・・・・・・・・・・・・・・・・・・・・・・・・・・・・・・・・・・・	卷十二 列傳第六	子,大寶	章昭達・・・・・・・・・・・・・・・・・・・・・・・・・・・・・・・・・・・・	淳于量	黄法 槧••••••••••••••••••••••••••••••••••••	卷十一 列傳第五	子 文季	程靈洗	馬明・・・・・・・・・・・・・・・・・・・・・・・・・・・・・・・・・・・・・	周鐵虎

弟 寄 二	虞荔	沈炯 ==	卷 十 九 列傳第十三	族弟 翽	韋載	王質	陸山才	從弟 廣德・・・・・・・・・・・・・・	劉仲威	袁泌	沈衆	卷 十 八 列傳第十二	兄子 樞	袁敬	:
<b>美</b>	<u> </u>	薑		量	三 三 —	三型	<b>景</b>	<b>景</b>	<u> </u>	三 三 三	쯸		150	<b>三</b>	
蕭允 二八七	孔奐	王固	族子 稚才一	弟 稜······	張種	謝嘏	蕭乾	謝哲	卷二十一 列傳第十五	華皎	韓子高	到仲舉	卷 二 十 列傳第十四	馬樞	
三公	三	三	云	三	云0	二七九	三六	中中		0件[]	三六元	三公		三岩	

陳書目錄	皇太子深	後主諸子	太原王叔匡	新昌王叔榮 三宝	新寧王叔隆 三岩	新會王叔坦 三宝	臨江王叔顯 三宝	巴東王叔謨 三四	新興王叔純 三齿	岳山王叔韶	沅陵王叔興············· = 言	南郡王叔澄	南安王叔儉 三三	西陽王叔穆 三三	陽山王叔宣 三三
七	蔡徴	毛喜	司馬申・・・・・・・・・・・・・・・・・・・・・・・・・・・・・・・・・	宗元饒•••••	卷二十九 列傳第二十三	錢塘王恬	吳郡王蕃	東陽王恮 三九	會稽王莊************** 三六	邵陵王兢	信義王祗・・・・・・・・・・・・・・・・・・・・・・	南海王虔 三六	永嘉王彦	南平王嶷 三七	吳興王胤

魯廣達四八	<b>弟猛四六</b>	樊毅 四五	施文慶 四五	沈客卿	任忠四三	蕭摩訶 四0九	卷三十一 列傳第二十五	章華・・・・・・・・・・・・・・・・・ 四0六	傅粹 500	顧野王	子 從典	陸瓊 三九六	蕭濟••••• 三名	卷 三 十 列傳第二十四	陳書目錄
陸詡	張崖 四一	鄭灼	戚衮••••• 四四	沈洙•••••	沈文阿***********	儒林	卷三十三 列傳第二十七	張昭••••• 50	司馬暠・・・・・・・・・・・・・・・・・・・ 四元	謝貞 四六	弟 不 佞················	殷不害 四三	孝行	卷三十二 列傳第二十六	八

陳書目錄	許亨 四六	庾持	江德藻	顔晃•••••	杜之偉	文學	卷三十四 列傳第二十八	陸慶 四五0	王元規••••••	沈不害	顧越••••• 四五	張 禨 • • • • • • • • • • • • • • • • • •	全緩	賀德基 四二	沈德威
九	周迪••••• 罕穴	熊曇朗••••••••••••••••••	卷三十五 列傳第二十九	<b>陰鏗 四</b> 岩	阮卓	蔡凝 四七0	張正見	徐伯陽	何之元	從弟 琛 四 空	從兄 玠 野ద	弟 瑜······ 四三	陸琰	岑之敬	褚玠

始興王叔陵 咒	卷三十六 列傳第三十	陳寶應••••••
	曾鞏陳書目錄序	

### 陳書卷

#### 本紀第一

#### 高祖上

弼,公弼生步兵校尉鼎,鼎生散騎侍郞高,高生懷安令詠,詠生安成太守猛,猛生太常卿道 斯運。」達生康,復爲丞相掾,咸和中土斷,故爲長城人。 康生盱眙太守英,英生尚書郞公 令,悅其山水,遂家焉。 嘗謂所親曰:「此地山川秀麗,當有王者興,二百年後,我子孫必鍾 居潁川。 高祖武皇帝諱霸先,字興國,小字法生,吳興長城下若里人,漢太丘長陳寔之後也。 寔玄孫準,晉太尉。 準生匡,匡生達,永嘉南遷,爲丞相掾,歷太子洗馬,出爲長城

巨,道巨生皇考文讚。

本

紀

第

高祖上

果斷,爲當時所推服。身長七尺五寸,日角龍顏,垂手過膝。 高祖以梁|天監二年癸未歲生。少俶儻有大志,不治生產。旣長,讀兵書,多武藝,明達 嘗遊義興,館於許氏,夜夢天

開 數丈,有四人朱衣捧日而至,令高祖開口納焉,及覺,腹中猶熱,高祖心獨負之。

將 甲兼行以救之,頻戰屢捷,天合中流矢死,賊衆大潰,僧明遂降。梁武帝深歎異焉,授直閤 合、杜僧明共舉兵,執南江督護沈顗,進寇廣州,晝夜苦攻,州中震恐。高祖 刺 蕭 監 及 史盧 宋隆郡。 軍,封新安子,邑三百戶,仍遣畫工圖高祖容貌而觀之。 諮 暎 爲交州 爲廣 大同 子雄將兵擊之,冏等不時進,皆於廣州伏誅。子雄弟子略與冏子姪及其主帥 州 初,新喻侯蕭暎爲吳興太守,[1] 甚重高祖,嘗目高祖謂僚佐曰:「此人方將遠大。」 刺史,以裒刻失衆心,土人李賁連結數州豪傑同時反,臺遣高州刺史孫冏、新 所部安化二縣元不賓,高祖討平之。尋監西江督護、高要郡守。 刺史,高祖爲中直兵參軍,隨府之鎭。 **暎令高祖招集士馬,衆至千人,仍命高祖** 率精兵三千,卷 先是,武林侯 杜天

年稔。 經 守, 國 .憲? 與 其年冬,蕭暎卒。 刺 因 定州 高 今若奪人沮衆,何必 交州討賊, 史楊 詭 祖 說膘。 復欲 與衆 標南討。 、昧利 軍發 瞟集諸將問計,高祖對曰"「交阯 自番禺。 目前,不顧大計。 明年,高祖送喪還都,至大庾嶺,會有韶高祖爲交州司馬,領武平太 高祖 益招勇敢,器械精利。 是時蕭勃為定州刺 問罪之師,卽回有所指矣。」於是勒兵鼓行而進。 節下 ·奉辭伐罪,故當生死以之,豈可畏憚宗室,輕於 叛換,三罪由宗室,遂使僭亂數州 史,於西江相會,勃知軍士憚遠役,陰購 瞟喜曰:「能剋賊者,必陳司武也。」委以 爾爾 歷

清元年也。 部 留 望 將 賁 一,時 生全。 年六月,軍 走典徹 兵,乘流 事 我 去矣。」諸將皆默然,莫有 **今**藉 師 湖 先進,衆軍 已老,將士疲勞,歷歲 至交州 其屢奔, 於屈 ,買衆數萬於蘇歷江 療界立砦,大造船艦 鼓髞俱 人情 未固, 前,賊衆大潰,賁竄 :應者。 相持, 夷僚 高合, 恐非良計。 是夜 口立城栅以拒官軍。 ,充塞湖 易爲 江水暴起 入屈 摧殄,正當共 中,衆軍憚之,頓 且 繚洞 孤 七丈,注湖 軍 中,屈獠 無援, 標 推 高 祖 出 百 入人心 中,奔 斬賁,傳首京 湖 死, П 流 腹,若一 爲前鋒,所向摧陷, 不 決 · 敢進。 迅 力取 激。 師 Ż, 戰不 高 高 是歲 無故 屈 祖 -捷,豈 勒 謂 太 停 諸 所

率 衆討平之。 賁 兄天寶 、遁入九眞,與劫帥李紹隆收餘兵二萬,殺德州 除 振 遠將軍、西江 督護、高 要太守、督 七郡 諸 軍 刺史陳文戒,進圍愛州,高 事 祖 仍

京禮 討景 其計 仲。 與與 扇 誘 年冬,侯景寇京師 (成州 景仲窮 始興 刺 〈等十 史王懷明 蹙,縊 郡,共舉兵 于閣 高 行 下,高 臺 祖 攻頠,頠 選郎 將 祖 率兵赴援,廣 殿外臣 迎 蕭 請 援 勃 鎭 於 等密議 勃。 廣 州 州 刺 勃令 戒 史元景仲陰有異志,將圖高 是時 嚴。 高 1 臨貿 三年七月,集義兵於 祖 率 衆救 內 史歐陽 之,悉擒裕等,仍監始 衡州 南海 祖 蘭裕、 馳 高 檄 祖 興 蘭 以 知

+ 月, 高 祖 遣杜僧明、胡穎將二千人頓于嶺上,并厚結始與豪傑同謀義舉,侯安都、

本

紀

第

高

祖

上

養脫 祖發 蔡路養起兵據南康,勃遣腹心譚世遠爲曲江令,與路養相結,同遏義軍。 外,詎 史,改封南野縣伯 已,乃降後旨,使人慨然。 辱臣死,誰敢愛命! 虛 皆 萬,士馬 張 一蒙國 「鼎沸, 偲等率千餘人來附。蕭勃聞之,遺鍾休悅說高祖曰:「侯景驍雄,天下無敵,前者援軍十 身竄 自始興,次大庾嶺。 可暗投? 成造。往聞侯景渡江,卽欲赴援,遭值元、蘭,梗我中道。今京都覆沒,主上蒙塵,君 精彊,然而 河東、桂陽相次屠戮,邵陵、開建親尋干戈,李遷仕託身當陽,至通奪馬仗,以君 走,高祖進頓南康。 未若且住始興,遙張聲勢,保此太山,自求多福。」高祖泣謂休悅曰:「僕本 | 莫敢當鋒,遂令||媽賊得志,君以區 君侯體則皇枝,任重方岳,不能摧鋒萬里,雪此冤痛,見遣一軍,猶賢乎 路養出軍頓南野,依山水立四城以拒高 僕行計決矣,憑爲披述。」乃遺使閒道往江陵,稟承軍期節 湘東王承制授高祖員外散騎常侍、持節、明威將 區之衆,將何所之? 祖。 高 祖 大寶元年正月,高 如聞 與戰,大破之,路 嶺北王侯又 軍、交州 度。 刺 庸 疎 時

石、魚梁,高祖 將 師將軍 軍、豫 六月,高 一、南江州刺史,餘如故。 州 刺 史,領豫章內史,改封長城縣侯。 祖脩崎頭古城,徙居焉。 命周文育將兵擊走之,遷仕 時寧都人劉藹等資遷仕舟艦兵仗,「心將襲南康,高祖遣杜 高州刺史李遷仕據大皐,遺主帥杜平虜率千人入讚 奔寧都。承制 **尋授散騎常侍、使持** 授高祖 通 直 節 散 、都督六郡 騎常侍、使持節 語軍 ·事、軍 信信

擒遷仕送南康,高祖斬之。承制命高祖進兵定江州,仍授江州刺史,餘 僧明等率二萬人據白口,築城以禦之,遷仕亦立城以相對。二年三月,僧明等攻拔其城,生 如故

望形勢,意甚不悅,謂左右曰:「此軍上有紫氣,不易可當。」乃以舣緲貯石沈塞淮口,緣淮作 于江陵勸進。十一月,承制授高祖使持節、都督會稽東陽新安臨海永嘉五郡諸軍事、平東 城,自石頭迄青溪十餘里中,樓雉相接。諸將未有所決,僧辯遣杜崱問計於高祖,高祖曰: 無湖,侯景城主張黑棄城走。三月,高祖與諸軍進剋姑熟, [5] 仍次蔡洲。侯景登石頭城觀 將軍、東揚州刺史,領會稽太守、豫章內史,餘並如故。三年正月,高祖率甲士三萬人、彊弩 是分三十萬以資之。仍頓巴丘。會侯景廢簡文帝,立豫章嗣王棟,高祖遣兼長史沈袞奉表 祖率杜僧明等衆軍及南川豪帥合三萬人將會焉。時西軍乏食,高祖先貯軍糧五十萬石,至 加高祖鼓吹一部。是時僧辯已發湓城,會高祖于白茅灣,乃登岸結壇,刑牲盟約。進軍次 五千張、舟艦二千乘,發自豫章。二月,次桑落洲,遣中記室參軍江元禮以事表江陵,承制 民觀者數萬人。 也,水暴起數丈,三百里閒巨石皆沒。 「前柳仲禮數十萬兵隔水而坐,草粲之在靑溪,竟不渡岸,賊乃登高望之,表裏俱盡,肆其凶 六月,高祖發自南康。 是時承制遣征東將軍王僧辯督衆軍討侯景。八月,僧辯軍次湓城,日高 南康灣石舊有二十四灘,灘多巨石,行旅者以爲難。 進軍頓西昌,有龍見于水濱,高五丈許,五采鮮耀,軍 高祖之發

紀

景將郭元 潰,逐北 冕、 應。 横隴 將分處置兵。賊直衝王僧志,僧志小縮,高祖遣徐度領弩手二千橫截其後,賊乃却。 與 衆萬餘人、鐵騎八百餘匹,結陣而進。 怒,親率 、王琳、杜龕等以鐵騎悉力乘之,賊退據其栅。 曹宣 覆我王師。 **今我** 築栅、衆軍次連八城、直出東北。賊恐西州路斷、亦於東北果林作五城以遏大路 等攻拔果林一城,衆軍又剋其四城。 至 攻之,士卒騰棚而 建 師旣衆,賊徒甚寡,應分賊兵勢,以弱 西明門。 **「奔齊,C10]高祖納其部曲三千人而還。 今**圍 景至闕下,不敢入臺,遣腹心 石頭,須渡北岸。 入,贼復散走。 高祖曰:「軍志有之,善用兵者, 諸將若不能當鋒,請先往立栅。」高祖即於石頭城西 景與百餘 賊復還,殊死戰,又盡奪所得城栅 制疆,何故聚其鋒銳,令必死於我。」乃命諸 景儀同盧輝略開石頭北門來降。五邊 取其二子而遁。 僧辯啓高祖鎮京 騎棄稍執刀,左右 高 口 祖 衝陣,陣不動,景衆 如常山之蛇,首尾相 率衆出 廣陵應接, 高 景率 祖 主戴 高祖 大 會 大

流矢死,斬 山 ,穿地道,攻之甚 五月, 首數百級,齊 齊遣辛術 急。 圍嚴超達於秦郡,高祖命徐度領兵助其固守。 高祖 人收兵 乃自 而 [率萬 退。 高祖 人解其圍,縱 振旅 南歸,遣記室參軍劉 兵 (四面 [擊齊軍] ,弓弩亂發,齊平秦王中 本仁獻 齊衆七萬,塡壍,起 捷 于江陵

會齊人來聘,求割廣陵之地,王僧辯許焉,仍報高祖,高祖於是引軍還南徐州,江北人隨軍 七月, 廣 陵 僑民朱盛、張象潛結 兵 襲齊刺 史溫仲邕,遣使來告, 高祖 率衆 濟江以應之。

進高祖位司空,口三餘如故。 月,湘東王即位于江陵,改大寶三年爲承聖元年。 而南者萬餘口。 三司、南徐州 刺史,餘並如故。 承制授高祖使持節、散騎常侍、都督南徐州諸軍事、征北大將軍、開府儀同 及王僧辯率衆征陸納於湘州,承制命高祖代鎮揚 湘州平,[三]高祖旋鎮京口。 州

矣。」乃密具袍數千領,及錦綵金銀,以爲賞賜之具。九月壬寅,高祖召徐度、侯安都、周文 代未聞。 貞陽也,高祖以爲不可,遣使詣僧辯苦爭之,往返數四,僧辯竟不從。 哲奉牋勸進。 **育等謀之,仍部列將士,分賞金帛,水陸俱進。是夜發南徐州討王僧辯。甲辰,高祖步軍至** 皇之子,海內屬目,天下宅心,竟有何辜,坐致廢黜,遠求夷狄,假立非次,觀其此情,亦可知 所親曰:「武皇雖磐石之宗,遠布四海,至於剋雪讎恥,寧濟艱難,唯孝元而已,功業茂盛,前 陽侯深明還主社稷,自己王僧辯納之,即位,改元日天成,以晉安王爲皇太子。 石頭前,遭勇士自城北踰入。 三子随相遇,俱出閤,左右尚數十人,苦戰。。高祖大兵尋至,僧辯衆寡不敵,走登城南門樓, 十一月,西魏攻陷江陵,高祖與王僧辯等進啓江州,請晉安王以太宰承制,又遣長史謝 我與王公俱受重寄,語未絕音,聲猶在耳,豈期一旦便有異圖。 十二月,晉安王至自尋陽,入居朝堂,給高祖班劍二十人。四年五月,齊送貞 時僧辯方視事,外白有兵。 俄而兵自內出,僧辯邃走,與其第 高祖居常憤歎,密謂 嗣主高祖之孫,元 初,齊之請納

本

紀第

高租上

高 中 祖 表 諸 勸 因 軍 進。 風 事 縱 、車騎將軍、揚南徐二州刺史,持節、司空、班劍、鼓吹並如故。 火,僧辯窮迫,乃就擒。 十月己酉,晉安王卽位,改承聖四年爲紹泰元年。 是夜縊僧辯及頗。景午,口門真陽侯遜位,百僚奉晉安王 壬子,韶授高祖侍中、 仍詔高祖甲仗百 大都 督

甲辰 闕下 要南 運 領 淮 命 以 史杜 遣 筋 合州 水 嗣 州 其從弟 出入殿省 徽 ,嗣徽等攻冶城栅,高祖領鐵騎精甲 稜 軍 米數千石。 刺 豫 震 侯安都 宼 州 州 宿 夜 史 刺 柳 逼, 北 襲 刺史杜龕據吳興,與義興太守韋載同舉兵反。 史徐度 刺 衞 臺省。 胡 叟將兵拒戰,北叟敗 達 史任約共舉兵應龐、載,齊人資 領驍勇五百人出 卷甲還都, 墅 摩 領 於冶城寺立栅 ,燒齊船千 仍遺韋載 兵萬 甲戌,軍至義 人, 命周文育進討 於 ·餘艘, 於胡 大航 [戰, 南抵淮 興。 歸義興。 墅渡米粟三萬石 築城,使杜稜據守。 周鐵 嗣徽等退據 景子, 拔其水栅 武 社龕。 渚。 ,出自西明門襲擊之,賊衆大潰。 率舟師 辛未 其 齊又遺安州刺 兵 石頭。 十一月己卯, ,高祖表自東討,留高 斷齊運輸,公司 食。 馬千匹, 丁丑,載及北叟來降,高祖 嗣 齊人又於倉門水 秦州刺 徽等以京師空虛,率精兵五千奄至 高祖命周文育率衆攻載于義興、龕 入于石頭 史翟子崇、 齊遣 史徐嗣徽據其城以入齊, 擒其 兵五 北 州 楚州刺 一千濟渡據 癸未, 刺刺 南 徐 史侯安都、石州 立三棚 孙 嗣徽留柳達摩等 刺 高 史劉仕榮、江吾 史張 姑熟。 祖 撫 以 遣 (拒官 領州 而 侯安都 :釋之。 高祖 獲 軍 又 刺刺 o

夾淮 卯 徽 守 和 浦 領 渡 攻 高 城城 齊 淮 城 家 出 口 觀 置 于 兵 口 自 自 祖 高 陣,高 東 于 水 戰 率 許 辰 祖 步萬 方。 秦州 之,乃 親 訖 遣 呼 侯安都 聲 屬腹心,往南州採石,口也以迎齊援。 祖 酉, 景辰, ,俘獲 餘 震天 督兵 送 於 得 人,還據 一齊人歸 城門外刑 其 数百· 領水 地。 高祖 疾戰,縱火燒栅,煙塵漲天,賊潰,爭舟相排擠,溺死者以千數。 東 北 軍 軍 人。 石頭,高 盡命衆軍分部甲卒, 北 小 襲破之,嗣徽等乘單 士 者 牲盟 城, 官軍連艦 ·乘勝, 及夜 約, 祖 遣兵往 無不一當百, 其將 兵不解。 塞淮口,斷 士部曲 江寧,據要險以斷 對冶城立航渡兵,攻其 庚 舸脫走,盡收其軍資器械。 申, 賊水路。 十二月癸丑 盡收其船艦, 無所問, 恣其南北。 達摩遣使侯子欽、 先是太白自十一月景戌不見,乙 賊路。 ,高祖遺侯安都領舟師 賊軍 懾氣。 賊水步不敢 八水南 劉仕榮等詣 辛酉, 二棚。 是日 己未,官 高 進,頓 嗣徽、 柳達 祖 時 軍 出 高 約等 摩等 襲嗣 石 百 祖 江 四 寧 姓 頭 面

祖 命 侯 壬 戌 安都 齊和 徐度等 州 長 討 史鳥 平之, 斬 丸遠自 首數千 南州 奔還歷陽。 級 ,聚爲京 觀。 江 寧令 石 頭、採石、南州 陳嗣、黄 門侍郎曹朗據姑熟反,高 悉平,收獲馬仗船米

是月 杜 龕 以 城降。 一年正 月癸未,誅杜 龕于吳興, **龕從弟** 北 叟、 司 馬 沈 孝敦 並 賜

不

미

勝

計

南

門,

陳

兵

、數萬

月 庚 申 高 祖 遣 侯安都、 周鐵 武 率舸艦備 江州, 仍頓 梁山 [起栅。 甲子,敕 空有 軍旅

本

紀

表以送臺。

之事,可騎馬出入城內。 戊辰,前寧遠石城公外兵參軍王位於石頭沙際獲玉璽四紐,高祖

遊擊,敗之,燒其前軍船艦,<u>齊頓軍保</u>满湖。 孤辟惡、洛州刺史李希光,自己幷任約、徐嗣徽等,率衆十萬出棚口,向梁山,帳內盪主黃叢 三月戊戌,齊遣水軍儀同蕭軌、厙狄伏連、堯難宗、東方老、侍中裴英起、東廣州刺史獨 高祖遣定州刺史沈泰、吳郡太守裴忌就侯安

自去冬至是,甘露頻降于鍾山、梅崗、南澗及京口、江寧縣境,或至三數升,大如弈棊

都,共據梁山以禦之。

子,高祖表以獻臺。

望,都邑震駭。高祖潛撤精卒三千配沈泰,渡江襲齊行臺趙彥(琛)〔深〕於瓜步,〔回〕獲舟艦百 門外白獸闕下刑牲告天,口也以齊人背約,發言慷慨,涕泗交流,同盟皆莫能仰視,士卒觀者 周文育屯方山,徐度頓馬牧,杜稜頓大航南。己亥,高祖率宗室王侯及朝臣將帥,於大司馬 餘艘,陳栗萬斛。爾日天子總羽林禁兵,「三」頓于長樂寺。六月甲辰,齊兵潛至鍾山龍尾。 等各引還京師。癸卯,齊兵自方山進及見塘,游騎至臺。周文育、侯安都頓白土崗,旗鼓相 益 四月丁巳,高祖詣梁山軍巡撫。五月甲申,齊兵發自蕪湖,景申,至秣陵故治。高祖遣 辛丑,齊軍於秣陵故縣跨淮立橋棚,引渡兵馬。其夜至方山。侯安都、周文育、徐度

庚申、蕭軌、東方老、王敬寶、李希光、裴英起皆伏誅。高祖表解南徐州以授侯安都 等將帥凡四十六人。其軍士得竄至江者,縛荻筏以濟,中江而溺,流屍至京口,翳水彌岸。 |齊師大潰,斬獲數千人,相蹂藉而死者不可勝計,生執徐嗣徽及其弟嗣宗,斬之以徇。 追奔 餒, 殺 丁巳,衆軍出南州,燒賊舟艦。己未,斬劉歸義、徐嗣彦、傅野猪于建康市。三三是日解嚴。 至于臨沂。其江乘、攝山、鍾山等諸軍相次克捷,虜蕭軌、東方老、王敬寶、李希光、裴英起 麾下出莫府山南,吳明徹、沈泰等衆軍首尾齊舉,縱兵大戰,侯安都自白下引兵橫出其後, 退路燥,官軍每得番易。甲寅,少霽,高祖命衆軍秣馬蓐食,運明攻之。乙卯旦,自率帳內 其夜大雨震電,暴風拔木,平地水丈餘,齊軍晝夜坐立泥中,懸鬲以爨,而臺中及潮溝北水 子,齊軍至玄武湖西北莫府山南,將據北郊壇。 未,進至 馬 驢 莫府山。 而食之。 庚戌,齊軍踰鍾山,高祖衆軍分頓樂遊苑東及覆舟山北,斷其衝要。壬 高祖遣錢明領水軍出江乘,要擊齊人糧運,盡獲其船米,齊軍於是大 衆軍自覆舟東移,頓郊壇北,與齊人相對。

以 節、都督中外諸軍事、將軍、尚書令、班劍、鼓吹、甲仗並如故,幷給油幢阜輪車。 江州入附。 七月景子,韶授高祖中書監、司徒、揚州刺史,進爵爲公,增邑幷前五千戶,侍中、使持 遭侯安都鎭上流,定南中諸 是月侯瑱

八月癸卯,太府卿何敳、新州刺史華志各上玉璽一,高祖表以送臺,詔歸之高祖。 是日

本

紀

形

祖上

敬;妣張氏義與國太夫人,諡曰宣。 日 刺史、長城縣公,諡曰昭烈;弟休先侍中、使持節、驃騎將軍、南徐州刺史、武康縣侯,〔邑〕諡 人, 幷前三十人, 餘如故。丁未, 詔贈高祖兄道談散騎常侍、 〔三〕 使持節、平北將軍 自今入問訊,可施別楊以近扆坐。二年正月壬寅,天子朝萬國於太極東堂,加高祖 庚申,韶追贈高祖考侍中、光祿大夫,加金章紫綬,封義興郡公,諡曰恭。十月甲戌,敕丞相 事 詔 如故。 忠壯,食邑各二千戶。至三甲寅,遣兼侍中謁者僕射陸繕策拜長城縣夫人章氏爲義興 、鎮衞大將軍,改刺史爲牧,進封義與郡公,侍中、司徒、都督、班劔、鼓吹、甲仗、阜輪車竝 高祖食安吉、武康二縣,合五千戶。九月壬寅,改年日太平元年。進高祖位丞相、錄尚 丁卯、韶贈高祖祖侍中、太常卿、諡曰孝。 丁未,中散大夫王彭牋稱今月五日平旦於御路見龍跡, 追封 高祖祖母許氏吳郡嘉興縣君,謚 自大社至象闕,三三四 、南兖州 班 劒十 里。 國 書

至于豫章,分屯要險,南江 二月庚午,蕭勃舉兵,自廣 州 刺史余孝頃起兵應勃,高祖命周文育、侯安都 州渡嶺,頓南康,遣其將歐陽頠、傅泰及其子孜爲前 率衆討 平之。 軍,三公

,其侍中、都督、錄尙 八月甲午,進高 祖 書、鎭衞 位太傅, 大將軍、揚州牧、義興郡公、班劒、甲仗、油幢阜輪車並如故。 加 黄鉞, 劒履 上殿,入朝 不趨,贊拜不名,幷給羽葆鼓吹一

加高祖前後部羽葆鼓吹。

是時,湘州刺史王琳擁兵不應命,高祖遣周文育、侯安都率衆討之。

九月辛丑,詔曰:

武之君,大監治乎萬國。又有一匡九合,渠門之賜以隆,戮帶圍溫,行宮之寵斯茂,時 危所以貞固,運泰所以光熙,斯乃千載同風,百王不刋之道也。 **肇昔元胎剖判,太素氤氲,崇建人皇,必憑洪宰。故賢哲之后,牧伯征于四方,神** 

非云擬。重之以屯剝餘象,荆楚大崩,天地無心,乘輿委御,五胡荐食,競謀諸夏,八方 浮深,經略中途,畢殲羣醜。洎乎石頭、姑熟,流髓履腸,一朝指撝,六合清晏。是用光 牢,悠悠上天,莫云斯極。 否終則泰,元輔應期,救此將崩,援茲已溺,乘舟履輩,架險 踰滄海,大極交、越。 [lit] 皇運不造,書契未聞,中國其亡,兵凶總至,哀哀噍類,譬彼窮 錄。斯又巍巍蕩蕩,無德而稱焉。 求哀之路莫從,竊鈇逃責,容身之地無所。公神兵奄至,不日淸澄,惟是孱蒙,再膺天 棊跱,莫有匡救,**彊臣放命,黜我沖人,顧影於荼孺之魂,甘心於**甯卿之辱。 却核下髻, 昭下武,翼亮中都,雪三后之勍讎,夷三靈之巨慝。夷台周佐,未始能階,殷相周師,固 太傅義興公,允文允武,迺聖迺神,固天生德,康濟黔首。昔在休期,早隆朝寄,遠

加 以仗茲忠義,屠彼祆逆,震部夷氛,稽山罷祲,番禺、蠡澤,北鄙西郊,殲厥凶徒,

章,中外成平,遐邇寧一,用能使陽光合魄,曜象呈暉,棲閣遊庭,抱仁含信,宏勳該於 厚地,大道格于玄天。羲、農、炎、昊以來,卷領垂衣之世,聖人濟物,未有如斯者也。 罄無遺種。 斯則兆民之命,脩短所縣,率土之基,興亡是賴。 於是刑禮兼訓,沿革有

**茲雅尙,**久廢朝猷,宜戒司勳,敬升鴻典。 且重華大聖,嬀汭惟賢,盛德之祀無忘,公侯 之門必復。是以殷嘉亶甫,繼后稷之官,堯命羲和,纂重黎之位。況其本枝攸建,宜誓 周,凡厥人祇,固懷延佇。<br />
寔由公謙撝自牧,降損爲懷,嘉數遲回,永言增歎。 **級綬,位在諸侯王上,其鎭衞大將軍、揚州牧如故。** 山河者乎。其進公位相國,總百揆,封十郡爲陳公,備九錫之禮,加璽紱、遠遊冠、綠 夫備物典策,桓、文是膺,助理陰陽,蕭、曹不讓,未有功高於寓縣,而賞薄於伊、 豈可申

策日:

况乎體得一之鴻姿,寧陽九之危厄,拯橫流於碣石,撲燎火於崑岑,驅馭於韋、彭,跨蹑 惟 於齊、晉,神功行而靡用,聖道運而無名者乎。今將授公典策,其敬聽朕命: 王建國,翼輔者齊聖。是以文、武之佐,磻磎蘊其玉璜,堯、舜之臣,榮河鏤其金版。 大哉乾元,資日月以貞觀,至哉坤元,憑山川以載物。故惟天爲大,陟配者欽明,

日者昊天不弔,鍾亂于我國家,網漏吞舟,彊胡內贔,茫茫宇宙,憔慄黎元,方足圓

\_\_

民, 鞠旅於滇池之南, 揚旌於桂嶺之北, 懸三光於已墜, 謐四海於羣飛, 屠猰窳於中原, 顱,萬不遺一,太清否亢,橋山之痛已深,大寶屯如,平陽之禍相繼。 上率膺運,康救兆

**斮鯨鯢於濛汜。蕩寧上國,光啓中興。此則公之大造於皇家者也。** 

中國搖然,非徒如綫。公赫然投袂,匡救本朝,復莒齊都,平戎王室。 朕所以還膺寶 **盜假神器,冢司昏橈,旁引寇讎,旣見貶於桐宮,方謀危於漢閣,皇運已殆,何殊赘旒,** 歷,重履宸居,挹建武之風猷,謌宣王之雅頌。此又公之再造於皇家者也。 旣而天未悔禍,夷醜荐臻,南夏崩騰,西京蕩覆,羣胡孔熾,藉亂乘間,推納藩枝,

越貊爲災,番部阽危,勢將淪殄。公赤旗所指,祇壘洞開,白羽纔撝,兇徒粉潰。 神武,久喪南藩。此又公之功也。 公應務之初,登庸惟始,三川五嶺,莫不窺臨,銀洞珠宮,所在寧謐。孫、盧肇釁,

蘇歷、嘉寧,盡爲京觀。三山燎洞,八角蠻陬,逖矣水寓之鄉,悠哉火山之國,馬援之所 雄豪熾於梁碩。公英暮雄筭,電掃風行,馳御樓船,直跨滄海,新昌、典澈,備履艱難, 不屆,陶璜之所未聞,莫不懼我王靈,爭朝邊侯,歸賝天府,獻狀鴻臚。此又公之功也。 自寇虜陵江,宮闈幽辱。公枕戈嘗膽,提劔拊心,氣涌青霄,神飛紫闥。而番禺連 大同之末,邊政不脩,李賁狂迷,竊我交、愛,敢稱大號,驕恣甚於尉他,據有連州,

本紀第一 高祖上

率,本自諮克,言得其朋,是懷同惡。公仗此忠誠,乘機勦定,執沛令而釁鼓,平新野而

據鞍。此又公之功也。

知無不爲,卹是同盟,誅其醜類,莫不魚驚鳥散,面縛頭懸。南土黔黎,重保蘇息。此 世道初艱,方陽多難,勳門桀黠,作亂衡嶷,兵切池隍,衆兼夷獠。公以國盜邊警,

又公之功也。

阻亂,百樓不戰,雲梯之所未窺,萬弩齊張,高輣之所非敵。公龍靈虎步,至回嘯吒風 雲,山靡堅城,野無**彊陣,清**祆氛於<u></u>濱石,滅沴氣於雩都。此又公之功也。 長驅嶺嶠,夢想京畿,緣道酋豪,遞爲榛梗,路養渠率,全據大都,醫聚逋逃,方謀

歲稽誅,寔惟勍虜。公坐揮三略,遙制六奇,義勇同心,貔貅騁力,雷奔電擊,谷靜山 空,列郡無犬吠之驚,叢祠罷狐鳴之盜。此又公之功也。 遷仕凶慝,屯據大阜,乞活類馬騰之軍,流民多杜弢之衆,推鋒轉鬬,自北徂南,頻

蔑雷霆,高艦層樓,仰捫霄漢,故使三軍勇銳,百戰無前,承此兵糧,遂殄兇逆。此又公 豐,壺漿之迎是衆,軍民轉漕,曾無砥柱之難,艫舳相望,如運放倉之府,犀渠貝冑,顧 王師討虜,次屆淪波,兵乏兼儲,士有飢色。公回應鑑澤,積殼巴丘,億庾之詠斯

之功也。

虞,鴻門是會,若晉侯之誓白水,如蕭王之推赤心,屈禮交盟,人祇感咽,故能使舟師並 若夫英圖邁俗,義旅如雲,湓壘猜攜,用淹戎略。 公志唯同獎,師克在和,鵠塞非

路,遠邇朋心。此又公之功也。

開, 夷庚之道無塞。此又公之功也。 賢、右角,沙潰土崩,木甲殪於中原,氊裘赴於江水,他他藉藉,萬計千羣,鄂坂之隘斯 姑熟襟要**,**崤函阻憑,寇虜據其關梁,大盜負其扃鐍。 公一校裁撝,三雄竝奮,左

噍,軍容甚穆,國政方脩,物重觀於衣冠,民還瞻於禮樂,**楚人滿道,爭觀於**葉公,漢老 抗殿,揃華岳以爲城,雜虜憑焉,彊兵自若。公回茲地軸,抗此天羅,曾不崇朝,俾無遺 銜悲,俱歡於司隸。此又公之功也。 義軍大衆,俱集帝京,逆豎兇徒,猶屯皇邑。若夫表裏山河,金湯 嶮固,疏龍首以

推南,胡笳動於徐北。公舟師步甲,豆野横江,殲厥羣羝,遂殫封豨,莫不絓本而止,戎 車靡遺,遇濘而旋,歸驂盡殪。此又公之功也。 內難初靜,諸侯出關,外郡傳烽,鮮卑犯塞,莫非且渠、當戶,中貴名王,冀馬迾於

氣,石壘天嚴,朝曆戎塵,夜喧問鼓。公三籌旣畫,八陣斯張,裁舉靈(鉢)〔鉟〕、日心亦抽 公克黜禍難,劬勞皇室,而孫窜之黨,翻啓狄心,伊、洛之閒,咸爲虜戍,雖金陵佳

本紀

金僕,咸俘醜類,悉反高墉,異李廣之皆誅,同龐元之盡赦。此又公之功也。

警之督烹於軍市,投寨坑而盡沸,噎(潢)[濉]水而不流。〔回〕此又公之功也。 指東都而成陣。公左甄右落,箕張翼舒,掃是攙槍,驅其獫狁,長狄之種埋於國門,椎 任約叛換,梟聲不悛,戎羯貪婪,狼心無改,穹廬氈幕,抵北闕而爲營,烏孫天馬,

鉦且戒, 祆脋震懾, 遽請灰釘, 爇櫬以表其含弘, 焚書以安其反側。此又公之功也。 一相居中,自折彝鼎,五湖小守,妄懷同惡。公夙駕兼道,衣製杖戈,玉斧將揮,金

憤切,卓爾英狀,[三]丞規奉筭,戮此大憝,如烹小鮮。此又公之功也。 未此殘酷。公雖宗居汝願,世寓東南,育聖誕賢之鄉,含章挺生之地,眷言桑梓,公私

賊龕兇橫,陵虐具區,阻兵安忍,憑災怙亂,自古蟲言鳥跡,渾沌洪荒,凡或虔劉,

之閒,句踐行其嚴戮,英規聖跡,異代同風。此又公之功也。 (中軍無率,選是親賢,奸寇途窮,漼然冰泮,刑溏又作「唐」之所,文命動其大威,雷門 亂離永久,羣盜孔多,浙左兇渠,連兵構逆,豈止千兵、五校、白雀、黃龍而已哉!

**甸師,萬里澄淸,非勞新息。此又公之功也。** 東帝。公論兵於廟堂之上,決勝於罇俎之閒,寇、賈、樊、滕,浮江下瀨,一朝揃撲,無待 同 .姓有扈,頑兇不賓,憑藉宗盟,圖危社稷,觀兵匯澤,勢震京師,驅率南蠻,已爲

吳濞已(摐)〔鏦〕、〔是〕命我還師,征其不恪,連營盡拔,僞黨斯擒,曜聖武於匡山,回神旌 豫章祇寇,依憑山澤,繕甲完聚,多歷歲時,至三結從連橫,爰洎交、廣。呂嘉旣獲,

於蟸派。此又公之功也。

風猷斯遠,至於蒼蒼浴日,杳杳無雷,北洎丈夫之鄉,南踰女子之國,莫不屈膝膜拜,求 自八紘九野,瓜剖豆分,竊帝偷王,連州比縣。公武靈已暢,文德又宣,折簡馳書,

吏款關。

此又公之功也。

庠宗稷之典,六符十等之章,還聞太始之風流,重觀永平之遺事。 夫黍離之歎,方之於斯,未足爲悲矣。<br />
公求衣昧旦,<br />
長食高春,<br />
興構宮閣,<br />
具瞻遐邇,郊 都簪弁,百僚卿士,胡服縵纓,咸爲戎俗,高冠厚履,希復華風,宋微子麥穟之歌,周大 京師禍亂,亟積寒暄,雙闕低昂,九門寥豁。寧秦宮之可顧?豈魯殿之猶存?五 此又公之功也。

公有濟天下之勳,重之以明德,凝神體道,合德符天,用百姓以爲心,隨萬機而成

物非唐、虞之民,歸含靈於仁壽之域,上德不德,無爲以爲,夏長春生,顯仁

藏

是以天無蘊 文質,物色丘園,衣裾里巷,朝多君子,野無遺賢,菽粟同水火之饒,工商富猗頓之旅。 用,忠信爲寶,風 寶,地有呈祥,潏露卿雲,朝團曉映,山車澤馬,服馭登閑,旣景煥於圖書, 雨弗慨,仁惠爲基,牛羊勿踐,功成治定,樂奏疑、雲,安上治民,禮兼 務,恥一

本紀

方葳蕤於史課。 高勳踰於象緯,積德冠於嵩、華,固無德而稱者矣。

敍。 德,寂爾無聞,朕所以垂拱當宁,載懷慙悸者也。今授公相國,以南豫州之陳留、南丹 軍、揚州牧如故。 陽、宣城,揚州之吳興、東陽、新安、新寧,南徐州之義興,江州之鄱陽、臨川十郡,封公 表海,祚土維齊,嚴嚴泰山,俾侯于魯;抑又勤王反鄭,夾輔遷周,召伯之命斯隆,河陽 之號,上所假節侍中貂蟬、中書監印章、中外都督太傅印綬、義興公印策,其鎭衞大將 諸侯,咸作卿士,兼其內外,禮實攸宜。 今命使持節兼太尉王通授相國印綬、陳公璽 爲陳公。錫茲青土,苴以白茅,爰定爾邦,用建冢社。昔旦、奭分陝,俱爲保師,晉、鄭 之禮咸備;況復經營宇宙,寧唯斷鼇足之功,弘濟蒼生,非直鑿龍門之嶮;而疇庸報 [左]。Cland相國秩踰三鉉,任總百司,位絕朝班,禮由事革。 使持節兼司空王瑒授陳公茅土,金獸符第一至第五左,「邑」竹使符第一至第十 朕又聞之,前王宰世,茂賞尊賢,式樹藩長,總征羣伯,二南崇絕,四履遐曠,泱泱 其以相國總百揆,除錄尚書

錫公衮冕之服,赤鳥副焉。以公調理陰陽,變諧風雅,三靈允降,萬國同和,是用錫公 錫公大輅、戎輅各一,玄牡二駟。以公賤寶崇穀,疏爵待農,室富京坻,民知榮辱,是用 又加公九錫,其敬聽後命:以公禮爲楨榦,律等銜策,四維皆舉,八柄有章,是用

期在 往欽哉!其恭循股命,克相皇天,弘建邦家,允興洪業,以光我高祖之休命! 明,春露秋霜,允恭粢盛,是用錫公秬鬯一卣,圭瓚副焉。陳國置丞相已下,一遵舊式。 廊廟,為世鎔範,折衝四表,臨御八荒,是用錫公武賁之士三百人。 [15] 以公執茲明罰, 軒縣之樂,六佾之舞。以公宣導王猷,弘闡風教,光景所照,聚象必通,是用錫公朱戶 車書,括囊寰宇,是用錫公彤弓一、彤矢百、兹弓十、玈矢千。 以公天經地義,貫徹幽 |刑措,象恭無赦,干紀必誅,是用錫公斧、鉞各一。 以公英猷遠量,跨厲嵩溟,包一 以公抑揚淸濁,聚德進賢,髦士盈朝,幽人虛谷,是用錫公納陛以登。以公嶷然

**旱**,樂舞八佾,設鍾廣宮縣。 王妃、王子、王女爵命之號,陳臺百官,一依舊典。 又命陳王冕十有二旒,建天子旌旗,出警入蹕,乘金根車,駕六馬,備五時副車,置旄頭雲 之轉陽、豫章、安成、廬陵幷前爲二十郡,益封陳國。 十月戊辰,進高祖爵爲王,以揚州之會稽、臨海、永嘉、建安,南徐州之晉陵、信義,江州 其相國、揚州牧、鎭衞大將軍並如故。

辛未,梁帝禪位于陳,詔曰:

闡揚 始,見困 鴻烈。  $\exists i$ 運更始,三正迭代,司牧黎庶,是屬聖賢,用能經緯乾坤,彌綸區宇,大庇黔首, 長蛇,承聖之季,又罹封豕。 革晦 ,以明,積代同軌,百王踵武,咸山此則。 爰至天成,重竊神器,三光亟沈,七廟乏祀,含生 梁德湮微,禍亂荐發,太荷云

本紀

绵

高祖

上

已泯,鼎命斯墜,我武、元之祚,有如綴旒,靜惟屯剝,夕惕載懷。

歸,謳謌爰適,天之歷數,寔有攸在。朕雖庸藐,闇於古昔,永稽崇替,爲日已久,敢忘 道昭於悠代,勳格於皇穹,明明上天,光華日月,革故著於玄象,代德彰於圖讖,獄訟有 非止隆周之日。固以效珍川陸,表瑞煙雲,甘露醴泉,旦夕凝涌,嘉禾朱草,孳植郊何。 候,大功在舜,盛績惟禹,巍巍蕩蕩,無得而稱。 來獻白環, 豈直皇虞之世,入貢素雉, 炭,東誅逆叛,北殲獯醜,威加四海,仁漸萬國,復張崩樂,重興絕禮,儒館聿脩,戎亭虛 列代之遺典,人祗之至願乎。今便遜位別宮,敬禪于陳,一依唐、虞、宋、齊故事。 相國陳王,有命自天,降神惟嶽,天地合德,晷曜齊明,拯社稷之橫流,提億兆之塗

策日:

漢、魏因循,是爲故實。 宋、齊授受,又弘斯義。我高祖應期撫運,握樞御宇,三后重 護王。 旣竭,耄勤已倦,則抗首而笑,唯賢是與,謗然作歌,簡能斯授,遺風餘烈,昭晰圖書。 杳冥慌忽,故靡得而詳焉。自羲、農、軒、昊之君,陶唐、有虞之主,或垂衣而御四海,或 無爲而子萬姓,居之如馭朽索,去之如脫敝屣。裁遇許由,便能捨帝,暫逢善卷,即以 各爾陳王:惟昔上古,厥初生民,驪連、栗陸之前,容成、大庭之代,並結繩寫鳥, 故知玄扈斑璣,非關尊貴,金根玉輅,示表君臨。及南觀河渚,東沈刻璧,精華

光、祖宗齊聖。及時屬陽九、封豕荐食、西都失馭、夷狄交侵、乃泉天成、輕弄龜鼎、傑

**憔黔首,若崩厥角,微微皇極,〔ē〕將甚綴旒。** 

非一族,昔木德旣季,而傳祚于我有梁,天之歷數,允集明哲。式遵前典,廣詢羣議,王 若夫安國字萌,本因萬物之志,時乘御(辯)[字],四〕良會樂推之心。七百無常期,皇王 傳首,[至]用能百揆時序,四門允穆,無思不服,無遠不屆,上達穹昊,下漏深泉,[80] 蛟 賀帝弘,貿茲冠屨,旣行伊、霍,用保沖人。震澤、稽陰,並懷叛逆,獯羯醜虜,三亂皇 公卿尹,莫不攸屬,敬從人祇之願,授帝位于爾躬。 四海困窮,天祿永終,王其允執厥 創 魚並見,謳歌攸屬。況乎長彗橫天,已徵布新之兆,璧日斯旣,寔表更姓之符。是以始 都,裁命偏師,二邦自殄,薄伐險狁,六戌盡殪。嶺南叛渙,湘、郢結連,賊帥旣擒,兇渠 [行武步,[m] 发初投袂,日廼勤王,電掃番禺,雲撤彭蠡,揃其元惡,定我京畿。 及王 義師,紫雲曜彩,肇惟尊主,黃龍負舟。 楛矢素翬,梯山以至,白環玉玦,慕德而臻。 惟王乃聖乃神,欽明文思,二儀並運,四時合序,天錫智勇,人挺雄傑,珠庭日角,

#### 文重書日

本

紀第

高祖上

君子者自昭明德,達人者先天弗違,故能進退咸亨,動靜元吉。 **朕雖蒙寡**,庶乎景 當高蹈於滄洲,自求於泰伯者矣。

亟移年序。 周成、漢惠,邈矣無階,惟是童蒙,必貽顚蹙。 若使時無聖哲,世靡艱難,猶

**侵中國,縣王都帝,人懷干紀,一民尺土,皆非梁地。 朕以不造,幼罹閔凶,仰憑衡佐,** 

伐西征,晻映川陸,榮光曖曖,已冒郊廛,甘露瀼瀼,亟流庭苑。 車轍馬跡,誰不率從? 空,夏臺虛設,民惟大齊,野有同人,升平頌平,無偏無黨,固以雲飛紫蓋,水躍黃龍,東 與天地同和,大禮與天地同節,鼓之以雷霆,潤之以風雨,仁霑葭葦,信及豚魚,殷牖斯 其貞明,登承聖於復禹之功,樹鞠子於與周之業,滅陸渾於伊、洛,殲驪戎於鎬京,大小 ||震之驍徒,東南兩越之勍寇,遽行天討,無遺神策。 於是祖述堯舜,憲章文武,大樂 惟王應期誕秀,開籙握圖,性道故其難聞,嘉庸已其被物,乾行同其燾覆,日御比

若勛、華,屢回星琯。 昔者木運斯盡,予高祖受焉。 今歷去炎精,神歸樞紐,敬以火德, 弧曉映,久矣夷羊之在牧,時哉蛟龍之出泉。 蟠水流沙,誰不懷德。 祥圖遠至,非唯赤伏之符,靈命昭然,何止黃星之氣。 虞故事。 左僕射平樂亭侯王通,區三兼太尉司徒左長史王瑒奉皇帝璽綬。 傳于爾陳。 目,賢聖之表旣彰,握旄執鉞,君人之狀斯偉。且自攝提無紀,孟陬殄滅,枉矢宵飛,天 王其時陟元后,寧育兆民,光闡洪猷,以承昊天之休命 遠鑒前王,近謀羣辟,明靈有悅,率土同心。今遣使持節兼太保侍中尚書 革運之兆咸徵,惟新之符並集,朕所以欽 受終之禮,一依唐、 海口河

「典澈」或本作「曲澈」,前有「典澈湖」亦同,皆疑。

是日梁帝遜于別宮。

高祖謙讓再三,羣臣固請,乃許。

#### 校勘記

[1]新喻侯蕭暎爲吳興太守 「渝」,因渝水爲名,唐天寶後相承作「喩」,詳見唐書地理志及元和郡縣志。「蕭暎」杜僧明傳作 「蕭映」,他處亦暎映亙見,今以暎映同字,不改歸一律。 「新喩」社僧明傳作「新渝」,他處亦喩渝互見。 按「新喩」之「喩」本作

本紀第一 校勘記

- 交阯叛換 「叛換」各本作「叛渙」。按叛換、叛渙皆疊韻聯緜字,音同而義亦相近,本書換渙互
- 用之處數見,後如此不悉出校記。
- 賁走典徹湖 或本作『曲澈』,前有『典澈湖』,亦同」。是舊校所見本亦作「澈」也。 按「徹」當作「澈」。策陳霸先九錫文有「新昌、典澈,備履艱難」語,舊校云「『典澈』
- **24** 是歲太清元年也 按梁書武帝紀,李賁兵潰在中大同元年正月,其被殺則在太清二年三月。
- 五 李遷仕託身當陽 「託」各本作「許」。 殿本秀證云「許」一本作「託」。張元濟校勘記云「託」字義
- 敷 ? 時寧都人劉藹等資遷仕舟艦兵仗 「劉藹」、杜僧明傳、周文育傳並作「劉孝尙」,豈一人而異名
- 僧辯軍次湓城 悉出校記。 「湓」南史陳武帝紀作「盆」。按「湓城」或省作「盆城」,史文二字互用,後如此不
- 高祖 多互見,後如此不悉出校記。 與諸軍進剋姑熟 「姑熟」北監本、汲古閣本、殿本並作「姑孰」。 按孰熟字同,史文二字亦
- 高祖率衆出廣陵應接會景將郭元建奔齊 景儀 同 盧輝略開石頭北門來降 「盧輝略」梁書侯景傳作「盧暉略」,通鑑同。 太平御覽一三三引作「高祖率衆出廣陵應接景將郭

# 元建,會元建奔齊」,册府元龜一八六同,文意較明,此有脫文。

- 湘州平 |幾同,元龜一八六同。 御覽一三三引「湘州平」上有「明年」二字,疑此有脫文。 殿本考證云「梁書湘州平係承聖二年事」。今按南史陳武帝紀繁此事於承聖二年,通
- CID 三年三月進高祖位司空 梁書元帝紀作「四月癸酉」,通鑑同。
- (三)齊送貞陽侯深明還主社稷 景午 即丙午。 姚思廉避唐高祖父諱,「丙」字皆改爲「景」,後如此不悉出校記。 「深明」即「淵明」,此避唐高祖諱改,後同。
- 〔1 | 五 | 楚州刺史劉仕榮 | 南史陳武帝紀作「劉士榮」。
- **周鐵武率舟師斷齊運輸** 「周鐵武」即「周鐵虎」,此避唐高祖祖父諱改,後同。
- (1七) 往南州採石 「採石」南監本、北監本、殿本作「采石」。按采採同字,史文二字亦多互見,後如此

不悉出校記。

- △○ 洛州刺史李希光 刺史,與蕭軌等渡江戰沒,與此異。」 張森楷校勘記云:「北齊書高乾傳附弟季式傳,謂李希光於齊天保中爲揚州
- Cl む 於大司馬門外白獸闕下刑牲告天 「白獸闕」即「白虎闕」,此避唐諱改,後同。
- CIO] 渡江襲齊行臺趙彥(琛)[深]於瓜步 **隱,避齊廟諱,故以字行。古人名字相應,自以作「深」爲是。** 據南史陳武帝紀改。 按趙彦深北齊書有傳,傳稱其本名

本紀第一 校勘記

斬劉歸義徐嗣彦傅野猪于建康市 「徐嗣彦」梁書敬帝紀、南史陳帝紀並作「徐嗣產」。

韶贈高祖兄道談散騎常侍 「道談」北監本、汲本、殿本作「道譚」,原本下卷亦作「道譚」。今以

譚談字同,不改歸一律。

弟休先至武康縣侯 追封休先爲南康郡王。 按南康愍王曇朗傳,云梁敬帝即位,追封休先爲武康縣公,陳霸先受禪,又 休先與其兄道譚兩次同時追封,不應一爲公,一爲侯,「武康縣侯」當從

**曇朗傳作「武康縣公」。** 

食邑各二千戶 按南康愍王曇朗傳,休先追封爲武康縣公時,邑一千戶,其後追封南康郡王,始

食二千戶。此「二千戸」當作「一千戸」。 按梁書敬帝紀,孜乃蕭勃從子,此云「及其子孜」,疑脫一

「從」字。

遣其將歐陽頠傅泰及其子孜爲前軍

大極交越 「極」北監本、汲本、殿本作「拯」。按極訓至,「大極」與上「遠踰」:相對成文,作「極」

公龍驤虎步 按唐人避諱,「虎」皆改爲「武」,此「虎」字乃後人回改。

裁舉靈(針)[鉟] 據北監本、汲本、殿本及南史、元龜一八六改。按「靈鉢」南監本作「靈旗」。

噎(滍)[濉]水而 不流 據南監本改。 按元龜一八六作「睢水」,今行徐孝穆文集多作「濉水」。 {史

紀 {高 `洲 ||本紀 有「睢水爲之不流」語,以作「睢水」或「濉水」爲是。

卓爾英狀 「英狀」元龜一八六作「英猷」,疑作「英猷」是。

多歷 歲 時 「多」原本譌「各」,南監本譌「名」,今據北監本、汲本、殿 本改正。

吳濞已(批)〔鏦〕 據南史陳武帝紀改。 按史記吳王濞傳「使 人 (鏦殺吳王 -, 爲此語所本。 鏦, 撞

也,摐亦訓 撞,然當從史記作「鏦」。

金獸符第 至第五左 「金獸符」即「金虎符」,此避唐諱改。

至 竹使符第 至第十八左〕 據南史陳武帝紀補。 按符制,虎符、竹使符均剖 分爲左右。

宣公 是用 錫公武賁之士三百人 按「武賁」即「虎賁」,此避唐諱 改。

全也 微微 皇極 汲本「微微」下有小注,云 作「徽徽」。 北監本、殿本及南史陳武 帝紀並作

按張 元濟 校勘記云作「微微」是。

龍行武 步 武步」即 「虎步」,此避 唐諱改

兇渠傳首 ·渠」原譌「集」,各本不譌,今改正。

下漏 深泉 深泉」即 『淵泉』,此避唐諱 改

時 乘御 (辯)(字) 據南監本改。 按殿· 本亦從 南 溫

本

紀

第

校

勘

記

[四] 今遣使持節兼太保侍中尚書左僕射平樂亭侯王通 坎

左僕射。又通以帝甥封武陽亭侯。紀傳互異。

按王通傳,通仕梁爲尚書右僕射,入陳始澄

# 陳書卷一

## 本紀第二

# 高祖**下**

布新,既彰玄象,遷虞事夏,且協謳訟,曰九城八荒,同布衷款,百神羣祀,皆有誠願。 社,用盡其力。 陵,久移神器,承聖在外,非能祀夏,天未悔禍,復罹寇逆,嫡嗣廢黜,宗枝僭詐,天地蕩覆, 讓,皆以英才處萬乘,高勳御四海,故能大庇黔首,光宅區縣。 司牧、選賢與能、未常厥姓。放勛、重華之世,咸無意於受終,當塗、典午之君,雖有心於揖 昭告于皇皇后帝: 紀綱泯絕。 永定元年冬十月乙亥,高祖即皇帝位于南郊,柴燎告天曰:「皇帝臣霸先,〔〕 敢用玄牡 霸先爰初投袂,大拯横流,重舉義兵,實戡多難,廢王立帝,寔有厥功,安國定 是謂小康,方期大道。 梁氏以圮剝荐臻,歷運有極,欽若天應,以命于關先。夫肇有烝民,乃樹 旣而煙雲表色,日月呈瑞,緯聚東井,龍見譙邦,除舊 有梁末運,仍葉遘屯,經醜憑

本紀第

高祖下

陰王,行梁正朔,車旗服色,一依前準,宮館資待,務盡優隆。」又韶梁皇太后爲江陰國太妃, 欽若人祇,憲章在昔,濟河沈璧,高謝萬邦,茅賦所加,宜遵舊典。其以江陰郡奉梁主爲江 官失爵,禁錮奪勞,一依舊典。」又詔曰:「禮陳杞、宋,詩詠二客,弗臣之重,歷代斯敦。梁氏 若涉川水,罔知攸濟。寶業初建,皇祚惟新,思俾惠澤,覃被億兆。可大赦天下,改梁太平 躬。顧惟菲德,辭不獲亮,式從天睠,俯協民心,受終文祖,升禧上帝,繼述百王,君臨萬字, **兼猛士之力,一匡天下,再造黔黎。梁氏以天祿永終,曆數攸在,遵與能之典,集大命于朕** 義歸一揆。朕以寡昧,時屬艱危,國步屢屯,天維三絕,肆勤先后,拯厥橫流,藉將帥之功, 天,三正相因,夏、殷所以宰世,雖色分辭翰,時異文質,揖讓征伐,迄用參差,而育德振民, 氣淸晏,識者知有天道焉。禮畢,輿駕還宮,臨太極前殿。 詔曰:「五德更運,帝王所以御 禪,告類上帝,用答民心,永保于我有陳。惟明靈是饗一先是氛霧,晝夜晦冥,至于是日,景 髙 勿復收。其有犯鄕里淸議贓汙淫盜者,皆洗除先注,與之更始。長徒敕繫,特皆原之。亡 皇后爲江陰國妃。又詔百司依位攝職。 二年為永定元年。賜民爵二級,文武二等。鰥寡孤獨不能自存者人穀五斛。逋租宿債,皆 曠,皇靈眷命,非可謙拒。 謝萬邦,授以大寶,霸先自惟菲薄,讓德不嗣,至于再三,辭弗獲許。 僉以百姓須主,萬機 畏天之威,用膺嘉祚,永言夙志,能無慙德。 敬簡元辰,升壇受

治。 彊 瘼, 氏 推 師 當 載。 圖 運。 重 鳳 XX 輪, 將 翹 其 旅 興運,自昔登庸 使宣勞四方, 務在 險 惶,天 鼎 末,頻 貞陽 梁 卿等 ,六延梁祀 紀之前 景子,與駕幸鍾山祠蔣帝廟。 泫 玉、朕 德 皆從肆赦 廉平, 三危之膏露, 擁旄 反篡, 不造, 月亢陽,火運斯終,秋霖奄降。 命 ,東漢興平之初,西朝永嘉之亂,天下分崩,未有若於梁朝 東 難稽,遂享嘉祚。 方岳, 愛惠 、賊約連 西退讓,拜手陳辭,避舜子於箕山之陽, ,十翦彊寇,豈曰人謀,皆由天啓。 喪亂 下璽書勑 ,咸使知聞。 ,首清諸越,徐門浪泊,靡不征行,浮海乘山,所 以 積 相任股肱 撫 晨光合璧,帶五色之卿雲。 兵, 江左累屬於鮮卑, 年,東夏崩騰,西都蕩覆。 孤 州郡曰:「夫四王革代,商、周所以應天,五勝相推,軒、巖所以 貧, 威刑以禦彊猾。 如或迷途,俾在無貸。 今月乙亥,升禮太壇,言念遷(坰)[桐], 剖符名守, 戊寅,與駕幸華林園,親覽詞訟,臨赦囚徒。 翌 舍 日成禮,圓丘 金陵 方寄恤 若有 顧 梁氏以天祿斯改,期運永終,欽若唐、虞, 人非於梁國。 蕭勃干紀,非唯趙倫,侯景滔天,踰於劉 惟寡 雈 隱。 **今**遭使人具宣往旨, 念思善政, 副此 ·求<u>支伯於滄洲之野,而公卿敦逼</u> 蒲 之盜, 薄, 宿設,埃雲晚霽,星象 王曆惟新, 彌 云 慙休祉,昧 有自氤氲混 在戡定。 或 犯戎商, 念有 潜也。 但 放 日 冒恕風 有 純之世,言 股以 丕 慶, 山谷之會,擅 慙德。 夜 己卯,分遣 顯, 想 張 虚薄, 塵,騁馳 方思 深 求民 朝景 自 龍 梁

於烏纏國得之,常在定林上寺,梁天監末,爲攝山慶雲寺沙門慧興保藏, 庚辰、韶出佛牙於杜姥宅、集四部設無遮大會、高祖親出闕前禮拜。 慧興將終,以屬弟 初,齊故僧統法獻

慧志,承聖末,慧志密送于高祖,至是乃出

軍、兖州刺史[3]長城縣公道譚驃騎大將軍、太尉,封始興郡王,弟梁故侍中、驃騎將軍、南 將軍、開府儀同三司、丹陽尹王沖爲左光祿大夫。癸巳,追贈皇兄梁故散騎常侍、平北將 陵,依梁初園陵故事。 昭皇后,世子克爲孝懷太子。立夫人章氏爲皇后。癸未,尊景帝陵曰瑞陵,昭皇后陵曰嘉 徐州刺史武康縣侯 [2] 休先車騎大將軍、司徒,封南康郡王。 辛巳,追尊皇考日景皇帝,廟號太祖,皇妣董太夫人曰安皇后。 立删定郎,治定律令。戊子,遷景皇帝神主祔于太廟。 追謚前夫人錢氏號爲 辛卯,以中權

是月,西討都督周文育、侯安都於郢州敗績,囚于王琳。

乎此子,宜隆上舒,稱是元功。可封臨川郡王,邑二千戶。兄子梁中書侍郞項襲封始興王, 武定妖氛,心力謀猷,爲家治國,擁旄作守,朞月有成,辟彼關河,至功踰肅、寇,崔肅之盜, 自反耕農,篁竹之豪,用稟聲朔。朕以虛寡,屬當興運,提彼三尺,賓于四門,王業艱難,賴 會稽等十郡諸軍事、宣毅將軍、會稽太守長城縣侯蒂,學尚清優,神禹凝正,文參禮樂, 十一月景申,詔曰:「東都齊國,義乃親賢,西漢城陽,事兼功烈。 散騎常侍、使持節、都

庚子, 弟子梁中書侍郎曇朗襲封南康王,禮秩一同正王。」己亥,甘露降于鍾山松林,彌 開善寺沙門採之以獻, 勑頒賜 奉臣。 景辰,以鎭西將軍、南豫州刺史徐度爲鎭 滿巖谷。 右將

十二月庚辰,皇后謁太廟。

軍

、領軍將軍。

庚申,京師大火。

領進 泰壇 武、文官則 義之(初)首爲此職 工,留念官方, 庶允時衷。 啓途,漢之九卿,傳呼並迾,虞官夏禮,豈曰同科,殷朴周文,固無恆格 車騎將軍 咸繁,事不獲已, 太子少傅。 · 景候昭華,人祇允慶,思令億兆,咸與惟新。 號鎭南 一年春正月乙未,詔曰:「夫設官分職,因事重輕,羽儀車馬,隨時隆替,晉之五校,鳴笳 、開府儀同三司侯璵進位司空,中權將軍、開府儀 用腹 將軍 左衞 心 `久知下弊,言念黔黎,無忘寢食。 將軍徐世譜爲護軍將軍 ,武官則用功臣,所給儀從,同太子二衞率。 辛丑, [10] 亂離歲 與駕親祠 梁天監中,左右驍騎領朱衣直閣,並給儀從,北徐州刺史(唱)[昌] 久,朝典不存,後生年少,希聞舊則。 南郊。 ,南兖州刺史吳明徹進號安南將軍,衡州刺 韶日: 「朕受命君臨, 夫罪無輕重,已發覺未發覺,在今昧爽以 且往代祆氛, 同三司、新除左光祿大夫王沖爲 此外衆官,尙書詳爲條制。 初移 于今猶梗, 今去左右驍騎,宜通文 星琯, 1。朕膺茲寶歷,代是天 孟 軍機 砜 未 嘉 箔, 備 息 史歐 徵 賦

立表稱去乙亥歲八月,[1]丹徒、蘭陵二縣界遺山側,一旦因濤水涌生,沙漲,周旋千餘頃, 留家附業。 閒,務存優養。若有優擾,嚴爲法制。」乙巳,輿駕親祠北郊。 前,皆赦除之。 晚訂軍資未送者並停,元年軍粮逋餘者原其半。 西寇自王琳以下,如許返迷,一無所問。近所募義軍,本擬西寇,如宜解遣, 甲辰,振遠將軍、梁州刺史張 州郡縣軍戍並不得輒遣使民

二月壬申,南豫州刺史沈泰奔于齊。〔三辛卯,詔車騎將軍、司空侯與總督水步衆軍以

並膏腴,堪墾植。戊午,輿駕親祠明堂。

遏齊寇。

不止於三千,富貴顯榮,政當如此。鬼害其盈,天奪之魄,無故猖狂,自投獯醜。 樂隨臨川王及節將立効者,悉皆聽許。」乙卯,高祖幸後堂聽訟,還於橋上觀山水,賦詩示羣 復業,所在及軍人若有恐脅侵掠者,皆以劫論。若有男女口爲人所藏,並許詣臺申訴。 則哲,惟帝其難,光武有蔽於龐萌,魏武不知於于禁,但令朝廷無我負人。其部曲妻兒各令 知,昔有微功,仍荷朝寄,剖符名郡,推轂累藩,漢口班師,還居方岳,良田有逾於四百,食客 是月,王琳立梁永嘉王蕭莊于郢州。 三月甲午,詔曰:「罰不及嗣,自古通典,罪疑惟輕,布在方策。沈泰反覆無行,遐邇所 雖復知人

夏四月甲子,與駕親祠太廟。乙丑,江陰王薨,韶遣太宰弔祭,司空監護喪事,凶禮所

須, 僧那 辰, 重雲殿 隨 各率其所部入附。 由 備辦。 東鴟 尾有紫 以梁武林侯蕭諮 煙屬天。 辛酉,輿駕幸大莊嚴寺捨身。 五月乙未,京師 息季卿嗣 爲江陰王。 地震。 壬戌,羣臣表請還宮。 景寅, 癸丑 ,齊廣陵 輿駕幸石頭, 餞司 空候 與。 南城主張顯 和、長史張 戊

六月己巳,詔司空侯瑱、領軍將軍徐度率舟師爲前軍,以討王琳

後渚,監軍鄒子度以聞。 也,火焚太極殿,承聖中議欲營之,獨闕 孝頃于工塘。 秋七月戊戌,輿駕幸石頭,親送與等。 甲辰,遣吏部尚書謝哲諭王琳。 韶中書令沈衆兼 一柱,至是有樟木大十八圍,長四丈五尺,流泊陶 起部尚書,少府卿蔡儔 己亥, 甲寅,嘉禾一穗六岐生五城。 江州刺史周迪擒王琳將李孝欽、樊猛、 兼將作大匠,起太極殿 初, 侯景之平 余 家

懿。 官。 威將 開 駕幸冶城寺親送焉。 府 軍、 壬午,追封皇子立為豫章王,諡 **儀同三司侯安都等於王琳所逃歸,** 謝哲反命,王琳請還鎭湘川,詔追衆軍 八月景寅,以廣梁郡爲陳留 江州刺史周迪爲開府儀同三司,進號平南將軍。 前開 府儀同三司、 郡。 辛未、韶臨川王構西討,行言 獻 南豫州刺史周文育,前鎭北將軍、南徐州 自劾廷 緩其伐。 權爲長沙王,諡曰思; ?尉,即日引見,並宥之。 癸未,西討衆軍至自大雷。 改南徐州所領南蘭陵郡復爲東海 以舟師五萬發自京師 長女爲永世公主, 戊寅 ,韶復文育等本 刺 丁亥,以信 史、新 諡 除 輿

本

郡

駕幸莊嚴寺,發金光明經題。 丁酉,以仁威將軍、高州刺史黃法髡爲開府儀同三司, [12] 進 冬十月庚午,遺鎭南將軍、開府儀同三司周文育都督衆軍出豫章,討余孝勱。乙亥,輿

號鎭南將軍。三三甲寅,太極殿成,匠各給復。

軍勳甚衆。 司,進號平西將軍。丁亥,詔曰:「梁時舊仕,亂離播越,始還朝廷,多未銓序。 州。 宴羣臣,設金石之樂,以路寢告成也。 寺 ,設無导大會,捨乘與法物。 以安成所部廣興六洞置安樂郡。景戌,以寧遠將軍、北江州刺史熊曇朗爲開府儀 十二月庚申,侍中、安東將軍臨川王禱率百僚朝前殿,拜上牛酒。 甲子,輿駕幸大莊嚴 選曹卽條文武簿及節將應九流者,量其所擬。」於是隨材擢用者五十餘人。 **羣臣備法駕奉迎,即日興駕還宮。** 壬申, 割吳郡鹽官、海鹽、前京三縣置海寧郡, 屬揚 景寅,高祖於太極殿東堂 又起兵已來,

**丈**所,通身潔白,衣服楚麗。 南岸,日心長數十丈,大可八九圍,歷州城西道入天井崗。 同三司。 一王者,有殊恆情,宜隆禮數。 三年春正月己丑,青龍見于東方。 是夜 大雪,及旦,太極殿前有龍跡見。甲午,廣州刺史歐陽頗表稱白龍見于州江 辛丑,詔曰:「南康、始興王諸妹,已有封爵,依禮止是藩主。 諸主儀秩及尚主,可並同皇女。」戊申,詔臨川王庸省揚、徐 丁酉,以鎮南將軍、廣州刺史歐陽頌即本號開府儀 仙 人見于羅浮山寺小 石樓,長三 此

#### 二州辭訟。

二月辛酉,以平西將軍、桂州刺史淳于量爲開府儀同三司,進號鎭西大將軍。

空侯瑱督衆軍自江入合州,焚齊舟艦。

三月景申,侯瑱至自合肥,衆軍獻捷。

代置西省學士,兼以伎術者預焉。丁酉,遺鎭北將軍徐度率衆城南皖口。是時久不雨,景 室靡盈積之望,家有填壑之嗟。百姓不足,兆民何賴。近已遣中書舍人江德藻銜命東陽, 與令長二千石問民疾苦,仍以入臺倉見米分恤。雖德非旣飽,庶微慰阻飢。」甲午,詔依前 **膺此樂推,君德未孚,民瘼猶甚,**重茲多壘,彌灰納隍。良由四聰弗達, [13]千里勿應。[15]博 午,輿駕幸鍾山祠蔣帝廟,是日降雨,迄于月晦。 施之仁,何其或爽?殘弊之軌,致此未康。吳州、縉州去歲蝗旱,即田雖咒,日也鄭渠終涸, 夏閏四月庚寅,詔曰:「開廩賑絕,育民之大惠,巡方恤患,前王之令典。 朕當斯季俗,

用,意有未同。合朔仰助太陽,宜備袞冕之服。自今已去,永可爲准。」景寅,扶南國遣使獻 兵援余孝勱。 方物。乙酉,北江州刺史熊曇朗殺都督周文育于軍,舉兵反。王琳遣其將常衆愛、曹慶率 五月景辰朔,日有食之,有司奏:舊儀,御前殿,服朱紗袍、通天冠。 詔曰:「此乃前代承

平紀第二 高祖下

遺詔追臨川王蒨入纂。甲寅,大行皇帝遷殯于太極殿西階。 **祖臨訊獄(省)訟。[10] 是夜,熒惑在天尊。** 丑,高祖疾小瘳。 軍,仍事掩討,方加梟磔,以明刑憲。」徵臨川王蒨往皖口置城栅,以錢道戢守焉。丁酉,高 走,庚寅,廬山民斬之,傳首京師。甲午,衆師凱歸。 故司空周文育之柩至自建昌。 高祖疾又甚。至三景午,崩于璿璣殿,時年五十七。 壬寅,高祖素服哭于東堂,哀甚。 韶曰:「曇朗噬逆,罪不容誅,分命衆 癸卯,高 辛

秋 八月甲午,羣臣上諡曰武皇帝,廟號高祖。 景申,葬萬安陵。

前。 景,及立紹泰,子女玉帛,皆班將士。 率,常膳不過數品,私饗曲宴,皆瓦器蚌盤,肴核庶羞,裁令充足而已,不為虛費。 之日,居阿衡之任,恆崇寬政,愛育爲本。 及平踐祚,彌厲恭儉。 高祖智以 一級物,武以寧亂,英謀獨運, 故隆功茂德,光有天下焉 其充闈房者,衣不重綵, 人皆莫及,故能征伐四克,靜難夷凶。 有須發調軍儲,皆出於事不可息。 **飾無金翠,哥鍾女樂,不列於** 加以 至升大麓 初平侯 儉素自

陳吏部尚書姚察日、高祖英略大度、應變無方、蓋漢高、魏武之亞矣。 及西都盪覆,誠

徽時序之世,變聲改物之辰,兆庶歸以謳謌,炎靈去如釋負,方之前代,何其美乎! 玄機而撫末運,乘勢隙而拯横流,王迹所基,始自於此,何至戡黎升陑之捷而已焉。 貫天人。王僧辯闕伊尹之才,空結桐宮之憤,貞陽假秦兵之送,不思穆嬴之泣。高祖乃蹈 故於愼

#### 校勘記

- (一) 皇帝臣霸先 「霸先」二字原作「諱」,蓋仍姚察舊文,姚察爲梁、陳之史官,例避陳諱也。 北監
- 本、汲本、殿本並已改「諱」爲「霸先」,今從之。後同。
- (二) 且協謳訟 意『訟』字不誤。」 「謳訟」北監本、汲本、殿本作「謳歌」。張元濟校勘記云:「謳訟乃謳歌、訟獄雙用之
- 有自氤氲混沌之世「有自」北監本、汲本、殿本作「自有」,元龜二一三同。張元濟校勘記謂作 「自有」誤。
- 言念遷(坰)[桐] 據各本及元龜二一三改。按此用伊尹放太甲於桐故事,坰與桐形近而
- 剖符名守 「守」各本作「宇」,元龜二一三作「守」。按作「宇」譌。守指郡太守,剖符名守猶言剖

符名郡也。

若有荏蒲之盜 本 第二 校 「萑」原作「雚」,今據各本改,下同。按崔蒲之萑本作「雚」,版刻遂誤爲「雚」也。 勘 記

- 兖州刺史 按上卷道譚贈南兖州刺史,此脱「南」字。
- 武康縣侯 按當作「武康縣公」,詳上卷校記二四。
- ヘルし 辟彼關河 「辟」原譌「壁」,各本不譌,今改正。
- 北徐州刺史(唱)[昌]義之(初)首爲此職 「昌」字據北監本、殿本改。「初」字據錢大昕說刪。 按

錢大昕廿二史考異云:「昌義之梁時爲北徐州刺史,嘗任左右驍騎者。 校書者不知昌義之爲人

梁州刺史張立表稱去乙亥歲八月 姓名,妄於昌旁加口,又增一『初』字,淺陋可笑。」 「去」各本作「云」。張元濟校勘記謂作「去」是,

乙亥歲爲梁

南豫州刺史沈泰奔于齊 「南豫州」北齊書文宣紀作「江州」。 按通鑑從陳書。

敬帝紹泰元年,此爲前事,故言去。

- 詔臨川王蒨西討 「蒨」字原作「諱」,姚察原文如此,今依北監本、汲本、殿本改。 後如此不悉出
- 以仁威將軍高州刺史黃法甦爲開府儀同三司 按黃法與傳作「宣毅將軍」。

校記。

- 進號鎭 南將軍. 按黃法輕傳作「平南將軍」,南史此亦作「平南將軍」,是。
- 甲午廣州刺史歐陽頹表稱白龍見于州江南岸 按上文書丁酉夜大雪,則甲午爲前二日,不應顚倒在後。 「甲午」南史陳武帝紀作「甲子」。 若南史稱甲子,則以下文辛丑考之, 殿本考證云:

- (1+) 良由四聰弗達 「達」原譌「遠」,各本不譌,今改正。
- [14] 千里勿應 「勿」原譌「功」,各本不譌,今改正。
- 二乙 野田雖呪 「呪」北監本、汲本、殿本作「疏」。 按呪通祝。 張元濟校勘記謂此用史記淳于髠傳獲

田之文,應作「呪」。

- 高祖臨訊獄(省)訟 據北監本、汲本、殿本及南史陳武帝紀删。
- [三] 高祖疾又甚 按北監本、汲本、殿本無「又」字。

# 陳書卷三

### 本紀第三

#### 世祖

及衡陽獻王,世祖乃密袖小刀,冀因入見而害景,至便屬吏,故其事不行。高祖大軍圍石 山湖寇抄,世祖獨保家無所犯。 大一小,大者光滅墜地,色正黃,其大如斗,世祖因三分取一而懷之。侯景之亂,鄉人多依 動方雅,造次必遵禮法。高祖甚愛之,常稱「此兒吾宗之英秀也」。梁太淸初,夢兩日鬭,一 世祖文皇帝諱蒨,字子華,始興昭烈王長子也。少沈敏有識量,美容儀,留意經史,舉 時亂日甚,乃避地臨安。及高祖舉義兵,侯景遣使收世祖

承聖二年,授信武將軍,監南徐州。 起家爲吳興太守。 時宣城劫帥紀機、郝仲等各聚衆千餘人,侵暴郡境,世祖討平之。 三年,高祖北征廣陵,使世祖爲前軍,每戰克捷

頭、景欲加害者數矣,會景敗,世祖乃得出赴高祖營。

本紀第三 世祖

軍大敗,窘急,因請降。 軍往吳與。時龕兵尙衆,斷據衝要,水步連陣相結,世祖命將軍劉澄、蔣元舉率衆攻龕,龕 攻,世祖激厲將士,身當矢石,相持數旬,泰乃退走。及高祖遣周文育率兵討龕,世祖與幷 世祖還長城,立棚以備龕。世祖收兵纔數百人,戰備又少,龕遣其將杜泰領精兵五千,乘虛 高祖之將討王僧辯也,先召世祖與謀。時僧辯女婿杜龕據吳興,兵衆甚盛,高祖密令

首。以功授持節、都督會稽等十郡諸軍事、宣毅將軍、會稽太守。〔1〕山越深險,皆不賓附, 掩彪。 世祖分命討擊,悉平之,威惠大振。 東揚州刺史張彪起兵圍臨海太守王懷振,懷振遣使求救,世祖與周文育輕兵往會稽以 後彪將沈泰開門納世祖,世祖盡收其部曲家累,彪至,又破走,若邪村民斬彪,傳其

高 祖詔世祖入衞,軍儲戎備,皆以委焉。尋命率兵城南皖。 高祖受禪,立爲臨川郡王,邑二千戶,拜侍中、安東將軍。 及周文育、侯安都敗於沌口,

諸孤藐爾,反國無期,須立長主,以寧寓縣。侍中、安東將軍、臨川王庸,體自景皇,屬惟殖 曰:「昊天不弔,上玄降禍。 大行皇帝 奄捐萬國,李上哀號,普天如喪,窮酷煩寃,無所迨及。 永定三年六月景午,高祖崩,遺詔徵世祖入築。甲寅,至自南皖,入居中書省。皇后令

殿。 田爲父後者,賜爵一級。庶祗畏在心,公卿畢力,勝殘去殺,無待百年。與言號哽,深增慟 屬朕躬,運鍾擾攘,事切機務,南面須主,西讓禮輕,今便式膺景命,光宅四海。可大赦天 子,建殊功於牧野,敷盛業於戡黎,納麓時敍之辰,負扆乘機之日,並佐時雍,是同 絕。」又詔州郡悉停奔赴。 下,罪無輕重,悉皆蕩滌。 百罹,尋繹纏綿,與言感絕。」世祖固讓,至于再三,羣公卿士固請,其日卽皇帝位於太極前 葯 所繫,遐邇宅心,宜奉大宗,嗣膺寶錄,使七廟有奉,兆民寧晏。 詔曰:「上天降禍,奄集邦家,大行皇帝背離萬國,率土崩心,若喪考妣。 龍圖寶曆,眇 **逋租宿債,吏民恁負,可勿復收。文武內外,量加爵敍。** 、未亡人假延餘息,嬰此 草創、祧 孝悌力

進、安右將軍; 侍中、忠武將軍杜稜爲領軍將軍。 乙丑,重雲殿災。 南徐州 州 征 州 號征南將軍,平南將軍、開府儀同三司周迪進號鎭南將軍,曰平南將軍、開府儀同三司、高 刺史侯安都爲司空,侍中、中權將軍、開府儀同三司王沖爲特進、左光祿大夫,鎭北將軍、 **[南大將軍。辛酉,以侍中、車騎將軍、司空侯與爲太尉,鎭西將軍、開府儀同三司、南豫** 刺史黃法輕進號安南將軍。庚申,以鎭南大將軍、開府儀同三司、桂州刺史淳于量進號 秋七月景辰,尊皇后爲皇太后。己未,以鎭南將軍、開府儀同三司、廣州刺史歐陽頠進 刺史徐度爲侍中、中撫軍將軍、開府儀同三司。壬戌,以侍中、護軍將軍徐世譜爲特

史魯悉達進號安左將軍。 八月癸巳,以平北將軍、南徐州刺史留異爲安南將軍、縉州刺史,平南將軍、北江州刺 庚戌,封皇子伯茂爲始興王, [B] 奉昭烈王後。 徙封始興嗣王頊

爲安成王。四

多十一月乙卯,王琳寇大雷,詔遣太尉侯瑱、司空侯安都、儀同徐度率衆以禦之。 九月辛酉,立皇子伯宗爲皇太子,至王公以下賜帛各有差。 乙亥,立妃沈氏爲皇后。

下。 俗,〔{{}] 思俾黎元,同此多祜。 玉,高禋禮畢,誠敬兼弘。 加 瞻言罔極。 顯遐暢,恭己不言,庶幾無改。 一一級。」甲寅,分遣使者宣勞四方。 改永定四年爲天嘉元年。 天嘉元年春正月癸丑,詔曰:「朕以寡昧,嗣纂洪業,哀惸在疾,治道弗昭,仰惟前德,幽 今四象運周,三元告獻,華夷胥洎,玉帛駿奔,思覃遺澤,播之億兆。 且陰霾浹辰,褰霽在日,雲物韶朗,風景淸和,慶動 可賜民爵一級。」辛未,與駕親祠北郊。 雖宏圖懋軌,日月方弘,而淸廟廓然,聖靈浸遠,感尋永往, 鰥寡孤獨不能自存立者,賜穀人五斛。 辛酉, 奥駕親祠 南郊,韶曰:「朕式饗 日 孝悌力田 有冠 人祇, 上玄, 殊行異等, 其大赦天 †流 庶 虔奉性

討平之。景申,太尉侯瑱敗王琳于梁山,敗齊兵于博望,生擒齊將劉伯球,盡收其資儲船 二月辛卯,老人星見。 乙未,高州刺史紀機自軍叛還宣城,據郡以應王琳,涇令質當遷

艦,俘馘以萬計,王琳及其主蕭莊奔于齊。

晉、楚,行藏用捨,亦豈有恆,宜加寬仁,以彰雷作。 其衣冠士族,預在凶黨,悉皆原宥,將 掩,天網恢恢,吞舟是漏。至如伏波遊說,永作漢蕃,延壽脫歸,終爲魏守,器改秦、虞,材通 隆鼎運,期理攸屬,數祚斯在,豈僥倖所至,寧卜祝可求。故知神器之重,必在符命。是以逐 宣勞四方。乙巳,遣太尉侯瑱鎭湓城。庚戌,以高祖第六子昌爲驃騎將軍、湘州牧,立爲衡 廓清,宜有甄被。可蠲復丁身。夫妻三年,於役不幸者,復其妻子。」庚子,分遣使者賈璽書 帥戰兵,亦同肆眚,Cti並隨才銓引,庶收力用。」又詔師旅以來,將士死王事者,並加贈謚。 鹿貽譏,斷虵定業,亂臣賊子,異世同尤。王琳識暗挈瓶,智慙衞足,干紀亂常,自貽顚沛 己亥,詔曰:「日者凶渠肆虐,衆軍進討,舟艦輸積,權情民丁,師出經時,役勞日久。今氛祲 而縉紳君子,多被繁維,雖涇渭合流,蘭鮑同肆,求之厥理,或有脅從。今九罭旣設,八紘斯 戊戌,詔曰:「夫五運遞來,三靈眷命,皇王因之改創,殷、周所以樂推。 朕統曆承基,丕 三月景辰,詔曰:「自喪亂以來,十有餘載,編戶凋亡,萬不遺一,中原氓庶,蓋云無幾。

戎備,今元惡克殄,八表已康,兵戈靜戢,息肩方在,思俾餘黎,陶此寬賦,今歲軍糧通減三 頃者寇難仍接,筭斂繁多,且興師已來,千金日費,府藏虛竭,杼軸歲空。近所置軍資,本充

京師。 兖州 刺史。 都尉所部六縣爲沅州。 之天門、義陽、南平,郢州之武陵四郡,置武州。 日。」蕭莊 刺刺 先是,齊軍守魯山城,戊午,齊軍棄城走,詔南豫州刺史程靈洗守之。甲子,分荆州 景子,衡陽王昌薨。丁丑,詔曰:「蕭莊僞署文武官屬還朝者,量加錄序。」 史、新除右衞將軍吳明徹爲安西將軍、武州刺史,偽郢州刺史孫瑒爲安南將軍、湘州 所署郢州刺史孫瑒舉州內附。丁巳,江州刺史周迪平南中,斬賊率熊曇朗,傳首 別置通寧郡,以刺史領太守,治都尉城,省舊都尉。以安南將軍、南 其刺史督沅州,領武陵太守,治武陵郡。

夏 四月丁亥,立皇子伯信爲衡陽王,奉獻王後。乙未,以安南將軍荀朗爲安北將軍、合

州刺史。

五月乙卯,改桂陽之汝城縣爲盧陽郡。分衡州之始興、安遠二郡,置東衡州。

悉用梁 越,朕昔經北面,有異常倫,遣使迎接,以次近路。 司徐度爲侍中、 六月辛巳,改諡皇祖妣景安皇后日景文皇后。 典 依魏葬漢獻帝故事。」甲午,追策故始興昭烈王妃曰孝妃。丁酉,以開府儀同三 中軍 將 辛丑, 國哀周忌,上臨于太極前殿,百僚陪哭。 江寧旣是舊坐,公宜即安卜,車旗禮章, 壬辰,詔曰:「梁孝元遭離多難,靈櫬播 赦京師殊死已

下。

是月,葬梁元帝於江寧。

所扼腕。今妄假時乘,臨馭區極,屬當淪季,思聞治道,菲食卑宮,自安儉陋,俾茲薄俗,獲 玉之珍,逐欲澆流,遷訛遂遠。朕自諸生,頗爲內足,而家敦朴素,室靡浮華,觀覽時俗,常 可易革。梁氏末運,奢麗已甚,蒭豢厭於胥史,哥鍾列於管庫,土木被朱丹之采,車馬飾金 貧,量給種子。」 癸未,世祖臨景陽殿聽訟。 戊子,詔曰:「汙罇土鼓,誠則難追,畫卵彫薪,或 卯,詔曰:「自頃喪亂,編戶播遷,言念餘黎,良可哀惕。 其亡鄕失土,逐食流移者,今年內隨 古?側食長懷,寢興增歎。新安太守陸山才有啓,薦梁前征西從事中郞蕭策,梁前尙書中 斯甚,今九秋在節,萬實可收,其班宣遠近,並令播種。守宰親臨勸課,務使及時。其有尤 分地之業,士有佩犢之譏。朕哀矜黔庶,念康弊俗,思俾阻饑,方存富敎。麥之爲用,要切 其適樂,來歲不問僑舊,悉令著籍,同土斷之例。」景辰,立皇子怕山爲鄱陽王。 公已下,其各進舉賢良,申薦淪屈,庶衆才必萃,大廈可成,使棫樸載哥, [6] 由庚在詠。」乙 兵郞王暹,並世胄淸華,羽儀著族,或文史足用,或孝德可稱,並宜登之朝序,擢以不次。 住,穹谷尚淹,蒲幤空陳,旌弓不至。 豈當有乖則哲,使草澤遺才? 將時運澆流,今不 逮 結,佇咨賢良,發於夢想,每有一言入聽,片善可求,何嘗不裹獎抽揚,緘書紳帶。 秋七月甲寅,詔曰:「朕以眇身,屬當大寶,負荷至重,憂責實深,而庶績未辰,胥怨猶 八月庚辰,老人星見。壬午,詔曰:「菽粟之貴,重於珠玉。自頃寇戎,游手者衆,民失 本 紀

而傅巖虛

五三

|若敦率馬步一萬,奄至武陵,武州刺史吳明徹不能拒,引軍還巴陵。 反淳風。 維 雕鏤淫飾,非兵器及國容所須,金銀珠玉,衣服雜玩,悉皆禁斷。」甲午,周將賀 丁酉,上幸正陽堂閱

武。 九月癸丑,彗星見。 乙卯,周將獨孤盛領水軍將趣巴、湘,與賀若敦水陸俱進,太尉侯

璌 自尋陽往禦之。 辛酉, 遣儀同徐度率衆會瑱于巴丘。 景子,太白晝見。 丁丑, 詔侯瑱衆

軍 進討巴、湘

十月癸巳,侯璵襲破獨孤盛於楊葉洲,盡獲其船艦,盛收兵登岸,築城以保之。 丁酉,

詔 司空侯安都率衆會侯瑱南討

刑,[10]義符含育,前王所以則天象地,立法垂訓者也。 十二月乙未,詔曰:「古者春夏二氣,不決重罪。 蓋以陽和布澤,天秩是弘, 朕屬當澆季,思求民瘼,哀矜惻隱, 寬 網資

念甚納隍,常欲式遵舊軌,用長 風化。 自今孟春訖于夏首,罪人大辟事已款者,宜且申停。

己亥,周巴陵城主尉遲憲降,遣巴州刺史侯安鼎守之。〔1〕 庚子,獨孤盛將餘衆自楊葉洲潛

遁。

一年春正月庚戌,大赦天下。 以雲壓將軍、晉陵太守杜稜爲侍中、領軍將軍。 辛亥,以

始興王伯茂爲宣惠將軍、揚州刺史。 乙卯, 合州刺史裴景徽奔于齊。[三辛未,周湘州城主

殷亮降,湘州平。

一月景戌,以太尉侯與爲車騎將軍、湘州刺史。 庚寅,由赦湘州諸郡

三月乙卯,太尉、車騎將軍、湘州刺史侯瑱薨。丁丑,口己以鎭東將軍、會稽太守徐度爲

鎮南將軍、湘州刺史。

刺 史吳明徹爲南荆州刺史。庚寅,以安左將軍魯悉達爲安南將軍、吳州刺史。辛卯,老人 夏四月,分荆州之南平、宜都、羅、河東四郡,置南荆州,鎭河東郡。 以安西將軍、武州

秋七月景午,周將賀若敦自拔遁歸,人畜死者十七八。武陵、天門、南平、義陽、河東、

宜都郡悉平。

星見。

從祀淸廟,以貽厥後來,垂諸不朽者也。前皇經濟區字,裁成品物,靈貺式甄,光膺寶命,雖 謩明濬發,幽顯協從,亦文武賢能,翼宣王業。 故大司馬、驃騎大將軍與,故司空<u>文</u>育,故平 北 風雲有感,夢寐是求,斯固舟楫鹽梅,遞相表裏,長世建國,罔或不然。 至於銘德太常, 軍、開府 九月甲寅,韶曰:「姬業方闡,望載渭濱,漢曆旣融,道通圮上。若乃摛精辰宿,降靈惟 儀同 三司僧明,故中護軍頴,故領軍將軍擬,或締構艱難,經綸夷險;或摧鋒

本紀第

=

世祖

五四

之。 爲丹陽尹;丹陽尹沈君理爲左民尚書,領步兵校尉。 庭,俾茲大猷,永傳宗祏。」景辰,以侍中、中權將軍、特進、左光祿大夫、開府儀同三司王沖 冒刃,殉義遺生;或宣哲協規,綢繆帷幄;或披荆汗馬,終始勤劬;莫不罄誠悉力,屯泰以 **朕以寡昧,嗣膺丕緒,永言勳烈,思弘典訓,便可式遵故實,載揚盛軌,可並配食高** 祖 廟

冬十月乙巳,江四霍州西山蠻率部落內屬。

十一月乙卯,高驪國遣使獻方物。甲子,以武昌、國川爲寬陵郡,以安流民。

之禮。 先是,縉州刺史留異應于王琳等反,景戌,詔司空侯安都率衆討之。 十二月辛巳,以安東將軍、吳郡太守孫陽爲中護軍。 太子中庶子虞荔、御史中丞孔與以國用不足,奏立煑海鹽賦及榷酤之科,詔竝施行。 甲申,立始興國廟於京師,用王者

陽和 力田,別加 負荷寶圖,亟回 布 三年春正月庚戌,設帷宮於南郊,幣告胡公以配天。 氣,昭事 等。」辛酉,與駕親祠北郊 星琯,兢兢業業,庶幾治定,而德化不孚,俗弊滋甚,永言念之,無忘日夜。 上玄,躬奉牲玉,誠兼饗敬,思與黎元被斯寬惠。 辛亥,輿駕親祠南郊。 可普賜民爵一級。 韶曰:「朕 其孝悌

閏二月己酉,以百濟王餘明爲撫東大將軍,高句驪王高湯爲寧東將軍。 江州刺史周迪

舉兵應留異,襲湓城,攻豫章郡,並不剋。 辛亥,以南荆州刺史吳明徹爲安右將軍。

改鑄五銖錢。

吳明徹爲安南將軍、江州刺史,督衆軍南討。甲申,大赦天下。庚寅,司空侯安都破留異於 三月景子,安成王頊至自周,韶授侍中、中書監、中衞將軍,置佐史。丁丑,以安右將軍

桃支嶺,江西異脫身奔晉安,東陽郡平。

夏四月癸卯,曲赦康陽郡。乙巳,齊遣使來聘。

嘉、新安、新寧、晉安、建安八郡置東揚州。以揚州刺史始興王伯茂爲鎭東將軍、東揚州刺 六月景辰,以侍中、中衞將軍安成王項爲驃騎將軍、揚州刺史。以會稽、東陽、臨海、永

史,征北將軍、司空、南徐州刺史侯安都爲侍中、征北大將軍。

秋七月己丑,皇太子納妃王氏。在位文武賜帛各有差,孝悌力田爲父後者賜爵二級。 九月戊辰朔,日有食之。以侍中、都官尚書到仲舉爲尚書右僕射、丹陽尹。丁亥,周迪

請降、韶安成王頊督衆軍以招納之。

是歲,周所立梁王蕭詧死,子巋代立。

四年春正月景子,干陁利國遣使獻方物。甲申,周迪棄城走,閩州刺史陳寶應納之,臨

本紀第三 世祖

川郡 領臨川太守周敷爲南豫州刺史,中護軍孫陽爲鎭右將軍。 南將軍、鎮南將軍、開府儀同三司、高州刺史黃法輕爲鎮北大將軍、南徐州刺史,安西將軍、 罷高州隸入江州。

中、司空、征北大將軍侯安都爲征南大將軍、江州刺史。 一月戊戌,征南將軍、開府儀同三司、廣州刺史歐陽頠進號征南大將軍。 庚申,以平南將軍華皎爲南湘州刺 庚戌,以侍

三月辛未,以鎭南將軍、開府儀同三司徐度爲侍中、中軍大將軍。 辛巳、韶贈討周迪將

州 刺史安成王頊爲開府儀同三司

夏四月辛丑,設無导大會於太極前殿。

乙卯,以侍中、中書監、中衞將軍、驃騎將軍、揚

士死王事者。

五月丁卯,安前將軍、右光祿大夫徐世譜卒。

六月癸巳,太白晝見。 司空侯安都賜死。

七月丁丑,以鎭北大將軍、開府儀同三司、南徐州刺史黃法熙爲鎭南大將軍、江州 刺

史。

九月壬戌,開府儀同三司、廣州刺史歐陽頠薨。 癸亥,曲赦京師。 辛未,周迪復寇臨

川,韶護軍章昭達率衆討之。

十一月辛酉,章昭達大破周迪,悉擒其黨與,迪脫身潛竄。

刺史余孝碩督會稽、東陽、臨海、永嘉諸軍自東道會之。 十二月景申,大赦天下。詔護軍將軍章昭達進軍建安,以討陳寶應。 癸丑,以前安南將軍、江州刺史吳 信威將軍、 益州

明徹爲鎭前將軍。

五年春正月庚辰,以吏部尚書、領右軍將軍袁樞爲丹陽尹。 辛巳,輿駕親祠北郊。

酉,江州湓城火,燒死者二百餘人。

三月丁丑,以征南大將軍、開府儀同三司、桂州刺史淳于量爲中撫軍大將軍。 壬午,詔

以故護軍將軍周鐵虎配食高祖廟庭。

夏四月庚子,周遣使來聘。

五月庚午,罷南丹陽郡。是月,周、齊並遣使來聘。

六月丁未,夜,有白氣兩道,出于北斗東南,屬地。

燭,傍慰蒼生,以安黔首。兵無寧歲,民乏有年,移風之道未弘,習俗之患猶在,致令氓多觸 秋七月丁丑,詔曰:「朕以寡昧,屬當負重,星籥亟改,冕旒弗曠,不能仰協璿衡,用調玉

本

網,吏繁筆削,獄犴滋章,雖由物犯,囹圄淹滯,亦或有寃。 念俾納隍,載勞負扆,加以膚湊

不適,攝衞有虧,比獲微痊,思覃寬惠,可曲赦京師。」

九月,城西城。

冬十一月丁亥,以左衞將軍程靈洗爲中護軍。 己丑,章昭達破陳寶應于建安,擒寶應、

留異,送京師,晉安郡平。 甲辰,以護軍將軍章昭達爲鎭前將軍、開府儀同三司

復其家。 十二月甲子,曲赦建安、晉安二郡。 瘡痍未瘳者,給其醫藥。 癸未,齊遣使來聘。 討陳寶應將士死王事者,並給棺槥,送還本鄉,幷

鰥寡孤獨 吏部尚書,衞尉卿沈欽爲中領軍。 六年春正月甲午,皇太子加元服,王公以下賜帛各有差,孝悌力田爲父後者賜爵一 不能自存者穀人五斛。 庚戌,以領軍將軍杜稜爲翊左將軍、 丹陽尹,丹陽尹袁樞

三月乙未,詔侯景以來遭亂移在建安、晉安、義安郡者,並許還本土,其被略爲奴婢者,

釋爲良民。

爲

爲司空。 夏四月甲寅,以侍中、中書監、中衞將軍、驃騎將軍、開府儀同三司、揚州刺史安成王頊 辛酉,有彗星見。[12]周遺使來聘。

秋七月癸未,大風至自西南,廣百餘步,激壞靈臺候樓。 甲申,儀賢堂無故自壞。

戌,臨川太守駱文牙斬周迪,CICI傳首京師,梟於朱雀航。丁酉,太白晝見。

惆悵於子房,丘墓生哀,性靈共惻者也。Clill 股所以興言永日,思慰幽泉。維前代王侯,自古 眇瞻河、維之路,故喬山之祀,蘋藻弗虧,驪山之墳,松柏恆守。唯戚藩舊壟,士子故塋,掩 若其經綸(三)[王]業, [元] 縉紳民望, 忠臣孝子, 何世無才, [回] 而零落山丘, 變移陵谷, 或皆 卯,立皇子伯固爲新安郡王,伯恭爲晉安王,伯仁爲廬陵王,伯義爲江夏王。 忠烈,墳冢被發絕無後者,可檢行脩治,墓中樹木,勿得樵採,庶幽顯咸暢,稱朕意焉。」己 **殣未周,樵牧猶衆。或親屬流隸,負土無期,子孫冥滅,手植何寄。漢高留連於無忌,宋祖** 啓,恭惟揖讓,爰暨朕躬,聿脩祖武,雖復旂旗服色,猶行祀、宋之(計)〔邦〕,〔三〕每車駕巡遊, 剪伐,莫不侵殘。玉杯得於民間,漆簡傳於世載,無復五株之樹,罕見千年之表。自大祚光 之屬暴及徂魂。江左肇基,王者攸宅,金行水位之主,木運火德之君,時更四代,歲逾二百。 八月丁丑,詔曰:「梁室多故,禍亂相尋,兵甲紛紜,十年不解,不逞之徒虐流生氣,無賴

九月癸未,罷豫章郡。是月,新作大航。

冬十月辛亥,齊遣使來聘。

本紀第三

世祖

十二月乙卯,立皇子|伯禮爲|武陵|王。 丁巳,以鎮前將軍、開府儀同三司|章昭達爲鎭南

郢州 之重,託在王公之上,顧其寡昧,鬱于治道。加以屢虧聽覽,事多壅積,寃滯靡申,幽枉弗 午,以東中郞將、吳郡太守鄱陽王伯山爲平北將軍、南徐州刺史。 癸亥,詔曰:「朕自居民牧 將軍、江州 念茲罪隸,有甚納隍。而 刺 史,軍師將軍、郢州刺史沈恪爲中護軍,鎭東將軍、吳興太守吳明徹爲中領軍。 戊 刺史,鎮南大將軍、江州刺史黃法輕爲中衞大將軍,中護軍程靈洗爲宣毅將軍、 ...惠澤未流,愆陽累月,今歲序云暮,元正向肇,欲使幽圄之內,

黎庶未康,兼疹患淹時,亢陽累月,百姓何咎,寔由朕躬, -,改天嘉七年爲天康元年。」 天康元年春二月景子,詔曰:「朕以寡德,纂承洪緒,日昃劬勞,思弘景業,而政道多昧, 念茲在茲,痛如疾首。 可大赦天

同被時和,可曲赦京師。」

三月己卯,以驃騎將軍、開府儀同三司、楊州刺史、司空安成王頊爲尙書令。

甚。 重,太子可即君臨,王侯將相,善相輔翊,內外協和,勿違朕意!山 難,頻歲 是日,崩于有覺殿。 夏四月乙卯,皇孫 軍 ·旅,生民多弊,無忘愧惕。 至澤生,在位文武賜絹帛各有差,爲父後者賜爵 遺詔曰:「朕疾苦彌留,遂至不救,脩短有 个方隅乃定,俗教未 弘,便及 陵務存儉速。 大漸,以爲遺恨。 命,夫復何言。 級。 癸酉,世祖疾 大斂竟,羣 但王業艱 社稷任

臣三日一臨,公除之制,率依舊典。」

六月甲子,羣臣上諡曰文皇帝,廟號世祖。景寅,葬永寧陵。

前後相續。每雞人伺漏,傳更籤於殿中,乃勑送者必投籤於階石之上,令鎗然有聲,云「吾 色,若在諸身。主者奏決,妙識眞僞,下不容姦,人知自勵矣。一夜內刺閨取外事分判者, 世祖起自艱難,知百姓疾苦。國家資用,務從儉約。常所調斂,事不獲已者,必咨嗟改

怨之后,賓實之迹,可爲聯類。至於杖聰明,用鑒識,斯則永平之政,前史其論諸。 愛悅文義,見善如弗及,用人如由己,恭儉以御身,勤勞以濟物,自昔允文允武之君,東征西 天嘉三年,高句驪王高湯,或本作「高陽」。

### 校勘記

(二)以功授持節都督會稽等十郡諸軍事宣毅將軍會稽太守 按高祖紀下永定元年十一月丙申詔

文,「持節」作「使持節」。別有長城縣侯之爵,此未書。

(二) 平南將軍開府儀同二司周迪進號鎭南將軍 按周迪傳「鎭南將軍」作「安南將軍」。

Cョン庚戌封皇子伯茂爲始興王 按始興王伯茂傳,其受封在永定三年十月,此云八月庚戌,與傳異。

徙封始興嗣王頊爲安成王 「頊」原作「諱」,蓋姚察原文如是,今據北監本、汲本、殿本改。 後如

此不悉出校記。

ハ 野 U 九月辛酉立皇子伯宗爲皇太子 按「九月辛酉」廢帝紀作「八月庚戌」。

ベン **忭流庶俗** 「忭」原譌「抃」,各本不譌,今改正。

ヘゼン 亦同肆告 「肆」原譌「拜」,各本不譌,今改正。

江寧旣是舊塋 「是」北監本、殿本作「有」。

/ У Ш 使棫樸載哥 「哥」元龜八一三作「歌」。按哥卽古歌字,下「哥鍾列於管庫」同。

寬網資州 「育」各本作「省」。按資古愼字,作「省」者疑後人臆改。

遣巴州刺史侯安鼎守之 「侯安鼎」各本作「侯安都」。張元濟校勘記云:「時侯安都以司空會侯 1頭南討,未嘗爲巴州刺史,侯安鼎當別是一人。」

- 口己 丁丑 按是年三月丁未朔,無丁丑,缺疑。
- [12] 冬十月乙巳 「乙巳」南史陳世祖紀作「癸丑」。按是年十月癸酉朔,無乙巳,亦無癸丑,缺疑。
- [三] 司空侯安都破留異於桃支嶺 「桃支嶺」侯安都傳作「桃枝嶺」。
- (14) 以平南將軍華皎爲南湘州刺史 錢大昕廿二史考異云:「本傳但云湘州刺史,『南』字疑衍。」
- [1+] 辛酉有彗星見「辛酉」上兩史陳世祖紀有「六月」二字,此脫。按隋書天文志,陳天嘉六年六月

辛酉,有彗長可丈餘。

臨川太守駱文牙斬周迪 錢大昕廿二史考異云:「本傳及陳寶應傳但稱『駱牙』。」

[1·1] 若其經綸(三)[王]業 據南監本及元龜一九一改。

[110] 何世無才 「才」元鑑一九一作「之」。按作「之」義長。

〔三〕猶行杞宋之(計)〔邦〕 據南監本及元龜一九一改。

〔三〕性靈共惻者也 「惻」原譌「測」,各本不譌,今改正。

三〕其若馭朽 「其」各本作「眞」。

本

紀

## 陳書卷四

## 本紀第四

#### 廢帝

二月戊辰,拜臨川王世子。 三年,世祖嗣位,八月庚戌,立爲皇太子。[1] 自梁室亂離,東宮 廢帝諱伯宗,字奉業,小字藥王,世祖嫡長子也。梁承聖三年五月庚寅生。 永定二年

焚燼,太子居于永福省。

匡其不逮。可大赦天下。」又詔內外文武,各復其職,遠方悉停奔赴。 皇帝奄棄萬國,攀號靡及,五內崩殞。朕以寡德,嗣膺寶命,焭焭在疾,懼甚綴旒,方賴宰輔 天康元年四月癸酉,世祖崩,其日,太子即皇帝位于太極前殿,詔曰:「上天降禍,大行

州刺史、新除尚書令安成王頊爲驃騎大將軍,進位司徒、錄尚書、都督中外諸軍事。 五月(乙)[己]卯,四尊皇太后日太皇太后,皇后日皇太后。庚寅,以驃騎將軍、司空、楊 丁酉,

本紀第四

廢帝

侍 中軍大將軍 中, 進號征 、開府儀同三司徐度進位司空;鎭南將軍、開府儀同三司、江州刺史章昭達爲 南將軍; 鎭東將軍、東揚州刺史始興王伯茂進號征東將軍、開府儀同三司;

平北 將 軍、吳興太守沈欽爲尚書右僕射;新除中領軍吳明徹爲領軍將軍;新除中護軍沈恪爲護軍 軍 -; 三平南將軍、湘州 將軍、南徐州刺史鄱陽王伯山進號鎭北將軍; 刺史華皎進號安南將軍; 散騎常侍、御史中丞徐陵爲吏部尚書。

吏部尚書袁樞爲尚書左僕射,雲麾將

秋七月丁酉,四 立妃王氏爲皇后。

六月辛亥,翊右將軍、右光祿大夫王通進號安右將軍。

冬十月庚申, 輿駕奉祠太廟

月乙亥,周遣使來弔

十二月甲子,高麗國遣使獻方物。

播遺恩,任」俾覃黎獻。 重光, 下雍熙,緬同刑措。 光大元年春正月癸酉,尚書左僕射袁樞卒。 九區咸乂。至閔余沖薄,王道未昭,荷茲神器,如涉靈海,庶親賢並建,牧伯惟良,天 今三元改曆,萬國 可大赦天下。改天康二年爲光大元年。 充庭,清廟無追,具僚斯在,言瞻宁位,觸感崩心。 乙亥,詔曰:「昔昊天成命,降集寶圖,二后 孝悌力田賜爵 一級。」 思

卯,以領軍將軍吳明徹爲丹陽尹。 辛卯, 輿駕親祠南郊。

刺史,鎭北將軍、南徐州刺史鄱陽王伯山爲鎭東將軍、東揚州刺史。 司 東揚州刺史 二月辛亥,宣毅將軍、南豫州 始興王伯茂爲中衛大將軍,四開府儀同三司黃法熙 刺史余孝頃謀反伏誅。 癸丑,以征東將軍、開 爲鎭北 將 軍、南徐州 府 儀 同

三月甲午,以尙書右僕射沈欽爲侍中、尙書左僕射。〔5〕

夏四月乙卯,太白晝見。

領軍將軍。 五月癸巳,以領軍將軍、丹陽尹吳明徹爲安南將軍、湘州刺史。 安南將軍 、湘州刺史華皎謀反,景申,以中撫大將軍 淳于量爲使持節、征南 乙未,以鎮右將軍杜稜

將軍,總率舟師以討之。

爲

六月壬寅,以中軍大將軍、司空徐度進號車騎將軍,總督京邑衆軍,步道襲湘州。

閏月癸巳,以雲麾將軍新安王伯固爲丹陽尹。

秋七月戊申,立皇子至澤爲皇太子,賜天下爲父後者爵一級,王公卿士已下賚帛各有

差。

惋,王師電邁,水陸爭前,梟剪之期,匪朝伊暮。 九月乙巳,韶曰: 「逆賊華皎, 極惡窮凶, 逐樹立蕭巋, 其家口在北里尚方,宜從誅戮,用明國憲。 謀危社稷。 棄親卽讎, 人神憤

本

景辰,百濟國遣使獻方物。是月,周將長胡公拓跋定率步騎二萬入郢州,與華皎水陸俱進, 都督淳于量、吳明徹等與戰,大破之。皎單舸奔江陵,擒拓跋定,俘獲萬餘人,馬四千餘匹,

冬十月辛巳,赦湘、巴二(郡)〔州〕爲皎所詿誤者。〔己甲申,輿駕親祠太廟。

送京師'

十一月己未,以護軍將軍沈恪爲平西將軍、荆州刺史。 甲子,侍中、中權將軍、開府儀

同三司、特進、左光祿大夫圧沖薨。

十二月庚寅,以兼從事中郎孔英哲爲奉聖亭侯,奉孔子祀。

甲子,罷吳州,以鄱陽郡還屬江州。 司; **頸進位太傅,領司徒,加殊禮,劍履上殿;侍中、征南將軍、開府儀** 刺史程靈洗進號安西將軍。 進號征南大將軍; 中撫大將軍、新除征南大將軍<u>淳于量爲</u>侍中、中軍 安南將軍、湘州刺史吳明徹即本號開府儀同三司,進號鎭南將軍;「10」雲麾將軍 夏四月辛已,太白晝見。丁亥,割東場州晉安郡爲豐州。 二年春正月己亥,侍中、都督中外諸軍事、驃騎大將軍、司徒、錄尚書、揚州刺史安成王 庚子,詔討華皎軍人死王事者並給棺槥,送還本鄉,仍復其家。 侍中、司空、車騎將軍徐度薨。 同三司、江州刺史章昭達 大將軍、開府儀 、郢州 同三

五月景辰,太傅安成王頊獻玉璽

六月丁卯,彗星見。

秋七月景午,輿駕親祠太廟。 戊申,新羅國遣使獻方物。 壬戌,立皇弟伯智爲永陽王,

伯謀爲桂陽王。

九月甲辰,林邑國遣使獻方物。 景午,狼牙脩國遣使獻方物。 以侍中、征南大將軍、開

冬十月庚午,輿駕親 洞太廟 府儀同三司、江州刺史章昭達爲

中撫大將軍。

戊午,太白晝見。

三司、南徐州刺史黄法髡 十一月景午,以前平西將軍、荆州刺史沈恪爲護軍將軍。 爲鎭西將軍、郢州刺史,新除中軍大將軍、開府儀同三司淳于量 壬子,以鎭北將軍、開府儀 同 爲

鎭北將軍 、南徐州刺史。 甲寅,慈訓太后集羣臣於朝堂,令曰:

中軍儀同、鎭北 儀同、鎭右將軍 ·、護軍將軍、八座卿士:昔|梁運季末,<<<>>三海內沸騰,</>

天下 皇帝克嗣洪基,光宣寶業,惠養中國,綏寧外荒; ·蒼生,殆無遺噍。 高祖武皇帝撥亂 反正,膺圖御籙,重懸三象,還補二儀;世祖文 並戰戰兢兢,劬勞締構,庶幾鼎運,方

隆殿、夏。

伯宗昔在儲宮,本無令問,及居崇極,遂騁凶淫。 居處諒闇,固 不哀感,嬪嫱弗隔,

本 紀 第 四 廢 帝

黟、歙。 結,大有交通,兵力殊彊,指期挻亂。 盪主侯法喜等,太傅麾下,恆遊府朝,啗以深利,謀興肘腋。 亂,昬慝無已。張安國蕞爾凶狡,窮爲小盜,仍遣使人蔣裕鉤出上京,卽置行臺,分選 於太和。 顯言排斥。 凶黨。賊皎妻呂,春徒爲戮,納自奚(宮)〔官〕,口三藏諸永巷,使其結引親舊,規圖戕禍。 韶華皎,稱兵上流,國祚憂惶,幾移醜類。乃至要招遠近,叶力巴、湘,支黨縱橫, 又以余孝頃密邇京師,便相徵召,殃慝之咎,凶徒自擒,宗社之靈,祇氛是滅。 顧託,鎭守宮闈,遺誥綢繆,義深垣屏,而欑塗未御,翌日無淹,仍遣劉師知、殷不佞等 爲大。 就館相仍,豈但衣車所納,是譏宗正,衰絰生子,得誚右師。 文迹,今以相示,是而可忍,誰則不容。祖宗基業,將懼傾實,豈可復肅恭禋祀,臨御兆 且費引金帛,令充椒閩,內府中藏,軍備國儲,未盈朞稔,皆已空竭。 又別勑歐陽紇等攻逼衡州,嶺表紛紜,殊淹弦望。 但賊豎皆亡,袄徒已散,日望懲改,猶加掩抑,而悖禮忘德,情性不悛,樂禍思 韓子高小豎輕佻,推心委仗,陰謀禍亂,決起蕭牆。 皇家有慶,歷數遐長,天誘其衷,同然開發。 豈止罪浮於<br />
昌邑,非唯聲醜 七百之祚何憑,三千之罪 適又盪主孫泰等潛相連 元相雖持,但除君側。 太傅親承 於是密 此諸

民。式稽故實,宜在流放,今可特降爲臨海郡王,送還藩邸。

太傅安成王固天生德,齊聖廣深,二后鍾心,三靈佇眷。

自前朝不念,任總邦家,

七〇

中都之奉漢家,校以功名,曾何髣髴。且地彰靈璽,天表長彗,布新除舊,禛祥咸顯。 威惠相宣,刑禮兼設,指揮嘯咤,湘、郢廓清,闢地開疆,荆、益風靡,若太戊之承殷歷,

文皇知子之鑒,事甚帝堯,傳弟之懷,又符太伯。今可還申曩志,崇立賢君,方固宗祧,

載貞辰象。中外宜依舊典,奉迎輿駕。

未亡人不幸屬此殷憂,不有崇替,容危社稷,何以拜祠高寢,歸附武園?

然,兼懷悲慶。

是日,出居別第。太建二年四月薨,時年十九。

大漸,召高宗謂曰「吾欲遵太伯之事」,高宗初未達旨,後寤,乃拜伏涕泣,固辭。其後宣太 帝仁弱無人君之器,世祖每慮不堪繼業,既居冢嫡,廢立事重,是以依違積載。 及疾將

后依韶廢帝焉。

世祖知神器之重,諒難負荷,深鑒夷旨,弗傳寶祚焉。 央臣曰:臨海雖繼體之重,仁厚儒弱,○33混一是非,不驚得喪,蓋帝擊、漢惠之流也。

校勘記

本紀第四 校勘記

[1]八月庚戌立爲皇太子 按「八月庚戌」世祖紀作「九月辛酉」。

[三] 五月(乙)[己]卯 據南史改。 按是月丁丑朔,無乙卯。

新除中護軍沈恪爲護軍將軍 「恪」原譌「略」,各本不譌,今改正。 按恪本傳,恪於天嘉六年爲

中護軍,零遷護軍將軍。

29 \\_/ 秋七月丁酉 「秋七月」三字,原本墨丁,今依南史陳廢帝紀及通鑑補。按各本作「秋八月」,譌。

是年八月乙巳朔,無丁酉。

[五] 二后重光九區咸乂 「光九」二字原本墨丁,今據各本補。

八六山 思播遺恩 「播」字原本墨丁,據各本補。

以征東將軍開府儀同三司東揚州刺史始興王伯茂爲中衞大將軍 作「鎭東將軍」,本傳同。「中衞大將軍」本傳作「中衞將軍」。 「征東將軍」世祖紀天嘉三年

以尙書右僕射沈欽爲侍中尙書左僕射 院紀太建元年,尚書僕射沈欽爲尚書左僕射,度支尚書王勸爲尚書右僕射。 按尚書分置左右僕 南史陳廢帝紀但云爲侍中、尚書僕射,無「左」字。又宣

置,故沈欽自尚書右僕射遷尚書僕射,至宣帝太建元年,又置兩僕射,故沈欽自尚書僕射遷尚書 射,始於魏建安中,其後省置無恆,置二則爲左右僕射,或不兩置,但曰尙書僕射。 蓋其時不兩

左僕射了而以王勱爲尚書右僕射也。明此衍一「左」字。

- [九] 赦湘巴二(郡)[州]爲皎所詿誤者 據南史改。
- 〔10〕安南將軍湘州刺史吳明徹卽本號開府儀同三司進號鎭南將軍 安南將軍、開府儀同三司、湘州刺史吳明徹進號鎭南將軍」之文,本傳亦云「太建元年授鎭南將 按宣帝紀太建元年又有「新除

軍」,疑此衍「進號鎭南將軍」六字。

- [11] 昔梁運季末 「運」原調「道」,各本不調,今改正。
- [1三] 納自奚(宮)[官] 「宮」當作「官」,各本並譌,今改。
- 二三 仁厚儒弱 「儒」各本作「儒」。按儒有懦弱義,各本作「儒」,疑後人臆改。

本

# 陳書卷五

## 本紀第五

#### 宣帝

|州刺史,進號驃騎將軍,餘如故。四年,加開府儀同三司。六年,遷司空。 |天康元年,授尙 侍中、中書監、中衞將軍,置佐史。 尋授使持節、都督揚南徐東揚南豫北江五州諸軍事、揚 定元年,遙襲封始興郡王,邑二千戶。三年,世祖嗣位,改封安成王。天嘉三年,自周還,授 寐,總適出,尋返,乃見高宗身是大龍,總便驚駭,走避佗室。及江陵陷,高宗遷于關右。永 直閤將軍、中書侍郞。時有馬軍主李總與高宗有舊,己每同遊處,高宗嘗夜被酒,張燈而 勇力,善騎射。高祖平侯景,鎭京口,梁元帝徵高祖子姪入侍,高祖遣高宗赴江陵,累官爲 辛酉生,[1]有赤光滿堂室。少寬大,多智略。及長,美容儀,身長八尺三寸,手至過膝。有 高宗孝宣皇帝諱頊,字紹世,小字師利,始興昭烈王第二子也。梁[中]大通二年七月

七五

本紀第五

宣帝

十一月甲寅,慈訓太后令廢帝爲臨海王,以高宗入纂。 十人。|光|大二年正月,進位太傅,領司徒,加殊禮,劍履上殿,增邑幷前三千戶,餘並如故。 書令,餘並如故。 廢帝即位,拜司徒,進號驃騎大將軍,錄尚書,都督中外諸軍事,給班劍三

肅奉天策,欽承介圭。若據滄溟,踰增兢業。思所以雲行雨施,品物咸亨,當與黔黎,普同斯 渭橋,文母尊嚴,懸心長樂,對揚璽紱,非止殷湯之三辭,履涉春冬,何但代王之五讓。 步艱難,將傾寶曆,仰惟嘉命,爰集朕躬。我心貞確,(空)[堅]誓蒼昊,[三]而羣辟啓請,相諠 思城陽之遠託,自元儲紹國,正位君臨,無道非幾,佇聞刑措。 爵一級,異等殊才, 在。朕以寡薄,才非聖賢,夙荷前規,方傳景祚。雖復親承訓誨,志守藩維,詠季子之高風, 岳而長遠。世祖文皇帝體上聖之姿,當下武之運,築宮示儉,所務唯德,定鼎初基,厥謀斯 德,方作元后。高祖武皇帝揖拜薨圖,經綸禹跡,配天之業,光辰象而利貞,格地之功,侔川 可改光大三年爲太建元年。 |太建元年春正月甲午,即皇帝位于太極前殿,詔曰:「夫聖人受命,王者中興,並 由 懿 立妃柳氏爲皇后,世子叔寶爲皇太子,皇子南中郎將、江州刺史康樂侯叔陵爲始興 ` 並加策序。 鰥寡孤獨不能自存者,人賜穀五斛。」復太皇太后尊號 大赦天下。 在位文武賜位一階,孝悌力田及爲父後者賜 · 豈圖王室不造,頻謀亂階,天 **今便** 

癸卯,以明威將軍周弘正爲特進。戊午,輿駕親祠太廟。 支尚書三勵爲尚書右僕射,護軍將軍沈恪爲鎭南將軍、廣州刺史。四辛丑,與駕親祠南郊。 壬寅,以皇子建安侯叔英爲宣惠將軍、東揚州刺史,改封豫章王。 南將軍,鎮東將軍、揚州刺史、鄱陽王伯山進號中衞將軍,尚書僕射沈欽爲尚書左僕射,度 郢州刺史黃法熊進號征西大將軍,新除安南將軍、開府儀同三司、湘州刺史吳明徹進號鎭 南徐州刺史淳于量爲征北大將軍,鎭北將軍、開府儀同三司、南徐州刺史、新除鎭西將軍、 開府儀同三司、新除中撫大將軍章昭達進號車騎大將軍,新除中軍大將軍、開府儀同三司、 王,奉昭烈王祀。乙未,輿駕謁太廟。丁酉,分命大使巡行四方,觀省風俗。征南大將軍、 豐城侯叔堅改封長沙王。

事、駙馬都尉沈君理爲吏部尚書。 夏五月甲午,齊遣使來聘。丁巳,以吏部尚書、領大著作徐陵爲尚書右僕射,太子詹 二月庚午,皇后謁太廟。辛未,皇太子謁太廟。乙亥,輿駕親耕藉田。

秋七月辛卯,皇太子納妃沈氏,王公已下賜帛各有差。丁酉,以平東將軍、吳郡太守晉

安王伯恭爲中護軍,進號安南將軍。

九月甲辰,以新除中護軍晉安王伯恭爲中領軍。

冬十月,新除左衞將軍歐陽||旅據||廣州舉兵反。 辛未,遣車騎將軍、開府儀同三司章昭

本

達率衆討之。壬午,輿駕親祠太廟。

二年春正月乙酉,以征西大將軍、開府儀同三司、郢州刺史黃法厩爲中權大將軍。 景

午,與駕親祠太廟

二月癸未,儀同章昭達擒歐陽紇送都,斬于建康市,廣州平。

三月景申,皇太后崩。景午,曲赦廣、衡二州。丁未,大赦天下。又詔自討周迪、華皎

夏四月乙卯,臨海王伯宗薨。戊寅,皇太后祔葬萬安陵。

已來,兵交之所有死亡者,並令收斂,幷給棺槥,送還本鄉;瘡痍未瘳者,各給醫藥。

閏月戊申, 輿駕謁太廟。 己酉, 太白晝見。

五月乙卯,儀同黃法熙獻瑞璧一。 壬午,齊遣使來弔。

六月戊子,新羅國遣使獻方物。辛卯,大雨雹。乙巳,分遣大使巡行州郡,省理寃屈。

戊申,車騎將軍、開府儀同三司章昭達進號車騎大將軍,安南將軍、廣州刺史沈恪進號鎭南

將軍。

崎嶇歸化,亭候不絕,宜加卹養,答其誠心。維是荒境自拔,有在都邑及諸州鎭,不問遠近, 秋八月甲申、詔曰:「懷遠以德、抑惟恆典、去戎即華、民之本志。頃年江介綴負相隨、

訓。 罪。 能墾起荒田,不問頃畝少多,依舊蠲稅。」戊子,太白晝見。 便可删革,去其甚泰,至冀永爲定准,令簡而易從。自今維作田,值水旱失收,卽 興,役賦征徭,尤爲煩刻。 隨便安處。 並蠲課役。 公百司輒受民爲程蔭,解還本屬,開恩聽首。在職治事之身,須遞相檢示,有失不推,當局任 如弗解張,物無與厝,夕惕疚懷,有同首疾。 上折除。 **朕聽朝晏罷,日仄劬勞,方流惠澤,覃被億兆。** 令長代換,具條解舍戶數,付度後人。戶有增進,即加擢賞;若致減散,依事准結。 軍士年登六十,悉許放還。巧手於役死亡及與老疾,不勞訂補。其籍有巧隱,幷王 若克平舊土,反我侵地,皆許還鄉,一 若輒有課訂,即以擾民論。」又詔曰:「民惟邦本,著在典謨,治國愛民,抑又通 大陳御寓,拯茲餘弊,滅扈戡黎,弗遑創改,年代彌流,將及成俗, 思從卑菲,約己濟民,雖府帑末充,君孰與足, 無拘限。 有梁之季,政刑廢缺,條綱弛紊,僭盜荐 州郡縣長明加甄別,良田廢村, 列在所,言

九月乙丑,以散騎常侍、鎭東將軍、吳興太守杜稜爲特進、護軍將軍。

冬十月乙酉,輿駕親祠太廟。

十二月癸巳夜,西北有雷聲。十一月辛酉,高麗國遣使獻方物。

書 卷 五 八〇

三年春正月癸丑,以尙書右僕射、領大著作徐陵爲尙書僕射。 辛酉,輿駕 親 祠南 郊。

辛未,親祠北郊。

二月辛巳,輿駕親祠明堂。丁酉,親耕藉田。

三月丁丑,大赦天下。自天康元年訖太建元年,逋餘軍糧、祿秩、夏調未入者,悉原之。

又詔犯逆子弟支屬逃亡異境者,悉聽歸首;見繁繁者,量可散釋;其有居宅,並追還。

夏四月壬辰,齊遣使來聘。

五月戊申,太白晝見。辛亥,遼東、新羅、丹丹、天竺、盤盤等國並遣使獻方物。

六月丁亥,江陰王蕭季卿以罪免。 甲辰,封東中郎將長沙王府諮議參軍蕭彝爲江陰

压。

秋八月辛丑,皇太子親釋奠于太學,二傅、祭酒以下(司)齊帛各有差。(公

九月癸酉,太白晝見。

冬十月甲申, 輿駕親祠 太廟。 乙酉,周遣使來聘。 己亥,丹丹國遣使獻方物。

十二月壬辰,車騎大將軍、司空章昭達薨。

四年春正月景午,以雲塵將軍、江州刺史始興王叔陵爲湘州刺史,進號平南將軍,東

僕 中 郎將、 射; 中 吳郡太守長沙王叔堅爲宣毅將軍、江州刺史, 書監 王勒爲尚 書右僕射。 庚申, 以丹陽尹 **| 衡陽王伯信爲信威將軍** 尚書僕射、領大著作徐陵爲尚書左 、中護軍。 庚

午,輿駕親祠太廟。

一月乙酉,立皇子叔卿爲建安王,授東中郎將、東揚州 刺史。

二月壬子,以散騎常侍孫瑒 爲安西 將軍、荆州 刺 史。 乙丑,扶南、林邑國並遣使來獻方

物。

夏 四月戊子,以中權大將軍、開府儀同三司黃法熙爲征南大將軍、南豫州刺史。

五月癸卯,尚書右僕射王勱卒。

六月辛旦,侍中、鎭右將軍、右光祿大夫杜稜卒。

之運籌。 律,稟策於廟,所以乂安九有,克成七德。 十三科, 皆披覽。 無忘 武 秋八月辛 備。 宜即班宣,以爲永准。」乙未,詔停督湘、江二州逋租,無錫等十五縣流民,並蠲 雖左衽已戡,干戈載戢,呼韓來謁,亭鄣無警; 兼昔經督戎,備嘗行陣,齊以七步,肅之三鼓,得自胸襟,指掌 磻溪 未,周遣使來聘。 之傳韜訣,穀城 之授神符,文叔懸制戎規,孟德頗言 丁丑,景雲見。 自頃! 掃滌羣穢,廓淸諸夏,乃貔貅之戮力,亦惟 戊寅,詔曰:「國之大事,受服興戎。 但不敎民戰,是謂 兵 略。 可述。 棄之,仁 股既 **今**並 慙暗 條 必有勇, 師出以 制,凡 其繇 良 幄

本

紀

第

 $\overline{T}_{1}$ 

宣帝

賦。

俟茲黜陟。」景寅,以故太尉徐度、儀同杜稜、儀同程靈洗配食高祖廟庭,故車騎將軍章昭達 寔朕之弗明,而時無獻替。永言至治,何廼爽歟?外可通示文武:凡厥在位,風化乖殊,朝 失;施石象魏,莫陳可否。 政紕蠹,正色直辭,有犯無隱。 滯淹,〔弘可爲太息。又貴爲百辟,賤有十品,工拙並鶩,勸沮莫分,街謠徒擁,廷議斯闕。 **簦以遊,或耆艾絕倫,或妙年異等,干時而不偶,左右莫之譽,黑貂改弊,<53 黃金且殫,終其** 衣;傍闕爭臣,下無貢士。 進賢謁言,爲臣之令範。 (秋)九月庚子朔,〔4〕日有蝕之。辛亥,大赦天下。又詔曰:「舉善從諫,在上之明規; **朕以寡德,嗣守寶圖,雖世襲隆平,治非寧一。** 朱雲摧檻,良所不逢,禽息觸楹,又爲難值。 何其闕爾,鮮能抗直。豈余獨運,匪薦讜言。 兼各舉所知,隨才明試。其莅政廉穢,在職能否,分別矢言, 辨方分職,旰食早 置鼓公車,罕論得 至如衣褐以見,檐

冬十月乙酉,輿駕親祠太廟。 戊戌,以鎮南將軍、廣州刺史沈恪爲領軍將軍。

十二]月己亥夜地震。[1]

配食世祖廟庭。[10]

熊釋之餘城,邇全琮之故壘,良疇美柘,哇畎相望,連宇高甍,阡陌如繡。 閏月辛未,詔曰:「姑熟饒曠,荆河斯擬,博望關畿,天限嚴峻,龍山南指,牛渚 自梁末兵災,凋殘 北臨. 對

爲蠹 略 田,各立頓舍。」 無交貨,不責市估; 盡,比 耗。 雖務優寬,猶未克復,咫尺封畿,宜須殷阜。 自今有罷任之徒, 許分留部下; 萊荒墾闢,亦停租稅。 其已在江外,亦令迎還,悉住南州津裏安置。 臺遺鎭監一人,共刺史、津主分明檢押,給地賦 且衆將部下,多寄上下,軍民雜俗, 極 有

役差閑,椽楹有擬,來歲開肇,創築東宮,可權置起部尚書、將作大匠,用主監作。」 氏之季,兵火荐臻,承華焚蕩,頓無遺構。 十二月壬寅,甘露降樂遊苑。 甲辰,與駕幸樂遊苑,採甘露,宴羣臣。 寶命惟新,迄將二紀,頻事戎旅,未遑脩繕。 丁卯,詔曰: |梁

宣惠將軍、豫章王叔英爲南徐州刺史,進號平北將軍; 右僕射,領吏部。 五年春正月癸酉,以征北大將軍、 辛巳,輿駕親祠南郊。 開府儀同三司、南徐州刺史淳于量爲中權大將軍 甲午,輿駕親 祠 太廟 吏部尚書、 駙馬都尉沈君理爲尚書

一月辛丑,輿駕親 祠明堂。 乙卯,夜有白氣如虹,自北方貫 、北斗紫宮。

西 衡 州 三月壬午,分命衆軍 獻馬生角。 己丑,皇孫胤生,內外文武賜帛各有差,爲父後者爵一級。 北伐,以鎭前將軍、開府儀同 三司吳明徹都督征 記討諸 軍事。 北討大都督 景戌

本紀第五 宣帝

吳明

徹

統

衆十萬,發自白下。

八四

兵十萬援歷陽,儀同黃法興破之。辛酉,齊軍救秦州,吳明徹又破之。癸亥,詔北伐衆軍所 四月癸卯,前巴州刺史魯廣達克齊大峴城。辛亥,吳明徹克秦州水栅。 庚申,齊遣

殺齊兵,並令埋掩。甲子,南譙太守徐慢克石梁城。

陽城。 次東關,克其東西二城,進克蘄城。戊子,又克鵬郡城,秦州城降。 歷陽,齊改縣爲郡者並復之。乙酉,南齊昌太守黃詠克齊昌外城。景戌,廬陵內史任忠軍 五月己已,瓦梁城降。癸酉,陽平郡城降。甲戌,徐慢克廬江郡城。景子,黄法熙克歷 己卯,北高唐郡城降。辛巳,詔征南大將軍、開府儀同三司、南豫州刺史黃法熙徙鎮 癸巳,瓜步、胡墅二城

[亥],周遣使來聘。<a>[三黃法熙克合州城。</a>吳明徹師次仁州,甲子,克其州城。</a> 城走。癸丑,景雲見。豫章內史程文季克涇州城。乙卯,宣毅司馬湛陁克新蔡城。 六月庚子, 郢州刺史李綜克躡口城。 乙巳, 任忠克合州外城。 庚戌,淮陽、沭陽郡並棄 是月,治明 癸(卯)

巴州城。淮北絳城及穀陽士民,並誅其渠帥,以城降。景戌,吳明徹克壽陽外城。 齊昌,西陽太守周炅破之。己巳,吳明徹軍次峽口,克其北岸城,南岸守者棄城走。 秋七月乙丑,鎮前將軍、開府儀同三司吳明徹進號征北大將軍。 戊辰, 齊遣衆二萬援 周炅克

八月乙未,山陽城降。 壬寅,盱眙城降。 戊申,罷南齊昌郡。 壬子,戎昭將軍徐敬辯克

海安城。 青州東海城降。戊午,平固侯陳敬泰等克晉州城。

陽內史魯天念克黃城小城,齊軍退保大城。戊子,割南兖州之盱眙郡屬譙州。 左衞將軍樊毅克廣陵楚子城。癸未,尚書右僕射、領吏部、駙馬都尉沈君理卒。 九月甲子,陽平城降。日三壬申,高唐太守沈善度克馬頭城。日四甲戌,齊安城降。 壬辰晦,夜 丁亥,前鄱 景子,

明。黄城大城降。

湛陁克齊昌城。 壽陽爲南豫州,今者克復,可還爲豫州。以黃城爲同州,治下爲安昌郡,滻湍爲漢陽郡, 周弘正爲尚書右僕射。乙巳,吳明徹克壽陽城,斬王琳,傳首京師,梟于朱雀航。丁未,齊 大將軍;征南大將軍、開府儀同三司、南豫州刺史黃法輕爲征西大將軍、合州刺史。 城依梁爲義陽郡,竝屬司州。」以征北大將軍、開府儀同三司吳明徹爲豫 兵萬人至潁口,樊毅擊走之。辛亥,齊遣兵援蒼陵,又破之。景辰,詔曰:「梁末得懸瓠,以 冬十月甲午,郭默城降。戊戌,以中書令王瑒爲吏部尚書。 己亥,以特進、領國子祭酒 州刺 史, 進號車騎 戊午,

十一月甲戌,淮陰城降。 庚辰,威虜將軍劉桃根克朐山城。三辛巳,樊毅克濟陰城。

己丑,魯廣達等克北徐州。

本紀第五 宣帝

朗、留異、陳寶應、周迪、鄧緒等及今者王琳首,並還親屬,以弘廣宥。」乙未,譙城降。 立皇子叔明爲宜都王,叔獻爲河東王。壬午,任忠克霍州城。 止在一身、子胤或存、梟懸自足,不容久歸武庫,長比月支。 惻隱之懷,有仁不忍。 十二月壬辰朔,韶曰:「古者反噬叛逆,盡族誅夷,所以藏其首級,誡之後世。 比者所戮 維熊曼

廟。 周,凱捷相繼,拓地數千,連城將百。 混,旰食彌憂。 風,宜覃曲澤,可赦江右淮北南司、定、霍、光、建、朔、合、豫、北徐、仁、北兖、凊、冀,南譙、南 摘出陰私,將帥軍人,罔顧刑典,今使苛法蠲除,仁聲載路。 號安前 無輕重,悉皆原宥。將帥職司,軍人犯法,自依常科。」以翊前將軍新安王伯固 甲申,廣陵金城降。 六年春正月壬戌朔,詔曰:「王者以四海爲家,萬姓爲子,一 :將軍;安前將軍、中領軍晉安王伯恭爲安南將軍 朕嗣纂鴻基,思弘經略,上符景宿,下叶人謀,命將興師,大拯淪溺。 周遣使來聘。 蠢彼餘黎,毒茲異境,江淮年少,猶有剽掠,鄉閻無賴, 高麗國遣使獻方物 、南豫州刺史。 且肇元告慶,邊服來荒,始觀皇 物乖方,夕惕猶厲,六合未 壬午,輿駕親祠太 爲中領軍,進 灰琯未

二月壬辰朔,日有蝕之。 辛亥,輿駕親耕藉田。 景辰,以中權大將軍、開府儀同三司淳

弊,太建四年田租未入者,可特原除。庶脩墾無廢,歲取方實。」 租,可申半至秋。豫章又逋太建四年檢首田稅,亦申至秋。南康一郡,橫下應接,民間尤 三月癸亥,韶曰:「去歲南川頗言失稔,所督田租于今未卽。 豫章等六郡太建五年田

手,饑饉疾疫,不免流離。 可遣大使精加慰撫,仍出陽平倉穀,拯其懸磬,幷充糧種。 而大軍未接,中途止憩,朐山、黃郭,車營布滿,扶老攜幼,蓬流草跋,旣喪其本業,咸事遊 近命師薄伐,義在濟民,靑、齊舊隸,膠、光部落,久患凶戎,爭歸有道,棄彼農桑,忘其衣食。 士女,隨近耕種。石鼈等屯,適意脩墾。」 夏四月庚子,彗星見。辛丑,詔曰:「戢情懷善,有國之令圖,拯弊救危,聖範之通訓。 勸課

山爲征北將軍、南徐州刺史,中護軍衡陽王伯信爲宣毅將軍、揚州刺史。 六月壬辰, 尚書右僕射、領國子祭酒周弘正卒。 乙巳, 以中衞將軍、揚州刺史鄱陽王伯

冬十一月乙亥,詔北討行軍之所,並給復十年。

爲尚書右僕射,度支尚書孔與爲吏部尙書。景午,安右將軍、左光祿大夫王通加特進。 十二月癸巳,平南將軍、湘州刺史始與王叔陵進號鎭南將軍。 戊戌,以吏部尚書王瑒

本紀第五

宣帝

七年春正月辛未,輿駕親祠南郊。 乙亥,左衞將軍樊毅克潼州城。 辛巳, 輿駕親祠北

郊。

二月戊申,樊毅克下邳、高栅等六城。

旗義 士,往大軍及諸鎭備防。 三月辛未,詔豫、二兖、譙、徐、合、霍、南司、定九州及南豫、江、郢所部在江北諸郡置雲 戊寅,以新除征西大將軍、合州刺 史、開府儀 同 三司 黄法熊 爲

豫州刺史。 改梁東徐州爲安州,武州爲沅州。 移譙州鎮於新昌 郡,以秦郡屬之。 盱眙、神

農二郡還隸南兖州。

午,與駕親祠太廟。 夏四月景戌,有星孛于大角。 乙未,陳桃根又表上織成羅又錦被各二百首,Clto 詔於雲龍門外焚之。 庚寅,監豫州陳桃根於所部得青牛,獻之,詔遣還民。 甲

壬子,郢州獻瑞鍾六。

五月乙卯,割譙州 之秦郡還隸南兖州。 分北譙縣置北譙郡,領陽平所屬北譙、西譙二

縣。合州之南梁郡,隸入譙州。

六月景戌,爲北討將士死王 事者克日舉哀。 壬辰,以尚書右僕射王陽爲尚書僕射。

酉,改作雲龍、神獸門。日公

秋八月壬寅,移四陽郡治保城。癸卯,周遣使來聘。

閏九月壬辰,都督吳明徹大破齊軍於呂梁。 是月,甘露頻降樂遊苑。 丁未, 輿駕幸樂

遊苑,採甘露,宴羣臣,韶於苑龍舟山立甘露亭。

中領軍新安王伯固爲南徐州刺史,進號鎭北將軍,信威將軍、江州刺史長沙王叔堅爲雲麾 將軍、中領軍。行己己己之皇子叔齊爲新蔡王,叔文爲晉熙王。 冬十月戊午,以征北將軍、南徐州刺史鄱陽王伯山為征南將軍、江州刺史,安前將軍、

史。壬戌,以尚書僕射王陽爲尚書左僕射,太子詹事、揚州大中正陸繕爲尚書右僕射,國子 郎將、東揚州刺史建安王叔卿爲雲麾將軍、郢州刺史,宣惠將軍宜都王叔明爲 祭酒徐陵爲領軍將軍。甲子,南康郡獻瑞鍾。 十一月庚戌,以征西大將軍、開府儀同三司、郢州刺史淳于量爲中軍大將軍 十二月景辰,以新除雲麾將軍、、郢州刺史長沙王叔堅爲平越中郎將、廣州刺 東揚 史,東

州

刺

中

八年春正月庚辰,西南有紫雲見。

二月壬申,車騎大將軍、開府儀同三司吳明徹進位司空。 丁丑,韶江東道太建五年以

前租稅夏調逋在民間者,皆原之。

夏四月甲寅,詔曰:「元戎凱旋,羣師振旅,旌功策賞,宜有饗宴。 今月十七日,可幸樂

五

遊苑,設絲竹之樂,大會文武。」己未,輿駕親祠太廟。

[五月]庚寅,[10]尚書左僕射王鴉卒。

六月癸丑,以雲麾將軍、廣州刺史長沙王叔堅爲合州刺史,進號平北將軍。 甲寅,以尚

書右僕射陸繕爲尙書左僕射,新除晉陵太守王克爲尙書右僕射。 秋八月丁卯,以車騎大將軍、司空吳明徹爲南兖州刺史。

九月戊戌,以皇子叔彪爲淮南王。

冬十一月乙酉,以平南將軍、湘州刺史長沙王叔堅爲平西將軍、郢州刺史。〔三〕丁酉,分

江州晉熙、高唐、新蔡三郡爲晉州。辛丑,以冠軍將軍廬陵王伯仁爲中領軍。

十二月丁卯,以新除太子詹事徐陵爲右光祿大夫。

州刺史,雲麾將軍建安王叔卿爲湘州刺史,進號平南將軍。 九年春正月辛卯,輿駕親祠北郊。 壬寅,以湘州刺史、新除中衞將軍始興王叔陵爲揚

二月壬(午)[子],[三]奧駕親耕藉田

治,年常租賦,多致逋餘,即此務農,宜弘寬省。可起太建已來訖八年流移叛戶所帶租調, 夏五月景子,詔曰:「朕昧旦求衣,日旰方食,思弘億兆,用臻俾乂,而牧守莅民,靡平未

七年八年叛義丁、五年訖八年叛軍丁、六年七年逋租田米粟夏調綿絹絲布麥等,三三五年訖

七年逋貲絹,皆悉原之。」

庚辰,大雨,震萬安陵華表。己丑,震慧日寺刹及瓦官寺重門,一女子於門下震死。 秋七月乙亥,以輕車將軍、丹陽尹江夏王伯義爲合州刺史。 己卯,百濟國遣使獻方物。

冬十月戊午,司空吳明徹破周將梁士彥衆數萬于呂梁。

十二月戊申,東宮成,皇太子移于新宮。

十年春正月己巳朔,以中領軍廬陵王伯仁爲平北將軍、南徐州刺史,翊左將軍、〔三〕右

光祿大夫、領太子詹事徐陵爲領軍將軍。

爲大都督,督朱沛、清口上至荆山緣淮衆軍,進號平北將軍,武毅將軍任忠都督壽陽、新 督,總水陸諸軍事,明威將軍孫陽都督荆、郢水陸諸軍事,進號鎭西將軍,左衞將軍樊毅 三月辛未,震武庫。景子,分命衆軍以備周:中軍大將軍、開府儀同三司淳于量爲大都 二月甲子,北討衆軍敗績於呂梁,司空吳明徹及將卒已下,並爲周軍所獲。

軍將軍淳于量爲南兖州刺史,進號車騎將軍。

·蔡、霍州等衆軍,進號寧遠將軍。 乙酉,大赦天下。 丁酉,以中軍大將軍、開府儀同三司、護

本紀第五 宣帝

服軍器之外,其餘悉皆停息; 將軍新安王伯固爲護軍將軍。 焚,弋綈之衣方襲,損撤之制,前自朕躬,草偃風行,冀以變俗。 君 事經營,去泰去甚,猶爲勞費。 壽以寘 乙夜忘寢,跂予思治,若濟巨川,念茲在茲,懍同馭朽。 禹弊衣菲食,夫子曰『無間然』,故儉德之恭,約失者鮮。 應在軍者可並賜爵二級,幷加賚卹,付選即便量處。」又詔曰:「惟曉葛衣鹿裘,則天爲大,伯 泗 孰與足? ,摧鋒致果,文武畢力,櫛風沐雨,寒暑亟離,念功在茲,無忘終食。 城不守 夏 羣生,寧勞役以奉諸己。 四月庚戌,詔曰:「懋賞之言,明於訓誥,挾纊之美,著在撫巡。 興言靜念,夕惕懷抱,垂訓立法,良所多慙。 掖庭常供、王侯妃主諸有俸卹,並各量減。」丁巳,以新 戊午,樊毅遣軍度淮北對清口築城。 加以戎車屢出,千金日損,府帑未充,民疲征賦。 但承梁季,亂離斯瘼,宮室禾黍,有名亡處,雖輪奐未 非貪四海之富,非念黃屋之尊,導仁 朕君臨宇宙,十變年籥, 肝日 **動雕爲朴,庶幾可慕,雉頭之服旣** 應御府堂署所營造禮樂儀 庚申, 大雨雹 宜班榮賞,用酬厥勞。 近歲薄伐,廓清淮、 百姓不足, 除鎭右 代觀,頗

五月甲申,太白晝見。

秋七月戊戌,新羅國遣使獻方物。 六月丁卯,大雨,震大皇寺刹、莊嚴寺露盤、重陽閣東樓、千秋門內槐樹、鴻臚府門。 乙巳,以散騎常侍、兼吏部尚書袁憲爲吏部尚書。

八月乙丑朔,改秦郡爲義州。戊寅,隕霜,殺稻菽。

州 刺史始興王叔陵兼王官伯臨盟。甲寅,輿駕幸婁湖臨誓。乙卯,分遣大使以盟誓班下四 九月壬寅,以平北將軍樊毅爲中領軍。乙已,立方明壇于婁湖。戊申,以中衞將軍、揚

方,上下相警戒也。壬戌,以宣惠將軍江夏王伯義爲東揚州刺史。

冬十月戊寅,罷義州及琅邪、彭城二郡。立建興,領建安、同夏、烏山、江乘、臨沂、湖熟

十一月辛丑,以鎭西將軍孫陽爲郢州刺史。

等六縣,屬揚州。戊子,以尙書左僕射陸繕爲尙書僕射。

十二月乙亥,合州廬江蠻田伯興出寇樅陽,刺史魯廣達討平之。

十一年春正月丁酉,龍見于南兖州永寧樓側池中。

二月癸亥,輿駕親耕藉田。

三月丁未,韶淮北義人率戶口歸國者,建其本屬舊名,置立郡縣,即隸近州,賦給田宅,

喚訂一無所預。

本紀第五

宣帝

拱,化致隆平。爰逮漢列五曹,周分六職,設官理務,各有攸司,亦幾期刑措,卜世彌永,並 〔夏〕五月乙巳,〔三部曰:「昔軒轅命于風后、力牧,放勛咨爾稷、契、朱武,〔云〕冕旒垂

方欲 清义,約法守制,較若畫一,不得前後舛互,自相矛楯,致有枉滯。 賴 有攸赦。」甲寅,詔曰:「舊律以枉法受財爲坐雖 羣 文仗茲 才,用中 參議分判。 事 沙貨 舟檝,委成股肱,徵名責實,取寧多士。 康庶績。 、財,寧不尤切? 其軍國興造、徵發、選序、三獄等事,前須詳斷,然後啓聞。 朕日昃劬勞,思弘治要,而機事尚擁,政道未凝,夕惕于懷,罔知 今可. 改不枉法受財者,科同正 重,直法容賄其制 自今應尚書曹、府、寺、內省監、 甚輕,豈不長彼貪殘,生其 紆意舞文, 凡諸 糾聽所知 辯決,務令 司文案,悉 攸濟。 / ,摩

六月庚辰,以鎭前將軍 豫 章王叔英 爲鎭南將軍 工、江州 刺史。 景戌,以征南將軍、江州 刺

秋 七月辛 卯,初用大貨六銖錢 史鄱

陽王伯山

爲中權將軍、護軍

將 軍

月甲子, 青州 義主朱顯宗等率所領七百戶入附。 丁卯, 輿駕幸大壯觀閱武。

興駕 還宮宮。

冬十月甲戌,以安前將軍、祠部尚書晉安王伯恭爲軍師將軍,尚書僕射陸繕爲尚書左

僕射。

紀,思經邦濟治,憂國愛民,日仄劬勞,夜分輟寢,而還淳反朴,其道靡階,雍熙盛美,莫云能 + 月辛卯、詔曰:「畫冠弗犯、革此澆風、孥戮是蹈、化於薄俗。 **朕肅膺寶命**, 迄將

萬自東關入焦湖,武毅將軍蕭摩訶率步騎趣歷陽。戊申,豫州陷。辛亥,霍州又陷。 以新除中衞大將軍、揚州刺史始興王叔陵爲大都督,總督水步衆軍 步騎七千趣秦郡。景午,新除仁威將軍、右衞將軍魯廣達率衆入淮。 忠都督北討前軍事,加平北將軍;前豐州刺史<u>阜文奏率步騎三千趣陽平郡。癸卯,任忠率</u> 于量爲上流水軍都督;中領軍樊毅都督北討諸軍事,加安北將軍;散騎常侍、左衞將軍任 <u> 士彥率衆至肥口。戊戌,周軍進圍壽陽。辛丑,以車騎將軍、開府儀同三司、南兖州刺</u> 馭朽非懼。 征賦頗煩,暑雨祁寒,寧忘咨怨。兼宿度乖舛,次舍違方,若曰之誡,責歸元首,愧心斯積 遂乃鞫訊之牒,盈於聽覽,春釱之人,煩於牢犴。 加以蕞爾醜徒,軼我彭、汴,淮、汝氓庶,企踵王略,治兵誓旅,義存拯救。 即建子令月,微陽初動,應此嘉辰,宜播寬澤,可大赦天下。」甲午,周遣柱國梁 周成刑措,漢文斷獄,杼軸空勞,邈焉 是日,樊毅領水軍二 飛芻挽栗, 史淳

巷,彘食牛衣,稱物平施,何其遼遠。爟烽未息,役賦兼勞,文吏姦貪,妄動科格。 聞侈欲。朕企仰前聖,思求訟平,正道多違,澆風靡乂。至今貴里豪家,金鋪玉鳥,貧居陋 (州)〔郡〕,〔忠〕並自拔還京師。 「昔堯、舜在上,茅屋土階,湯、禹爲君,藜杖韋帶。至如甲帳珠絡,華榱璧璫,未能雍熙,徒 十二月乙丑,南北兖、晉三州,及盱眙、山陽、陽平、馬頭、溱、歷陽、沛、北譙、南梁等九 . 此徐州又陷。 自是淮南之地盡沒于周矣。 己巳, 詔曰: 重以旗亭

紀第

五

宣帝

關市,稅斂繁多,不廣都內之錢,非供水衡之費,逼遏商賈,營謀私蓄。 靖懷衆弊,宜事改

張。 弗弘王道,安拯民蠹。今可宣勒主衣、尚方諸堂署等,自非軍國資須,不得繕造衆物。

後宮僚列,若有游長,掖庭啓奏,卽皆量遣。大予祕戲,非會禮經,樂府倡優,不合雅正,並

可删改。 市估津稅,軍令國章,更須詳定,唯務平允。 別觀離宮,郊閒野外,非恆饗宴,勿復

脩治。 并勒內外文武車馬宅舍,皆循儉約,勿尚奢華。 違我嚴規,抑有刑憲。 所由具為條

格,標榜宣示,令喩朕心焉。」癸酉,遣平北將軍沈恪、電威將軍裴子烈鎭南徐州,開遠將軍

徐道奴鎭棚口,前信州刺史楊寶安鎭白下。 戊寅,以中領軍樊毅爲鎭西將軍、都督荆郢巴

武四州水陸諸軍事。

十二年春正月戊戌,以散騎常侍、左衞將軍任忠爲平南將軍、南豫州刺史,督緣江軍防

事。

三月壬辰,以平北將軍廬陵王伯仁爲翊左將軍、中領軍。

夏四月癸亥,尚書左僕射陸繕卒。 乙丑,以宣毅將軍河東王叔獻爲南徐州刺史。

卯,大雩。壬午,雨。

五月癸巳,以軍師將軍、尚書右僕射晉安王伯恭爲尚書僕射。

# 六月壬戌,大風壞皐門中闥。

武將軍魯廣達克郭默城。甲戌,大雨霖。景子,淳于陵克祐州城。 新除司空司馬消難爲大都督水陸諸軍事。庚午,通直散騎常侍淳于陵克臨江郡。 刺史任忠率衆趣歷陽;通直散騎常侍、超武將軍陳慧紀爲前軍都督,趣南兖州。 韶以消難爲使持節、侍中、大都督、總督安隨等九州八鎭諸軍事、車騎 秋八月己未,周使持節、上柱國、鄖州總管滎陽郡公司馬消難以鄖、隨、溫、應、上、順、 將軍、司空,封隨郡 遣平南將軍、南豫州 戊辰,以 癸酉,智

酉,周廣陵義主曹藥率衆入附。CMOJ 景戌,改安陸郡爲南司州。丁亥,周將王延貴率衆援歷陽,任忠擊破之,生擒延貴等。 九月癸未,周臨江太守劉顯光率衆內附。是夜,天東南有聲,如風水相擊,三夜乃止。

## 冬十月癸丑,大雨雹震。

則 尤煩, 芻漕控引, 不能徵賦。 夏中亢旱傷農, 畿內爲甚, 民(天) 〔失〕所資, [mī] 歲取無託。 、政刑未理,陰陽舛度,黎元阻饑,君孰與足。 靖言興念,余責在躬,宜布惠澤,溥沾氓庶。 十一月己丑,詔曰:「朕君臨四海,日旰劬勞,思弘至治,未臻斯道。 而兵車驟出,軍費 此

本紀第

其丹陽、吳興、晉陵、建興、義興、東海、信義、陳留、江陵等十郡、〔三〕幷(謝)〔諸〕署即年田稅、

十二月庚辰,宣毅將軍、南徐州刺史河東王叔獻薨。

**祿秩,□□並各原半,其丁租半申至來歲秋登。」** 

州刺史。 子詹 軍 軍 師 將 事 將 軍鄱陽王伯山即本號開府儀同三司;鎭右將軍、國子祭酒新安王伯固 十三年春正月壬午,以車騎將軍、開府儀同三司淳于量爲左光祿大夫; 軍、 [三)吏部尚書袁憲爲尚書右僕射。 尚書僕射晉安王伯恭爲尚書左僕射;〔安〕右將軍、丹陽尹徐陵爲中書監,領 庚寅,以輕車將軍、衞尉 卿宜都王叔明爲南徐 爲 中權將軍、護 揚 州 刺 史; 太

夏 二月甲寅,詔賜司馬消難所部周大將軍田廣等封爵各有差。 四月乙巳,分衡州 始興郡 爲 東衡州 衡州 爲 西 [衡州 乙亥,輿駕親耕藉田。

五月景辰,以前鎭西將軍人毅爲中護軍。

六月辛卯,以新除中護軍獎毅爲護軍將軍。

秋九月癸亥,夜,大風至自西北,發屋拔樹,大雷震雹。

冬十月癸未,以散騎常侍、丹陽尹毛喜爲吏部尚書,護軍將軍樊毅爲鎭西將軍 一、荆州刺

史。改鄱陽郡爲吳州。壬寅,丹丹國遣使獻方物。

十二月辛巳,彗星見。己亥,以翊右將軍、衞尉卿沈恪爲護軍將軍。

唯使儉 務 休勿休,日 疾,曾未浹旬,醫藥不瘳,便屬大漸,終始定分,夫復奚言。 H 羣公卿士、文武 包吞八荒, 在 叶和, 臨,四方州鎭,五等諸侯,各守所職,並停奔赴。 ·四年春正月己酉,高宗弗豫。甲寅,崩于宣福殿,時年五十三。 而 合禮, 愼 無違朕意。 有志莫從,遺恨幽壤。 一日,知宗廟之負重,識王業之艱難。 內外,俱罄心力,同竭股肱,送往事居,盡忠誠之節,當官奉職,引翼亮之功。 勿得奢而乖度。 凡厥終制,事從省約。 以日易月,旣有通規,公除之制,悉依舊准。在位百司,三 皇太子叔寶繼體正嫡,年業韶茂,纂統洪基,社禝有主。 金銀之飾,不須入壙,明器之具,皆令用瓦。 而邊鄙多處,生民未乂,方欲蕩淸四海, 。但君臨寰宇,十有四載,誠 遺詔曰:「於爰自遘 則雖

月辛卯,上謚孝宣皇帝,廟號高宗。 癸巳,葬顯寧陵。

宗太建 高宗在田之日,有大度幹略,及乎登庸,寔允天人之望。 初,志復舊境,乃運神略,授律出師,至於戰勝攻取,獻捷相繼,遂獲反侵地,功實懋 梁室 喪亂,淮南地並入齊,高

本紀第五 宣帝

焉。

及周

[滅齊,乘勝略地,還達江際矣。

削弱,抑此之由。嗚呼!蓋德不逮文,智不及武,雖得失自我,無禦敵之略焉。 地,開拓土宇,靜謐封疆。享國十餘年,志大意逸,呂梁覆(車)〔軍〕,〔三〕大喪師徒矣。 <u>姬旦,世祖情存太伯,及乎弗念,大事咸委焉。至於纂業,萬機平理,命將出師,克淮南之</u> 史臣曰:高宗器度弘厚,亦有人君之量焉。 世祖知冢嗣仁弱,弗可傳於寶位,高宗地居

#### 校勘記

(1)梁(中)大通二年七月辛酉生 三,以此上推,適爲梁中大通二年。 據南史陳宣帝紀補。 按宣帝死於太建十四年正月甲寅,年五十

時有馬軍主李總與高宗有舊 殿本考證云南史無「馬」字。

[三](空)(堅)誓蒼昊 據各本改。

<u>⊠</u> 護軍將軍沈恪爲鎭南將軍廣州刺史 南將軍,此「鎭南將軍」疑當作「安南將軍」。 按沈恪於太建二年六月始由安南將軍、廣州刺史進號鎮

[m]去其甚泰 「甚泰」各本作「泰甚」。

[六] 二傅祭酒以下(可)齊帛各有差 據元龜二六〇刪。按此非韶文,不當有「可」字。

- 【扌】(秋)九月庚子朔 按上已書「秋八月」,此不當更著「秋」字,今刪。
- [C] 黑貂改弊 「改」元龜二一三作「故」。
- 「t) 終其滯淹 「其」各本作「身」。按元龜二一三作「其」。
- 故車騎將軍章昭達配食世祖廟庭 按章昭達於太建三年十二月壬辰以車騎大將軍卒於位,

「將軍」上應有一「大」字。

十二一]月己亥夜地震 一月己亥朔,明脫一「一」字。 據南史陳宣帝紀補。按上文書「冬十月」,則此不應複書「十月」,且是年 `殿本考證謂南史作「十一月」而不書朔,以上文「戊戌」證之,亦

恐有譌。今按:疑齊史脱一「朔」字,而此「己亥夜」之「夜」字則當作「朔」也。

- 癸(卯)[亥]周遣使來聘 日,通鑑書「癸亥,黃法興克合州」,是知「癸卯」爲「癸亥」之譌,今從改。 按上有乙卯,下不當有癸卯。 周遣使來聘與黃法與克合州城同在一
- 九月甲子陽平城降 縣,或前所書者安宜之陽平,後所書者鍾離之陽平乎?東魏楚州治鍾雕城。」 有兩陽平矣。 **狡隋志,江都郡安宜縣,梁置陽平郡,又魏志楚州所領有陽平郡,領陽平、濮陽兩** 錢大昕廿二史考異云:「按是年四月已書陽平郡城降,此又云陽平城降,是
- 高唐太守沈善度克馬頭城 錢大町廿二史考異云「沈善度」通鑑作「沈善慶」。
- 二吾 威虜將軍劉桃根克朐山城 「劉桃根」通鑑作「劉桃枝」。 胡三省注云:「此劉桃枝自是陳將,非

本

紀第五

校

記

齊之劉桃枝。」按本書前後皆作「劉桃根」,疑通鑑譌。

- 二合 南豫州之歷陽臨江郡土民 按汲本「土」字下有小注,云一作「士」。 元龜二〇八亦作「士」。
- 陳桃根又表上織成羅又錦被各二百首 「織成羅」下之「又」字北監本、殿本作「文」、「錦被」下有

通鑑作「文」。按張元濟校勘記云:「此文不誤。 意謂織成羅與錦被兩物各二百端。 端或作品,

「裘」字,無「百首」二字。南監本、汲本有「百首」二字,餘同北監本。南史陳宣帝紀「又」作「紋」。

『首』爲『耑』字之誤。」

改作雲龍神獸門 「神獸門」即「神虎門」,避唐諱改。

信威將軍江州刺史長沙王叔堅爲雲麾將軍中領軍 按太建四年,以東中郎將、吳郡太守、長沙

年十二月丙辰,以新除雲麾將軍、郢州刺史長沙王叔堅爲平越中郎將、廣州刺史,本傳亦云於 王叔堅爲宣毅將軍、江州刺史,本傳同,其後不載進改軍號事,此作「信威將軍」,疑有誤。又本

太建七年進號雲塵將軍、郢州刺史。此「中領軍」疑有譌。

- (五月)庚寅 據南史陳宣帝紀補。按是年四月己酉朔,無庚寅;五月戊寅朔,十三日爲庚寅。
- 以平南將軍湘州刺史長沙王叔堅爲平西將軍郢州刺史 平北將軍。 本傳亦言其爲平西將軍、郢州刺史前曾爲平北將軍、合州刺史。此「平南將軍」、「湘 按叔堅於是年六月爲合州刺史, 進號

州刺史」當爲「平北將軍」、「合州刺史」之誤。其時爲湘州刺史者,始興王叔陵也。

- 二月壬(午)[子] 據南史陳宣帝紀改。 按是年二月甲辰朔,無壬午。
- 六年七年逋租田米粟夏調 綿絹絲布麥等 「麥」元龜四八九作「帛」。 按作「帛」是。
- 翊 左 將 軍 按本傳、陵於太建八年加翊右將軍,其後無改、與此 異
- 二世 (夏)五月乙巳 按上書「三月丁未」,依例此 應書「夏五月」,明脫一「夏」字,各本並脫,今補。
- CIKT 放勛咨爾稷契朱武 「朱武」即「朱虎」、避唐諱改。
- 及盱眙 山陽陽平馬頭秦歷陽沛北譙南梁等九(州)〔郡〕 錢大昕廿二史考異云「州」當作「郡」。

按上所舉皆郡名,今據改。

- 云 (假)(澴) 據通鑑胡注及錢大町廿二史考異改。 按錢大昕云「儇」當作「澴」、澴州卽隋吉陽 郡。
- 魯山飢 山沌陽應城平靖武陽上明涓水等八鎭內附 「損水」原譌「涓水」,各本並譌。按魯山 等八

随縣

二式

四 鎭 並在 北。 損水鎭 今湖北省境。 當 卽 其 隋書地理志:「安貴、西魏置損 地。「涓水」元龜二一五正作「涓水」,今改正。 水郡 ,開皇初郡廢。」安貴故治在今湖北

- 周廣陵 一義主曹藥率 衆 入附 殿本考證云南史「主」上有「軍」字。
- [三] 民(天)[失]所資 據各本改。
- 其丹陽吳興晉陵建 興義 興 東海信義陳留江 陵等十郡 錢大昕廿二史考異云:「今數之,止九

郡。

本紀第五 校勘記

[IIE] [安]右將軍丹陽尹徐陵爲中書監領太子詹事 按陵本傳,陵於太建十年,重爲領軍將軍,尋遷 [mm] 丼(謝)[諸]署即年田稅祿秩 據元龜四八九改。

安右將軍、丹陽尹。此脫「安」字、今補。

[NE] 呂梁覆(車)(軍) 據各本改。

### 陳書卷六

#### 本紀第六

#### 後主

午,立爲皇太子。 年,授寧遠將軍,置佐史。光大二年,爲太子中庶子,尋遷侍中,餘如故。太建元年正月甲 明年,江陵陷,高宗遷關右,留後主于穰城。天嘉三年,歸京師,立爲安成王世子。 後主諱叔寶,字元秀,小字黃奴,高宗嫡長子也。梁承聖二年十一月戊寅生于江陵。 天康元

若涉巨川,罔知攸濟,方賴羣公,用匡寡薄。 前殿。詔曰:「上天降禍,大行皇帝奄棄萬國,攀號擗踊,無所迨及。 朕以哀榮,嗣膺寶歷, 大赦天下。 十四年正月甲寅,高宗崩。乙卯,始興王叔陵作逆,伏誅。丁巳,太子卽皇帝位于太極 在位文武及孝悌力田爲父後者,並賜爵一級。 思播遺德,覃被億兆,凡厥遐邇,咸與惟新。 孤老鰥寡不能自存者,賜穀人五 可

本

紀

第六

後主

州刺 進號 中權將軍、開府儀同三司鄱陽王伯山進號中權大將軍,軍師將軍、尚書左僕射晉安王伯恭 興王,言奉昭烈王祀。 將軍,平南將軍、豫州刺史任忠進號鎭南將軍,引護軍將軍沈恪爲特進、金紫光祿大夫,平 斛、帛二匹。」 史豫章王叔英進號征南將軍,平南將軍、湘州刺史建安王叔卿進號安南將軍。 岳陽王, 5 皇弟叔達為義陽王,皇弟叔熊爲巴山王, 5 皇弟叔虞爲武昌王。 后,宮日弘範。 西將軍魯廣達進號安西將軍,仁武將軍、豐州刺史章大寶爲中護軍。 書監、安右將軍徐陵爲左光祿大夫,領太子少傅。 甲戌,設無导大會於太極 ·翊前將軍、侍中,翊右將軍、中領軍廬陵王伯仁進號安前將軍,CKJ 鎭南將軍、江州 史,右衞將軍蕭摩訶爲車騎將軍、南徐州刺史,日〕鎭西將軍、荆州刺史樊毅進號征 癸亥,以侍中、翊前將軍、丹陽尹長沙王叔堅爲驃騎將軍、開府儀同三司、揚 景寅,以冠軍將軍晉熙王 己巳,立妃沈氏爲皇后。辛未,立皇弟叔儼爲尋陽王,皇弟叔愼爲 叔文爲宣惠將軍、丹陽尹。 乙丑, 尊皇后爲皇太 丁卯,立弟叔重爲始 前殿 壬申,侍中、 以侍中、中 刺 西

愿, 異,盈縮不同。 於祇應,俗吏因以侮文。 豐儉隆替, 三月辛亥,詔曰:「躬推爲勸,義顯前經,力農見賞,事昭往誥。 靡不由之。 詐僞 日興,簿書歲改。 輟耒成羣,游手爲伍,永言妨蠹,良可太息。今陽和在節,膏澤潤 夫入賦自古,輸藁惟舊,沃饒貴于十金,磽确至於三易, 稻田使者,著自西京,不實峻刑,聞諸東漢。 斯乃國儲是資, 腴堉旣 民命攸 老農懼

僚 亦宜 景 備 求俊义,爰逮側微,用適和羹,是隆大厦,上智中主,咸由此術。 朕以寡薄,嗣膺景祚,雖哀 爲 1 俗之疾苦,辯 名 疚 下 曰:「昔睿后宰民,哲王御寓,雖德 可 一,宜 '各薦 %夜損 周行。 在躬,情慮愲舛,而宗社任 [格班下,稱朕意焉。] 癸亥,詔曰:「夫體國經野,長世字氓,雖因革儻殊,弛張或異,至於旁 昌言,不疲痺足,若逢廷折, 聽輿臺,故能 而 ,非所以 去此 非實。 展春耨,以望秋坻。其有新闢塍吠,進墾蒿萊,廣袤勿得度量,征租悉皆停免。 〉懷。 〔4〕 豈以食玉炊桂,無因自達。 將懷寶迷邦,咸思獨善。 應 一人,以會彙征之旨。且取備 幽谷,翔茲天路,趨銅駞以觀國,望金馬而來庭,便當隨彼方圓,飭之矩矱。」又詔 但空勞宵夢,屢勤史卜,五就莫來,(五)[八]能不至。[4]是用(甲)[申]旦|凝慮,[5] 弘 占作,公田荒縱,亦隨肆勤。 其有負能仗氣,擯壓當時,著寶戲以自憐,草客嘲以慰志,人生一世,逢遇 禁網 理至 政若神明,事無悔吝。 之疎密者,各進忠讜,無所隱諱。 公,緝熙帝載 !重,黎庶務殷,無由自安拱默,敢忘康濟,思所以登顯髦彥,式 者也。 無憚批 稱汪濊,明能普燭,猶復紆己乞言,降情訪道,高 實難,舉長或易,小大之用,明言所施,勿得 股纂承丕緒,思隆大業,常懼 鱗。 內外卿士文武衆司,若有 儻良守教耕,淳民載酒,有茲督課,議以賞擢。 而 口柔之辭,儻聞 朕將虛己聽受,擇善而行,庶深鑒物情, .於在位,腹誹之意,或隱 智周 九重已邃,四 政術, 內外衆官九品已上, 17 練治體,救民 南箕 聰未 咨 北斗, 廣、欲 岳牧, 私業 外 於具 可

新除翊左將軍、永陽王伯智爲尚書僕射,中護軍章大寶爲豐州刺史。 匡我王度。」 己巳,以侍中、尚書左僕射、新除翊前將軍晉安王伯恭爲安南將軍、湘州刺史,

阻遠,便發遣船仗衛送,必令安達。若已預仕宦及別有事義不欲去者,亦隨其意。」 使彼離析。外可即檢任子館及東館並帶保任在外者,並賜衣糧,頒之酒食,遂其鄉路,所之 陷,復成異域,南北阻遠,未得會同,念其分乖,殊有愛戀。夷狄吾民,斯事一也,何獨譏禁, 曰:「中歲克定淮、泗,爰涉凊、徐,彼土酋豪,並輸罄誠款,分遣親戚,以爲質任。 今舊土淪 又僧尼道士,挾邪左道,不依經律,民間淫祀祆書諸珍怪事,詳爲條制,並皆禁絕。」癸卯,詔 應鏤金銀薄及庶物化生土木人綵花之屬,及布帛幅尺短狹輕疎者,並傷財廢業,尤成蠹患。 差。庚子,詔曰:「朕臨御區字,撫育黔黎,方欲康濟澆薄,蠲省繁費,奢僭乖衷,實宜防斷。 夏四月景申,立皇子永康公胤爲皇太子,賜天下爲父後者爵一級,王公已下賚帛各有

六月癸酉朔,以明威將軍、通直散騎常侍孫瑒爲中護軍。

秋七月辛未,大赦天下。是月,江水色赤如血,自京師至于|荆州。

八月癸未夜,天有聲如風水相擊。乙酉夜亦如之。景戌,以使持節、都督緣江諸軍事、

安西將軍魯廣達爲安左將軍。

九月景午,設無导大會於太極殿,捨身及乘輿御服,大赦天下。辛亥夜,天東北有聲如

堅爲司空,征南將軍、江州刺史豫章王叔英卽本號開府儀同三司。 蟲 飛 漸移西北。 乙卯,太白晝見。景寅,以驃騎將軍、開府儀同三司、揚州刺史長沙王叔

陶 序疑舊,緬思前德,永慕昔辰,對軒闥而哽心,顧扆筵而慓氣。思所以仰遵遺構,俯勵薄躬, 下 司、 南將軍、江州刺史、新除開府儀同三司豫章王叔英爲中衞大將軍,驃騎將軍、開 號 軍 鑄 將 靡筭,懼甚踐冰,慄同馭朽。而四氣易流,三光遄至,纓敍列陛,玉帛充庭, 車騎將軍,宣惠將軍、丹陽尹晉熙王叔文爲揚州刺史,鎭南將軍、南豫州刺史任忠爲 揚州 九流、休息百姓、用弘寬簡,取叶陽和。 至德元年春正月壬寅,詔曰:「朕以寡薄,嗣守鴻基,哀惸切慮,疹恙纏織,訓俗少方,臨 軍,安左將軍 刺史長沙王叔堅爲江州刺史,征東將軍、開府儀同三司、東揚州刺史司馬消難 魯廣達爲平南將軍、南豫州刺史,祠部尚書江總爲吏部尚書。 可大赦天下,改太建十五年爲至德元年。」以征 具物匪新,節 府儀 同三 領 進

二月丁丑,以始興王叔重爲揚州刺史。

皇子深爲始安王。

夏 四月戊辰,交州 刺史李幼榮獻馴象。 己丑,以前輕車將軍、揚州刺史晉熙王叔文爲

江州刺史。

秋八月丁卯,以驃騎將軍、開府儀同三司長沙王叔堅爲司空。

九月丁巳,天東南有聲如蟲飛。

戌,侍中、安右將軍、左光祿大夫、太子少傳徐陵卒。 癸丑,立皇弟叔儉爲南安王,叔澄爲南 冬十月丁酉,立皇弟叔平爲湘東王,叔敖爲臨賀王,叔宣爲陽山王,叔穆爲四陽王。戊

南,其內有靑黃色,隆隆若雷聲。 郡王,叔興爲沅陵王,叔韶爲岳山王,叔純爲新興王。 十二月景辰,頭和國遣使獻方物。司空長沙王叔堅有罪免。 戊午夜,天開自西北至東

二年春正月丁卯,分遣大使巡省風俗。 平南將軍、豫州刺史魯廣達進號安南將軍。[10]

癸巳,大赦天下。

軍、南琅邪彭城二郡太守南平王嶷爲揚州刺史,吏部尚書江總爲尚書僕射。 晉熙王叔文爲信威將軍、湘州刺史,仁威將軍、揚州刺史始興王叔重爲江州刺史,信武將 夏五月戊子,以尚書僕射永陽王伯智爲平東將軍、東揚州刺史,輕車將軍、江州刺史

差,孝悌力田爲父後者各賜一級,鰥寡癃老不能自存者人穀五斛。 秋七月戊辰,以長沙王叔堅爲侍中、鎮左將軍。壬午,太子加元服,在位文武賜帛各有

九月癸未,太白晝見。

罪己,愧三千之未措。 意歟。是乃下吏箕斂之苛也。 入者,並悉原除。 而 !行焉。但法令滋章,姦盜多有,俗尙澆詐,政鮮惟良。朕日旰夜分,矜一物之失所, 十一月景寅,大赦天下。壬申,盤盤國遣使獻方物。戊寅,百濟國遣使獻方物。 多十月己酉,韶曰:「耕鑿自足,乃曰淳風,貢賦之興,其來尙矣。 在事百僚,辯斷庶務,必去取平允,無得便公害民,爲己聲績,妨紊政道。」 望訂初下,使彊蔭兼出,如聞貧富均起,單弱重弊,斯豈振窮扇暍之 故云『百姓不足,君孰與足』。 自太建十四年望訂租調逋未 蓋由庚極務,不獲已 泣辜

大夫袁敬加特進。 司,征西將軍、荆州刺史樊毅爲護軍將軍,守吏部尚書、領著作陸瓊爲吏部尚書,金紫光祿 三年春正月戊午朔,日有蝕之。 庚午,以鎭左將軍長沙王叔堅即本號開府儀同三

三月辛酉,前豐州刺史章大寶舉兵反。

夏四月庚戌,豐州義軍主陳景詳斬大寶,傳首京師。

秋八月戊子夜,老人星見。 己酉,以左民尚書謝 (伸) [他]為吏部尚書。[11]

九月甲戌,特進、金紫光祿大夫袁敬卒。

本紀第六 後主

冬十月己丑,丹丹國遣使獻方物。

一個之奧,與日月而偕明,垂後昆之訓範,開生民之耳目。梁季湮微,靈寢忘處,鞠爲茂草,三 因循復。外可詳之禮典,改築舊廟,蕙房桂棟,咸使惟新,芳蘩潔潦,以時饗奠。」辛巳,輿駕 幸長干寺,大赦天下。 十餘年,敬仰如在,永惟愾息。 十一月己未,詔曰:「宣尼誕膺上哲,體資至聖,祖述憲章之典,並天地而合德,樂正雅 今雅道雍熙, 曲胰得所, 斷琴故履, 零落不追, 閱笥開書, 無

師、禮畢、設金石之樂、會宴王公卿士。癸卯、高麗國遣使獻方物。 十二月丙戌,太白晝見。辛卯,皇太子出太學,講奏經,戊戌,講畢。 辛丑,釋奠于先

是歲,蕭巋死,子琮代立。

紊,四聰弗(遠)〔達〕,口思問蹇諤,採其謀計。王公已下,各薦所知,旁詢管庫,爰及與阜, 聞昔典,斯乃治道之深規,帝王之切務。朕以寡昧,丕承鴻緒,未明虚己,日旰興懷,萬機多 鎭衞將軍,中衞大將軍、開府儀同三司豫章王叔英進號驃騎大將軍,曰劉鎭左將軍、開府儀 一介有能,片言可用,股親加聽覽,佇於啓沃。」中權大將軍、開府儀同三司鄱陽王伯山進號 四年春正月甲寅,詔曰:「堯施諫鼓,禹拜昌言,求之異等,久著前無,曰三舉以淹滯,復

同三司長沙王叔堅進號中軍大將軍,安南將軍晉安王伯恭進號鎭右將軍,翊右將軍宜都王

叔明進號安右將軍。

王,叔坦爲新會王,叔隆爲新寧王。 月景戌,以鎭右將軍晉安王伯恭爲特進。 景申,立皇弟叔謨爲巴東王,叔顯爲臨江

夏五月丁巳,立皇子莊爲會稽王。

同三司鄱陽王伯山爲東揚州刺史,智武將軍岳陽王叔愼 秋九月甲午,與駕幸玄武湖,肆艫艦閱武,口五宴羣臣賦詩。 爲丹陽尹。 戊戌,以鎭衞將軍、開府儀 T 未, 百濟國遣使獻

冬十月癸亥,尚書僕射江總爲尚書令,吏部尚書謝伷爲尚書僕射。

弘,政乏良哉,明慙則哲,求諸刑措,安可得乎? 大赦天下。」 鱗,渭橋驚馬,弗聞廷爭,桃林逸牛,未見其旨。 合壁輪 十一月己卯,韶曰:「惟刑止暴,惟德成物,三才是資,百王不改。 ·缺,連珠緯舛,黃鍾獻呂,和氣始萌,玄英告中,履長在御,因時宥過,抑乃斯得。 雖剽悍輕侮,理從鉗針,惷愚杜默, 是用屬寤寐以軫懷,負黼扆而 而世無抵角, 於邑。 時鮮犯 宜 蕼 復茲 矜 可

減明元年春正月景子,以安前將軍衡陽王伯信進號鎮前將軍,安東將軍、吳興太守<u>廬</u>

軍衡陽王伯信爲鎭南將軍、西衡州刺史。 思與九有,惟新七政。可大赦天下,改至德五年爲顧明元年。」乙未,地震。癸卯,以鎮前將 此向隅之意。今三元具序,萬國朝辰,靈芝獻於始陽,膏露凝於聿歲,從春施令,仰乾布德, 丹陽尹。戊寅,韶曰:「柏皇、大庭,鼓淳和於曩日,姬王、嬴后,被澆風於末載,刑書已鑄,善 天網,屢絕三邊,元元黔庶,終罹五辟。蓋乃康哉寡薄,抑焉法令滋章。是用當宁弗怡,矜 陵王伯仁爲特進,C1KJ 智武將軍、丹陽尹岳陽王|叔愼爲湘州刺史,仁武將軍義陽王叔達 化匪融,禮義旣乖,姦宄斯作。何其淳朴不反,浮華競扇者歟。 股居中御物,納隍在睠,頻恢 爲

二月丁未,以特進、鎭右將軍晉安王伯恭進號中衞將軍,中書令建安王叔卿爲中書監。

丁卯,韶至德元年望訂租調逋未入者,並原之。

秋八月癸卯,老人星見。丁未,以車騎將軍蕭摩訶爲驃騎將軍。[12]

書令、太傅安平王蕭嚴,CICI 中軍將軍、荆州刺史義興王蕭瓛,CICI 遣其都官尚書沈君公,詣 |荆州刺史||陳紀請降。[10]辛卯,||嚴等率文武男女十萬餘口濟江。 甲午,大赦天下。 九月乙亥,以驃騎將軍、開府儀同三司豫章王叔英爲驃騎大將軍。 庚寅,蕭琮所署尚

冬十一月乙亥,割揚州吳郡置吳州,割錢塘縣爲郡,屬焉。 景子,以蕭巖爲平東將軍、

開府儀同三司、 東揚州刺史, 蕭瓛爲安東將軍、吳州刺史。丁亥,以驃騎大將軍、開府儀同

三司豫章王叔英兼司徒。

府儀同 十二月景辰,以前鎭衞將軍、開府儀同三司、東揚州刺史鄱陽王伯山爲鎭衞大將軍、開 三司,二 前中衞將軍晉安王伯恭爲中衞將軍、右光祿大夫。

年春正月辛巳,立皇子怪爲東陽王,恬爲錢塘王。 是月,遣散騎常侍周羅睺帥兵屯

峽口。

夏四月戊申,有羣鼠無數,自〔蔡〕洲岸入石頭渡淮,〔三〕至于青塘兩岸,數日死,隨流出

江。 戊午,以左民尚書蔡徵爲吏部尚書。 五月壬午,以安前將軍廬陵王伯仁爲特進。 是月,郢州南浦水黑如墨。 甲午,東冶鑄鐵,有物赤色如數斗,「三」自

天墜鎔所,有聲隆隆 如 雷,鐵飛出牆外燒民家

號 刺 安王深爲皇太子。 史永 中權 六月戊戌,扶南國遣使獻方物。 將 嘉 軍 王彥進號安北將軍 ; 雲 座 辛丑,平南將軍、 、將軍、太子詹事袁憲爲尚書僕射; ; 會稽王莊爲翊 江州刺史 南平王 庚子,廢皇太子胤爲吳興王,立軍師將軍、揚州 前將軍、揚州刺 嶷進號鎮南 尚書僕射謝他爲 史; 將軍; 宣惠 特進; 將軍、尚書令江總進 忠武將軍 寧遠將軍 南 刺 徐 、新 州

本

紀

第

六

後

主

除 读部尚書蔡徵進號安右將軍。甲辰,以安右將軍魯廣達爲中領軍。〔三〕丁巳,大風至自西

北激濤水入石頭城,淮渚暴溢,漂沒舟乘。

冬十月己亥,立皇子蕃爲吳郡王。辛丑,以度支尚書、領大著作姚察爲吏部尚書。

酉,輿駕幸莫府山,大校獵。

王。是月,隋遣晉王廣衆軍來伐,自巴、蜀、沔、漢下流至廣陵,數十道俱入,緣江鎭戍,相繼 情,與言多愧。眷茲狴犴,有軫哀矜,可克日於大政殿訊獄。」壬申,以鎭南將軍、江州刺史 奏聞。時新除湘州刺史施文慶、中書舍人沈客卿掌機密用事,並抑而不言,故無備禦。 軍師將軍南海王虔爲安北將軍、南徐州刺史。〔三〕景子,立皇弟叔榮爲新昌王,叔匡爲太原 南平王嶷爲征西將軍、郢州刺史,安北將軍、南徐州刺史永嘉王彥爲安南將軍、江州刺史, 息,刻更斯起,法令滋章,手足無措。朕君臨區宇,屬當澆末,輕重之典,在政未康,小大之 十一月丁卯,詔曰:「夫議獄緩刑,皇王之所垂範,勝殘去殺,仁人之所用心。自畫冠旣

議軍旅。戊辰,內外戒嚴,以驃騎將軍肅摩訶、〔三〕護軍將軍樊毅、中領軍魯廣達並爲都督, 三年春正月乙丑朔,霧氣四塞。是日,隋總管賀若酮自北道廣陵濟京口,總管韓擒虎

州 閣舍人夏侯公韻又以身蔽井,後主與爭久之,方得入焉。及夜,爲隋軍所執。景戌,晉王廣 寬居省中。 書僕射袁憲在殿內。尚書令江總、吏部尚書姚察、度支尚書袁權、前度支尚書王瑗、侍中王 出降於擒虎,仍引擒虎經朱雀航趣宮城,自南掖門而入。於是城內文武百司皆遁出,唯尚 督散兵力戰,不能拒。 山,頓白土岡之東南。甲申,後主遣衆軍與配合戰,衆軍敗績。 軍孔範屯寶田寺。己卯,鎭東大將軍任忠自吳興入赴,仍屯朱雀門。 徒豫章王叔英屯朝(室)[堂]、[云]蕭摩訶屯樂遊苑,樊毅屯耆闍寺,魯廣達屯白土岡,忠武將 遣南豫州刺史樊猛帥舟師出白下,散騎常侍皐文奏將兵鎭南豫州。 入據京城。 辛未、韓擒虎又陷南豫州、文奏敗還。至是隋軍南北道並進。 後主聞兵至,從宮人十餘出後堂景陽殿,將自投于井,袁憲侍側,苦諫不從,後 丽進攻宮城, 燒北掖門。 是時韓擒虎率衆自新林至于石子岡, 任忠 丽乘勝至樂遊苑, 魯廣達猶 庚午,賀若弼攻陷南徐 後主遣驃騎大將軍、司 辛巳,賀若酮進據鍾

時年五十二。追贈大將軍,封長城縣公,諡曰煬,葬河南洛陽之芒山。 三月己巳,後主與王公百司發自建鄴,入于長安。隋仁壽四年十一月壬子,薨於洛陽,

史臣侍中鄭國公魏徵曰:

本紀第六 後主

成此三分,方諸鼎峙之雄,足以無慙權、備矣。 於亡命,掩其受金之過,宥其吠一之罪,委以心腹爪牙,咸能得其死力,故乃決機百勝, 圖,遂移天歷,雖皇靈有睠,何其速也?然志度弘遠,懷抱豁如,或取士於仇讎,或擢才 未頭,外隣勍敵,王琳作梗於上流,周、齊搖蕩於江、漢,畏首畏尾,若存若亡,此之不 有主,不失舊物。魏王之延漢鼎祚,宋武之反晉乘輿,懋績鴻勳,無以尚也。于時內難 北邁,義在勤王,掃侯景於旣成,拯梁室於已墜。天網絕而復續,國步屯而更康,百神 高祖拔起曬畝,有雄桀之姿。始佐下藩,奮英奇之略,弭節南海,職思靜亂。

戡濟艱虞, 羣兇授首, 彊隣震懾。雖忠厚之化未能及遠, 恭儉之風足以垂訓, 若不尙明 世祖天姿敬哲,清明在躬,早預經綸,知民疾苦,思擇令典,庶幾至治。德刑並用,

往,欲加之罪,其無辭乎! 臨川年長於成王,過微於太甲。宣帝有周公之親,無伊尹之志,明辟不復,桐宮遂

察,則守文之良主也。

有也。Cloos既而君侈民勞,將驕卒墮,帑藏空竭,折衂師徒,於是寮人方彊,遂窺兵於江 爭奮,師出有名,揚旆分麾,風行電掃,闢土千里,奄有淮、泗,戰勝攻取之勢,近古未之 高宗爰自在田,雅量宏廓,登庸御極,民歸其厚。惠以使下,曰司寬以容衆。智勇

疲民,未有不亡者也。信哉言乎! 高宗始以寬大得人,終以驕侈致敗,文、武之業,至三 上矣。李克以爲吳之先亡,由乎數戰〔數勝〕,〔言〕數戰則民疲,數勝則主驕,以驕主御

墜于茲矣。

冀以苟生,視其以此求全,抑亦民斯下矣。 軸。謀謨所及,遂無骨鯁之臣,權要所在,莫匪侵漁之吏。政刑日紊,尸素盈朝,躭荒 矜之詔,後稍安集,復扇淫侈之風。<br />
賓禮諸公,唯寄情於文酒,<br />
昵近羣小,皆委之以衡 爲長夜之飲,嬖寵同豔妻之孽,危亡弗恤,上下相蒙,衆叛親離,臨機不寤,自投於井, 後主生深宮之中,長婦人之手,旣屬邦國殄瘁,不知稼穡艱難。 初懼阽危,屢有哀

蓺,考之梁、陳及隋,信非虛論。然則不崇敎義之本,偏尙淫麗之文,徒長澆僞之風,無 德,孰能遺其所樂,而以百姓爲心哉。 此所以成、康、文、景千載而罕遇,癸、辛、幽、厲 慾。仁義利物而道遠,嗜欲遂性而便身。便身不可久違,道遠難以固志。 佞諂之倫, 靡代而不有,毒被宗社,身嬰戮辱,爲天下笑,可不痛乎!古人有言,亡國之主,多有才 承顏候色,因其所好,以悅導之,若下坂以走丸,譬順流而決壅。非夫感靈辰象,降生明 靡不有初,克終蓋寡,其故何哉?並以中庸之才,懷可移之性,口存於仁義,心怵於嗜 遐觀列辟,纂武嗣興,其始也皆欲齊明日月,合德天地,高視五帝,俯協三三十,然而

紀第六

後主

救亂亡之禍矣。

航海 革,故施文慶、沈客卿之徒,專掌軍國要務,姦黠左道,以裒刻爲功,自取身榮,不存國計,是 **遵故典,加以深弘六藝,廣闢四門,是以待詔之徒,爭趨金馬,稽古之秀,雲集石渠。** 以朝經墮廢,禍生隣國。 庶務,朝章大典,方參議焉,文案簿領,咸委小吏,浸以成俗,迄至于陳。 ,朝貢者往往歲至矣。 史臣曰:後主昔在儲宮,早標令德,及南面繼業,寔允天人之望矣。 至於禮樂刑政,咸 斯亦運鍾百六,鼎玉遷變,非唯人事不昌,蓋天意然也。 自魏正始、晉中朝以來,貴臣雖有識治者,皆以文學相處, 後主因循,未遑改 且梯山 罕關

#### 校勘記

- 右衞將軍蕭摩訶爲車騎將軍南徐州刺史 大將軍,此無「大」字。 又授南徐州刺史在爲車騎大將軍之後,亦非同時也。 按蕭摩訶傳,後主嗣位,摩訶以功授散騎常侍、車騎
- 平南將軍豫州刺史任忠進號鎭南將軍 南將軍、南豫州刺史,本傳同。 後主嗣位,即以此進號鎭南將軍。 按宣帝紀,太建十二年以散騎常侍、左衞將軍任忠爲平 此「豫州」上脫一「南」字。
- 立弟叔重爲始興王 「叔重」南史陳後主紀作「叔敦」,然宣帝諸子傳又作「叔重」。

- [ B] 皇弟叔愼爲岳陽王 「王」字原墨丁,據各本補。
- Ŧ. 皇弟叔熊爲巴山王 「叔熊」南史陳後主紀同,宣帝諸子傳作「叔雄」。
- 翊右將軍中領軍廬陵王伯仁進號安前將軍 按「翊右將軍」當依宣帝紀太建十二年及世祖九王

傳作「翊左將軍」。

- [七](五)[八]能不至 後漢書禮儀志。 據錢大昕說改。 按漢制,皇帝常於日冬夏至御前殿,合八能之士,陳八音。見
- 是用(甲)[申]旦|凝慮 各本並譌,據殿本秀證改。按「獨申旦而不寐兮」,見楚辭。
- 景夜損懷 改也 「景」北監本、殿本作「丙」。按思廉避唐諱,「丙」字皆改爲「景」,作「丙」者乃後人回
- 平南將軍豫州刺史魯廣達進號安南將軍 按魯廣達於上年爲南豫州刺史,此「豫州」上脫
- 〔11〕以左民尚書謝(伸)[伷]爲吏部尚書 據南監本改。
- 久著前無 「無」各本並作「徽」。張元濟校勘記云「無」卽古「橅」字。
- [三] 四聰弗(遠)[達] 據各本改。

本

紀第六

校勘

記

中衞大將軍開府儀同三司豫章王叔英進號驃騎大將軍 按豫章王叔英於顧明元年始以驃騎將

六

軍 進爲 驃騎大將軍,似此衍「大」字。 然本傳亦云至德四年進號驃騎大將軍,疑莫能 崩 也。

- 至 肆艫艦 訛 肆」,今從南史。 関武 肆」南監本作「肄」。汲本作「肆」,傍注作「肄」。 按張元濟校勘記云,肆,陳也,不誤。 殿本亦作「肄」,考證云「肄」各本
- 安東將軍吳興太守廬陵王伯仁爲特進 云禛明元年加侍中,不言特進。 疑此有 誤。 按紀、傳皆不言伯仁曾爲安東將軍、吳興太守。 又本傳
- 以車騎將軍蕭摩訶爲驃騎將軍 傳作「驃騎大將軍」,此亦無「大」字。 按「車 騎將軍」當作「車騎大將軍」,見校記一。 「驃騎將軍」本
- 蕭琮所署尚書令太傅安平王蕭巖 按陳慧紀傳「尚書令」作「尚書左僕射」。
- 二台 中軍將軍 荆州 刺史義興王蕭瓛 按陳慧紀傳「義興王」作「晉熙王」,南史陳慧紀傳同
- 詣荆州 十二月景辰至鄱陽王伯山 刺史陳紀請降 按「陳紀」即「陳慧紀」,本書陳慧紀、陳紀錯出,不具校。 爲鎭衞大將軍開府儀同三司 按本傳云伯仁於顧明元年,丁所生母
- 自(蔡)洲岸入石頭渡淮 據北監本、汲本、殿本及南史陳後主紀補

憂去職,明年,始起

足爲鎭衞

大將軍開府儀同

三司。

有物赤色如數斗 調斗爲升者,有調升爲斗者。 南史陳後主紀作「有物赤色大如數升」。 疑此脫「大」字,斗與升則未知孰是。 按斗升二 字隸書形近,書傳多譌,有

左將軍,其後爲中領軍。 此「安右將軍」當依本傳作「安左將軍」。

呈 軍師將軍南海王虔爲安北將軍南徐州刺史 按「安北將軍」本傳作「平北將軍」。

三 總管韓擒虎趨橫江 按思廉避唐諱,「虎」字皆改爲「武」。此作「虎」,乃後人回改也。

至当 以驃騎將軍蕭摩訶 按本傳亦作「驃騎大將軍」,此脫「大」字,參校記一七。

後主遣驃騎大將軍司徒豫章王叔英屯朝(室)(堂) 「室」當作「堂」,各本並譌,今依豫章王叔英

傳及通鑑改。

三亞 惠以使下 「下」字原墨丁,據各本補。

C=00 近古未之有也 「近古」二字原墨丁,據各本補。

〔三〕由乎數戰〔數勝〕 據南監本、汲本、殿本補。

文武之業 按張森楷校勘記云:「應作『武文』,武指高祖武皇帝,文指世祖文皇帝,武在先,文在

後也。」

### 陳書卷七

#### 列傳第一

## 高祖章皇后 世祖沈皇后 廢帝王皇后 高宗柳皇后

## 後主沈皇后 張貴妃

矣。 受命繼體之主,非獨外相佐也,蓋亦有內德助焉。漢隗已來,六宮之職,因襲增置,代不同 儀、[1] 脩華、脩儀、脩容九人,以擬古之九嬪。 又置婕妤、容華、充華、承徽、烈榮五人,謂之 數,始置貴妃、貴嬪、貴姬三人,以擬古之三夫人。又置淑媛、淑儀、淑容、昭華、昭容、昭數,始置貴妃、貴嬪、貴姬三人,以擬古之三夫人。又置淑媛、淑儀、淑容、昭華、昭容、昭 五職,亞於九嬪。又置美人、才人、良人三職,其職無員數,號爲散位。 高祖承微接亂,光膺天歷,以朴素自處,故後宮員位多闕。 世祖天嘉初,詔立後宮員 周禮,王者立后,六宮,三夫人,九嬪,二十七世婦,八十一御妻,以聽天下之內治。 世祖性恭儉,而嬪嫱 然

列

傳第

高祖

章皇后

明,梁代官至散騎侍郎。后母<u>蘇</u>,嘗遇道士以小龜遺己,光采五色,曰:「三年有徵。」及期, 后生而紫光照室,因失龜所在。少聰慧,美容儀,手爪長五寸,色並紅白,每有春功之服,則 高祖宣皇后章氏,諱要兒,吳興鳥程人也。本姓鈕,父景明爲章氏所養,因改焉。景

位。太建元年,尊后爲皇太后。二年三月景申,崩于紫極殿,時年六十五。遺令喪事所須, 后,宮日慈訓。廢帝即位,尊后爲太皇太后。光大二年,后下令黜廢帝爲臨海王,命高宗嗣 舍人蔡景歷定計,秘不發喪,召世祖入纂,事在蔡景歷及侯安都傳。世祖卽位,尊后爲皇太 卒,與后父合葬吳興。明年,追封后父爲廣德縣侯,邑五百戶,諡曰溫。高祖崩,后與中書 豫章,后爲景所囚。景平,而高祖爲長城縣公,后拜夫人。及高祖踐祚,永定元年立爲皇 並從儉約,諸有饋奠,不得用牲牢。其年四月,羣臣上謚曰宣太后,祔葬萬安陵。 一爪先折。高祖先娶同郡錢仲方女,早卒,後乃聘后。后善書計,能誦詩及楚辭。 追贈后父景明特進、金紫光祿大夫,加金章紫綬,拜后母蘇安吉縣君。二年,安吉君 高祖自廣州南征交阯,命后與衡陽王昌隨世祖由海道歸于長城。侯景之亂,高祖下至

綬,封建(成)[城]縣侯,[三邑五百戶,謚曰恭,追贈后母高綏安縣君,謚曰定。 后爲皇太后,宮曰安德。 祖踐祚,永定元年,后爲臨川王妃。 大同中歸于世祖 世祖沈皇后諱妙容,吳興武康人也。父法深,梁安前中錄事參軍。 高祖之討侯景,世祖時在吳興,景遣使收世祖及后。 世祖即位、爲皇后。 追贈后父法深光祿大夫,加金章紫 景平,乃獲免。 后年十餘歲,以梁 廢帝即位,尊 高

畫,以 爲,非朕意也。」喜出以報高宗,高宗因囚師知,自入見后及帝,極陳師知之短,仍自草敕請 於人,譬如曹爽,願作富家翁不可得也。」高宗乃稱疾,召師知留之與語,使毛喜先入言之於 后。后曰:「今怕宗年幼,政事並委二郎,此非我意。」喜又言於廢帝,帝曰:「此自師知等所 高宗爲揚州刺史,與左右三百人入居尙書省。師知見高宗權重,陰忌之,乃矯勑謂高宗曰: 「今四方無事,王可還康府,經理州務。」高宗將出,而諮議「毛喜止之曰:「今若出外,便受制 時高宗與僕射到仲舉、舍人劉師知等並受遺輔政,師知與仲舉恆居禁中參決衆事,而 師知付廷尉治罪。 其夜,於獄中賜死。 自是政無大小,盡歸高宗。 后憂悶計無所出,

列傳第

誅。 乃密路宦者蔣裕,令誘建安人張安國,使據郡反,冀因此以圖高宗。 時后左右近侍頗知其事,后恐連逮黨與,並殺之。高宗卽位,以后爲文皇后。 安國事覺,並爲高宗所 陳亡入

隋,大業初,自長安歸于江南,頃之,卒。

騎常侍、持節、會稽等九郡諸軍事、明威將軍、會稽太守,入爲侍中、左衞將軍、衞尉卿。 興太守,秩中二千石。 大中,爲尚書右僕射,尋遷左僕射。 子觀嗣,頗有學識,官至御史中丞。 后兄欽,隨世祖征伐,以功至貞威將軍、安州刺史。 太建元年卒,時年六十七,贈侍中、特進、翊左將軍,諡曰成。 欽素無技能,奉己而已。 世祖卽位,襲爵建城侯,加通直 高宗卽位, 出爲雲塵將軍 義

散

光

廢帝王皇后,金紫光祿大夫固之女也。 天嘉元年,爲皇太子妃,廢帝卽位,立爲皇后。

廢帝爲臨海王,后爲臨海王妃。 至德中薨。

后 生臨海嗣王至澤。 至澤以光大元年爲皇太子。 太建元年,襲封臨海嗣王。 尋爲宜

惠將軍,置佐史。陳亡入長安。

惲, 年,后生後主於江陵。明年,江陵陷,高宗遷于關右,后與後主俱留穰城。天嘉二年,與後 江陵依梁元帝,元帝以長城公主之故,待遇甚厚。及高宗赴江陵,元帝以后配焉。承聖二 尉,大寶中,爲鄱陽太守,卒官。后時年九歲,幹理家事,有若成人。侯景之亂,后與弟盼往 有重名於梁代,官至祕書監,贈侍中、中護軍。 高宗柳皇后諱敬言,河東解人也。 曾祖世隆,齊侍中、司空、尚書令、貞陽忠武公。 父偃,尚梁武帝女長城公主,拜駙馬都 祖

主還朝,后爲安成王妃。高宗卽位,立爲皇后。

誅叔陵、供大行喪事、邊境防守及百司衆務,雖假以後主之命,實皆決之於后。 乃歸政焉。陳亡入長安,大業十一年薨於東都,回年八十三,葬洛陽之邙山。 崩,始興王叔陵爲亂,後主賴后與樂安君吳氏救而獲免,事在叔陵傳。後主卽位,尊后爲皇 **貴妃,甚有寵,后傾心下之。每尙方供奉之物,其上者皆推於貴妃,而己御其次焉。** 太后,宮日弘範。當是之時,新失淮南之地,隋師臨江,又國遭大喪,後主病瘡不能聽政,其 后美姿容,身長七尺二寸,手垂過膝。初,高宗居鄉里,先娶吳興錢氏女,及卽位,拜爲 後主瘡愈, 高宗

后性謙謹,未嘗以宗族爲請,雖衣食亦無所分遺。

弟盼, 太建中尚世祖女富陽公主,拜駙馬都尉。 後主即位,以帝舅加散騎常侍。 盼性

列傳

第

廢

帝王

皇后

高宗柳

皇后

書 卷

愚戆,使酒,常因醉乘馬入殿門,爲有司所劾,坐免官,卒於家。 贈侍中、中護軍

常侍、衞尉卿。 唯|莊爲近,兼素有名望,猶是深被恩遇。[吾] 尋遷度支尙書。 后從祖弟莊,淸警有鑒識,太建末,爲太子洗馬, 顧明元年,轉右衞將軍, 兼中書舍人,領羅州大中正。 掌東宮管記。 陳亡入隋,爲岐州司馬。 後主即位,稍遷至散騎 自盼卒後, 太后宗 屬

焉。 時后尚 太建三年納爲皇太子妃。云後主即位,立爲皇后。 後主沈皇后諱婺華,儀同三司望蔡貞憲侯君理女也。 幼, 而毀瘠過甚。及服畢,每至歲時朔望,恆獨 坐涕泣,哀動左右, 母即高祖女會稽穆公主。 內外咸敬異 主早

未嘗 駕。 事 居憂,處於別殿,哀毀逾禮。 o 及煬帝爲宇文化及所害,后自廣陵過江還鄉里,不知所終 陳亡,與後主俱入長安。 有所忌怨。 后性端靜,寡嗜慾,聰敏彊記,涉獵經史,工書翰。 而居處儉約,衣服無錦繡之飾,左右近侍纔百許 後主遇后旣薄,而張貴妃寵傾後宮,後宮之政並歸之, 及後主薨,后自爲哀辭,文甚酸切。 初,後主在東宮,而后父君理卒,后 人,唯尋閱圖 隋煬帝每所巡幸,恆令從 一史、誦 后澹然 佛 經 爲

后無子,養孫姬子胤爲己子。后宗族多有顯官,事在君理傳。

太子詹事。君公博學有才辯,善談論,後主深器之。陳亡,隋文帝以其叛己,命斬于建康。 后叔君公,自梁元帝敗後,常在江陵。 i順明中,與蕭瓛、蕭巖率衆叛隋歸朝, 後主擢爲

膀於靑溪中橋。 妃,內外宗族,多被引用。及隋軍陷臺城,妃與後主俱入于井,隋軍出之,晉王廣命斬貴妃, 中,聚諸妖巫使之鼓舞,因參訪外事,人閒有一言一事,妃必先知之,以白後主,由是益重 等咸德之,競言貴妃之善,由是愛傾後宮。又好厭魅之術,假鬼道以惑後主,置淫祀於宮 即位,拜爲貴妃。性聰惠,甚被寵遇。後主每引貴妃與賓客遊宴,貴妃薦諸宮女預焉,後宮 時襲貴嬪爲良娣,貴妃年十歲,爲之給使,後主見而說焉,因得幸,遂有娠,生太子深。 後主張貴妃名麗華,兵家女也。家貧,父兄以織席爲事。 後主爲太子,以選入宮。 後主

後主沈皇后素無寵,不得侍疾,別居求賢殿。至德二年,乃於光照殿前起臨春、結綺、望仙 于承香閣下,時諸姬並不得進,唯張貴妃侍焉。而柳太后猶居柏梁殿,卽皇后之正殿也。 史臣侍中鄭國公魏徵考覽記書,參詳故老,云後主初即位,以始興王叔陵之亂,被傷臥

空。 譖之,所言無不聽。 於是張、孔之勢,薰灼四方,大臣執政,亦從風而靡。 嬪之容色也。 者,貴妃 靚粧,臨于軒檻,宮中遙望,飄若神仙。 之,[<]分部迭進,持以相樂。 新詩,互相贈答,採其尤豔麗者以爲曲詞,被以新聲,選宮女有容色者以千百數,令習 美人、張、薛二淑媛、袁昭儀、何婕妤、江脩容等七人,並有寵,遞代以遊其上。 主自居臨春閣,張貴妃居結綺閣,鄭、孔二貴嬪居望仙閣,並複道交相往來。 金玉 理者,但 學者袁大捨等爲女學士。 暫至,香聞數里,朝日初照,光暎後庭。 口 · 啓奏, 並因宦者蔡脫兒、李善度進請, [2]後主置張貴妃於膝上共決之。 特聰惠,有神采,進止閑暇,容色端麗。 ,間以珠翠,外施珠簾,內有寶牀、寶帳,其服玩之屬,瑰奇珍麗,近古所未有。 。[t] 閣高數丈,並數十間,其窗牖、壁帶、懸楣、欄檻之類,並以沈檀香木爲之,又飾以 、並爲 求 京哀於 條疏,無所遺脫。 其略曰:「璧月夜夜滿,瓊樹朝朝新。」而張貴妃髮長七尺,鬒黑如漆,其光可 貴妃,貴妃則令李、蔡先啓其事,而後從容爲言之。 後主每引賓客對貴妃等遊宴,則使諸貴人及女學士與狎客共賦 其曲有玉樹後庭花、臨春樂等,大指所歸,皆美張貴妃、孔貴 由是益加寵異,冠絕後庭。 其下積石爲山,引水爲池,植以奇樹,雜以花藥。 才辯彊記,善候人主顏色。 每瞻視盼睞,光采溢目,照暎左右。 而後宮之家,不遵法度, 大臣有不從者, 是時,後主怠於政事 閹宦便佞之徒,內 李、蔡所不能記 又有王、李二 以宮人有文 常於閣上 亦因 每微風 有挂 而 哥 於 後 而

史臣曰:詩表關雖之德,易箸乾坤之基,然夫婦之際,人道之大倫也。 若夫作儷天則,

**燮贊王化,則宣太后有其懿焉。** 

### 校勘記

〔1〕昭容昭儀 北監本、汲本、殿本「昭儀」在「昭容」上。 按南史后妃傳序,梁武帝所制九嬪之序,

「昭儀」在「昭容」上,陳制多襲梁,當以作「昭儀、昭容」爲是。

[三](令)[今]之所綴 據各本改。

[『] 封建(成)[城]縣侯 據南史改。 按建城縣,漢侯邑。 太平寰宇記引雷次宗豫章記云:「漢高帝

置。以其創建城邑,故曰建城。」今漢志、表作「建成」,後漢志以下皆作「建城」。後文后兄欽襲

爵建城侯,亦作「建城」。

[ 2] 大業十一年薨於東都 按「十一年」強喪作「十二年」。

[五]獨是深被恩遇「獨」各本作「由」。按由猶通。

列傳第一 校勘記

[ 7] 太建三年納爲皇太子妃 按「太建三年」當依宣帝紀作「太建元年」。沈君理傳云太建二年高宗

以君理女爲皇太子妃,亦譌。

[4] 乃於光照殿前起臨春結綺望仙三閣 「光照殿」南史張貴妃傳作「光昭殿」,通鑑同。

[<] 令習而哥之 「哥」殿本作「謌」。按哥古歌字。

(た) 並因宦者蔡脫兒李善度進請 「蔡脫兒」頭史作「蔡臨兒」。

三四

## 陳書卷八

## 列傳第二

# 杜僧明 周文育子寶安 侯安都

雄請待秋討之,廣州刺史新渝侯蕭暎不聽,蕭諮又促之,子雄等不得已,遂行。至合浦,死 實反,逐刺史蕭諮,諮奔廣州,臺遺子雄與高州刺史孫冏討賁。時春草已生,瘴癘方起,子 盧安興爲廣州南江督護,僧明與兄天合及周文育並爲安興所啓,請與俱行。頻征俚獠有 進,梁武帝勑於廣州賜死。 者十六七,衆竝憚役潰散,禁之不可,乃引其餘兵退還。蕭諮啓子雄及冏與賊交通,逗留不 功,爲新州助防。天合亦有材幹,預在征伐。 「盧公累代待遇我等亦甚厚矣,今見枉而死,不能爲報,非丈夫也。 杜僧明字弘照,廣陵臨澤人也。形兒眇小,而膽氣過人,有勇力,善騎射。梁大同中, 子雄弟子略、子烈並雄豪任俠,家屬在南江。 安興死,僧明復副其子子雄。及交州土豪李 我弟僧明萬人之敵,若 天合謀於衆曰:

列傳第

杜

僧明

雄弟子略爲主,以攻刺史蕭映。子略頓城南,天合頓城北,僧明、文育分據東西,吏人竝應 縱其不捷,亦無恨矣。」衆咸慷慨曰「是願也,唯足下命之」。乃與周文育等率衆結盟,奉子 之,一日之中,衆至數萬。高祖時在高要,聞事起,率衆來討,大破之,殺天合,生擒僧明及

以所 尚併力將襲南康,高祖又令僧明與文育等拒之,相持連戰百餘日,卒擒遷仕,送于高祖軍。 仕又據大阜,入讚石,以逼高祖,高祖遣周文育為前軍,與僧明擊走之。遷仕與寧都人劉孝 始興 文育等,高祖並釋之,引爲主帥 及高祖下南康,留僧明頓西昌,督安成、廬陵二郡軍事。元帝承制授假節、清野將軍、新州 乘馬授僧明,僧明乘馬與數十人復進,衆皆披靡,因而乘之,大敗路養。高州刺史李遷 破蘭裕 高 祖征交阯及討元景仲,僧明、文育並有功。侯景之亂,俱隨高祖入援京師。 ,僧明爲前鋒,擒裕斬之。又與蔡路養戰於南野,僧明馬被傷,高祖馳往救之, 高祖於

散騎常侍、明威將軍、南兖州刺史,進爵爲侯,增邑幷前五百戶,仍領晉陵太守。承聖二年, 爲 是史,仍隨東討。軍至蔡(州)[洲], [三]僧明率麾下燒賊水門大艦。及景平,以功除員外 侯景遣于慶等寇南江,高祖頓豫章,(會)[命]僧明爲前驅,[]所向克捷。 高祖表僧明 刺

史,臨江縣子,邑三百戶。

府儀同三司。天嘉二年,配享高祖廟庭。子晉嗣。 吳明徹等隨侯瑱西援,於江州病卒,時年四十六。贈散騎常侍,諡曰威。世祖卽位,追贈開 從高祖北圍廣陵,加使持節,遷通直散騎常侍、平北將軍,餘如故。荆州陷,高祖使僧明率

以遺文育,文育不之省也,謂弘讓曰:「誰能學此,取富貴但有大槊耳。」弘讓壯之,敎之騎 能反覆游水中數里,跳高五六尺,與羣兒聚戲,衆莫能及。義興人周薈爲壽昌浦口戍主,見 射,文育大悅。 名字,捨因爲立名文育,字景德。命兄子弘讓教之書計。弘讓善隸書,寫蔡邕勸學及古詩 家,就其母請文育養爲己子,母遂與之。及薈秩滿,與文育還都,見於太子詹事周捨,請製 而奇之,因召與語。文育對曰:「母老家貧,兄姊並長大,困於賦役。」 薈哀之,乃隨文育至 周文育字景德,義興陽羨人也。少孤貧,本居新安壽昌縣,姓項氏,名猛奴。年十一,

文育前鋒陷陣,勇冠軍中。一首於陣戰死,文育馳取其尸,賊不敢逼。及夕,各引去。文育身 瓠,慰勞白水蠻,蠻謀執薈以入魏,事覺,薈與文育拒之。時賊徒甚盛,一日之中戰數十合, 司州刺史陳慶之與薈同郡,素相善,啓薈爲前軍軍主。慶之使薈將五百人往新蔡懸

列傳

周

文育

被九創,創愈,辭請還葬,慶之壯其節,厚加賵遺而遣之。

後,文育與杜僧明攻廣州,爲高祖所敗,高祖赦之,語在僧明傳。 葬訖,會盧安興爲南江督護,啓文育同行。 累征俚獠,所在有功,除南海令。 安興死

博,文育勝之,得銀二千兩。旦日辭勵,勵問其故,文育以告,勵乃遣之。高祖在高要,聞其 還也,大喜,遣人迎之,厚加賞賜,分麾下配焉。 又曰:「君須臾當暴得銀至二千兩,若不見信,以此爲驗。」其夕,宿逆旅,有賈人求與文育 卜者,卜者曰:「君北下不過作令長,南入則爲公侯。」文育曰:「足錢便可,誰望公侯。」卜人 後監州王勱以文育爲長流(令),[三] 深被委任。勵被代,文育欲與勵俱下,至大庾嶺,詣

因與杜僧明等相得,並力復進,遂大敗之。高祖乃表文育爲府司馬。 野,文育爲路養所圍,四面數重,矢石雨下,所乘馬死,文育右手搏戰,左手解鞍,潰圍而出, 高祖之討侯景,文育與杜僧明爲前軍,克蘭裕,援歐陽頠,皆有功。高祖破蔡路養於南

阜,直走新淦。 文育與戰,遷仕稍却,相持未解,會高祖遣杜僧明來援,別破遷仕水軍,遷仕衆潰,不敢過大 據其城。 李遷仕之據大臯,遺其將杜平虜入讚石魚梁作城,高祖命文育擊之,平虜棄城走,文育 遷仕聞平屬敗,留老弱於大阜,悉選精兵自將,以攻文育,其鋒甚銳,軍人憚之。 梁元帝授文育假節、雄信將軍、義州刺史。遷仕又與劉孝尚謀拒義軍,高祖

遭文育與侯安都、杜僧明、徐度、杜稜築城於白口拒之。文育頻出與戰,遂擒遷仕

其城。 高 累前 祖 發 後 自南康,遣文育將兵五千,開通江路。 (功,除游騎將軍、員外散騎常侍,封東遷縣侯,邑五百戶。 侯景將王伯醜據豫章,文育擊走之,遂據

高 祖軍至白茅灣,命文育與杜僧明常爲軍鋒,平南陵、鵲頭諸城。 及至姑熟,與景將侯

陽蘭陵晉陵太守、智武將軍、散騎常侍。

子鑒戰,破之。 景平,授通直散騎常侍,

改封南移縣侯,邑一千戶,拜信義太守。

累遷南

得其 來攻,文育悉力苦戰,彪不能克,遂破平彪。 和城。 高 祖 及世祖爲彪所襲,文育時頓城北香嚴寺,世祖夜往趨之,因共立栅。 頃之,彪又 太守張彪,

攻嗣 高 賊衆大駭,因留船 等列艦於青墩,至於七磯,以斷文育歸路。及夕,文育鼓噪而發, 軍 祖 、南豫州 徽 曰:「兵不逆風。」 [K] 文育曰:「事急矣,當決之,何用古法。」抽槊上馬,馳而進, [t] 衆軍 高祖以侯與擁據(溫)[江]州,四命文育討之,仍除 嗣徽驍 刺史,至率兵襲湓城。 將鮑砰獨以小艦殿軍,文育乘單舴艋 強湖, 自丹陽步上。 未克,徐嗣徽引齊寇渡江據蕪湖 時高祖拒嗣徽於白城, 與戰, 都督南豫州諸軍 跳 適與文育大會。 入艦, 嗣徽等不能制。 ,韶徵文育還京。 斬砰, (之)事、武 仍牽 將戰, 工其艦 至 三,反 風 而 威 嗣 急, 還。 將

列

傳

第

周文育

卷 四〇

從之,風亦尋轉,殺傷數百人。 嗣徽等移營莫府山,公文育徙頓對之。 頻戰功最,加平西

蕭勃在南康聞之,衆皆股慄,莫能自固。其將譚世遠斬勃欲降,爲人所害。世遠軍主夏侯 與長史陸山才襲頗,擒之。於是盛陳兵甲,與頠乘舟而讌,以巡傅泰城下,因而攻泰,克之。 中間,築城饗士,賊徒大駭。歐陽頗乃退入泥溪,作城自守。文育遣嚴威將軍周鐵武,三三 遭其弟孝勸守郡城,自出豫章,據于石頭。勃使其子孜將兵與孝頃相會,又遣其別將歐陽 新吳,廣州平,文育還頓豫章。 明徹持勃首以降。蕭孜、余孝頃猶據石頭,高祖遣侯安都助文育攻之,孜降文育,孝頃退走 文育由間道兼行,信宿達丰韶。丰韶上流則歐陽頗、蕭勃,下流則傅泰、余孝頃,文育據其 是文育分遣老小乘故船舫,沿流俱下,燒豫章郡所立栅,偽退。孝頃望之,大喜,因不設備。 退還,文育不許。乃使人間行遺周迪書,約爲兄弟,並陳利害。 上牢,行己文育遣軍主焦僧度、羊柬潛軍襲之,悉取而歸,仍於豫章立栅。時官軍食盡,並欲 頗頓軍苦竹灘,傅泰據城口城,[10]以拒官軍。官軍船少,孝頃有舴艋三百艘、艦百餘乘在 將軍,進爵壽昌縣公,並給鼓吹一部。 廣州刺史蕭勃舉兵踰嶺、韶文育督衆軍討之。時新吳洞主余孝頃(奉)〔舉〕兵應勃,〔氏〕 以功授鎭南將軍、開府儀同三司、都督江廣衡交等州諸軍 迪得書甚喜,許饋糧餉。

事、江州刺史。

口,爲琳所執,後得逃歸,語在安都傳。 王琳擁據上流,詔命侯安都爲西道都督,文育爲南道都督,同會武昌。與王琳戰於沌 **尋授使持節、散騎常侍、鎭南將軍、開府儀同三司,** 

壽昌縣公,給鼓吹一部。

之,即日舉哀,贈侍中、司空,諡曰忠愍。 師,以其部曲分隸衆軍。乃捨舟爲步軍,進據三陂。 王琳遣將曹慶帥兵二千人以救孝勱, 也,棄船走,莫知所在,及得迪書,文育喜,費示曇朗,曇朗害之於座,時年五十一。高祖聞 熊曇朗因其失利,謀害文育,以應衆愛。文育監軍孫白象頗知其事,勸令先之。文育曰: 慶分遣主帥常衆愛與文育相拒,自帥所領徑攻周迪、吳明徹軍。迪等敗績,文育退據金口。 糧,自率衆軍入象牙江,城於金口。公颺領五百人僞降,謀執文育,事覺,文育囚之,送于京 法無等討之。 豫章內史熊曇朗亦率軍來會,衆且萬人。 文育遣吳明徹爲水軍,配 周迪 運 「不可,我舊兵少,客軍多,若取曇朗,人人驚懼,亡立至矣,不如推心以撫之。」初,周迪之敗 及周迪破余孝頃,孝頃子公颺、弟孝勱猶據舊棚,扇動南土,高祖復遣文育及周迪、黄

天嘉二年,有韶配享高祖廟庭。子寶安嗣。文育本族兄景曜,因文育官至新安太守。 聞 初,文育之據三陂,有流星墜地,其聲如雷,地陷方一丈,中有碎炭數斗。 又軍市中忽

第二

周文育

績,繫於王琳,寶安便折節讀書,與士君子遊,綏御文育士卒,甚有威惠。除員外散騎侍郎。 文育之爲晉陵,以征討不遑之郡,令寶安監知郡事,尤聚惡少年,高祖患之。及文育西征敗 文育歸,復除貞威將軍、吳興太守。文育爲熊曇朗所害,徵寶安還。起爲猛烈將軍,領其舊 寶安字安民。 年十餘歲,便習騎射,以貴公子驕蹇遊逸,好狗馬,樂馳騁,靡衣婾食。

兵,仍令南討。

毅將軍、南徐州刺史。 徵爲左衞將軍,加信武將軍。 尋以本官領衞尉卿,又進號仁威將軍。 異,爲侯安都前軍。異平,除給事黃門侍郎、衞尉卿。四年,授持節、都督南徐州諸軍事、貞 朗,寶安南入,窮其餘燼。天嘉二年,重除雄信將軍、吳興太守,襲封壽昌縣公。三年,征留 |天康元年卒,時年二十九。贈侍中、左衞將軍,諡曰成。 世祖卽位,深器重之,寄以心膂,精卒利兵多配焉。及平王琳,頗有功。周迪之破熊曇

歷晉陵、定遠二郡太守。 太建九年卒,時年二十四,贈電威將軍。 子䂮嗣。寶安卒後,䂮亦爲偏將。征歐陽紇,平定淮南,並有功,封江安縣伯,邑四百

侯安都字成師,始興曲江人也。 世爲郡著姓。 父文捍,[15]少仕州郡,以忠謹稱,安都

貴後,官至光祿大夫、始興內史,秩中二千石。

之,遂擒僧辯 岸,僧辯弗之覺也。 內,衆隨而 仍使安都率水軍自京口趨石頭,高祖 邑三百戶。 攻察路養,破李遷仕,克平侯景,並力戰有功。 內史蕭子範辟爲主簿。侯景之亂,招集兵甲,至三千人。 安都工隸書,能鼓琴,涉獵書傳,爲五言詩,亦頗淸靡,兼善騎射,爲邑里雄豪。 入,進逼 隨高祖鎭京口,除蘭陵太守。 僧辯臥室。 石頭城北接崗阜,雉堞不甚危峻,安都被甲帶長刀,軍人捧之投於女垣 高祖大軍亦至,與僧辯戰于聽事前,安都自內閣出,腹背擊 自率馬步從江乘羅落 高祖謀襲王僧辯,諸將莫有知者,唯與安都定計 元帝授猛烈將軍、通直散騎常侍,富川縣子, 高祖入援京邑,安都引兵從高 一會之。 安都至石頭 北,棄 梁始興 舟登

敵之具。 偃 祖 不敢復逼 東討杜龕,安都留臺居守。 旗幟,示之以弱,令城中曰:「登陴看賊者斬。」及夕,賊收軍還石頭,安都夜令士卒密營禦 紹泰元年,以功授使持節、散騎常侍、都督南徐州諸軍事、仁威將軍、南徐州刺史。 將旦,賊騎又至,安都率甲士三百人,開東西掖門與戰,大敗之,賊乃退還石頭 臺城 及高 祖至,以安都爲水軍,於中流斷賊糧運。又襲秦郡,破嗣徽栅,收其家 徐嗣徽、任約等引齊寇入據石頭,游騎至于闕下。 安都閉門 高

列

傳

第

侯

安

都

又遣安都攻之,多所俘獲。

徽等見之大懼,尋而請和,高祖聽其還北。及嗣徽等濟江,齊之餘軍猶據採石,守備甚嚴, 並 二馬驢 輜 重。 得嗣徽所彈琵琶及所養鷹,遺信餉之曰:「昨至弟住處得此,今以相還。」嗣

使從弟曉、軍主張纂前犯其陣。曉被槍墜馬,張纂死之。安都馳往救曉,斬其騎士十一人, 百戶,給鼓吹一部。又進號平南將軍,改封西江縣公。 其後,齊軍大敗。「日三安都又率所部追至攝山,俘獲首虜,不可勝計。以功進爵爲侯,增邑五 因取纂尸而還,齊軍不敢逼。高祖與齊軍戰於莫府山,命安都領步騎千餘人,自白下橫擊 又刺齊將東方老墮馬,會賊騎至,救老獲免。賊北渡蔣山,安都又與齊將王敬寶戰於龍尾, 率馬步拒之於高橋。 明年春,韶安都率兵鎭梁山,以備齊。徐嗣徽等復入丹陽,江巴至湖熟,高祖追安都還, 又戰於耕壇南,安都率十二騎,突其陣,破之,生擒齊儀同乞伏無勞。

艦,夾水而陣。 爲質,許之。師還,以功進號鎭北將軍,加開府儀同三司。 後路,安都乃令軍士多伐松木,竪栅,列營漸進,頻戰屢克,孜乃降。 陽頗、傅泰等。唯余孝頃與勃子孜猶據豫章之石頭,作兩城,孝頃與孜各據其一,又多設船 仍都督水軍出豫章,助豫州刺史周文育討蕭勃。安都未至,文育已斬勃,並擒其將歐 安都至,乃銜枚夜燒其艦。文育率水軍,安都領步騎,登岸結陣。孝須俄斷 孝須奔歸新吳,請

浦,安都等甘言許厚賂子晉。子晉乃僞以小船依鰨而鈞,夜載安都、文育、敬成上岸,入深 得進。琳據東岸,官軍據西岸,相持數日,乃合戰,安都等敗績。安都與周文育、徐敬 爲琳所囚。琳總以一長鎖繫之,置于關下,令所親宦者王子晉掌視之。琳下至湓城 安都怒,進軍圍之,未能克。而王琳至于弇口,安都乃釋郢州,悉衆往沌口以禦之,遇 時兩將俱行,不相統攝,因部下交爭,稍不平。軍至郢州,琳將潘純陁於城中遙射官軍,公司 俱墮水中,又坐榻內墜於櫓井,時以爲不祥。至武昌,琳將樊猛棄城走。文育亦自豫章至。 仍率衆會於武昌,與周文育西討王琳。 將發,王公已下餞於新林,安都躍馬渡橋,人馬 白水 成並 風不

廬山,爲村人所殺,餘衆悉平。 遇 灵、協敗, 乃詣安都降。安都又進軍於禽奇洲, 破曹慶、常衆愛等, 焚其船艦。 衆愛奔于 及王琳將曹慶、常衆愛等。安都自宮亭湖出松門,躡衆愛後。文育爲熊曇朗所害,安都 大艦,值琳將周炅、周協南歸,與戰,破之,生擒炅、協。孝勱弟孝猷率部下四千家欲就王琳, 尋爲丹陽尹,出爲都督南豫州諸軍事、鎭西將軍、南豫州刺史。 令繼周文育攻余孝勒 回取

草中,步投官軍。

。還都自劾,詔並赦之,復其官爵。

當,太后又以衡陽王故,未肯下令,羣臣猶豫不能決。安都曰:「今四方未定,何暇及遠,臨 還軍至南皖,而高祖崩,安都隨世祖還朝,仍與羣臣定議,翼奉世祖。 時世祖謙讓弗敢

列傳

髮,推就喪次。世祖卽位,遷司空,仍爲都督南徐州諸軍事、征北將軍、南徐州刺史,給扶。 川王有功天下,須共立之。 今日之事,後應者斬。」 便按劔上殿,白太后出璽,又手解世祖

王琳下至栅口,大軍出頓蕪湖,時侯瑱爲大都督,而指麾經略,多出安都。 天嘉元年,

增邑千戶。及王琳敗走入齊,安都進軍湓城,討琳餘黨,所向皆下。

愚不敢奉詔。」因請自迎昌,昌濟漢而薨。以功進爵淸遠郡公,邑四千戶。自是威名甚重, 安都從容而言曰:「太子將至,須別求一蕃,吾其老焉。」安都對曰:「自古豈有被代天子?臣 羣臣無出其右。 仍別奉中旨,迎衡陽獻王昌。初,昌之將入也,致書於世祖,辭甚不遜,世祖不懌,乃召

弟曉爲刺史,安都第三子祕年九歲,上以爲始興內史,並令在鄉侍養。其年,改封安都桂陽 散騎常侍、金紫光祿大夫,拜其母爲清遠國太夫人。仍迎還都,母固求停鄉里,上乃下詔, 改桂陽之汝城縣爲(廬)[盧]陽郡,[刊分衡州之始興、安遠二郡,合三郡爲東衡州,以安都從 安都父文捍,爲始興內史,卒於官。世祖徵安都還京師,爲發喪。尋起復本官,贈其父

軍由錢塘江而上,安都乃步由會稽之諸暨,出于永康。異大恐,奔桃枝嶺,處嶺谷間,於巖 王琳敗後,周兵入據巴、湘,安都奉詔西討。及留異擁據東陽,又奉詔東討。異本謂臺

指闕表請立碑,Clan頌美安都功績,詔許之。 樓艦 甲仗、振旅而歸。以功加侍中、征北大將軍,增邑幷前五千戶,仍還本鎮。 舉壓軍,容止不變。 口 豎栅,以拒王師。 與異城等,放拍碎其樓雉。 安都作連城(收)[攻]異,[1公]躬自接戰,爲流矢所中,血流至踝,安都乘 因其山壠之勢,迮而 異與第二子忠臣脫身奔晉安,安都虜其妻子,盡收其 爲堰。天嘉三年夏,潦,水漲滿,安都引船 其年,(使)[吏]民 入堰,起 、人馬

部下,檢括亡叛,安都內不自安。 都坐於御坐,賓客居羣臣位,稱觴上壽。初,重雲殿災,安都率將士帶甲入殿,帝甚惡之,自 之力。」宴說,又啓便借供帳水飾,將載妻妾於御堂歡會,世祖雖許其請,甚不懌。 禊飲,乃白帝曰:「何如作臨川王時!]帝不應。 伯陽,劉删、「三」祖孫登,武士則蕭摩訶、裴子烈等,並爲之賓客,齋內動至千人。 是陰爲之備。 表啓、封訖、有事未盡、乃開封自書之、云又啓某事。及侍讌酒酣、或箕踞傾倚。 多不遵法度,檢問收攝,則奔歸安都。 騁,或命以詩賦,第其高下,以差次賞賜之。文士則褚(介)[玠]、[llo]馬樞、陰鏗、張正見、徐 自王琳平後,安都勳庸轉大,又自以功安社稷,漸用驕矜,數招聚文武之士,或射馭馳 又周迪之反,朝望當使安都討之,帝乃使吳明徹討迪,又頻遣臺使案問安都 三年冬,遺其別駕周弘實自託於舍人蔡景歷,幷問省中 世祖性嚴察,深銜之。安都弗之改,日益 安都再三言之,帝曰:「此雖天命,抑亦明公 「驕横。 部下將帥, 嘗陪樂遊 明日,安 每有

自新。 稱兵。 釋之。 殿,又集其部下將帥會于尙書朝堂,於坐收安都,囚于嘉德西省,又收其將帥,盡奪馬仗而 吳二州諸軍事、征南大將軍、江州刺史。自京口還都,部伍入于石頭,世祖引安都醼於嘉德 事 朕以爰初締構,頗著功績,飛驂代邸,預定嘉謀,所以淹抑有司,每懷遵養,杜絕百辟,日望 古,患難同規。侯安都素乏遙圖,本慙令德,幸屬興運,預奉經綸,拔跡行間,假之毛羽,推 徐蕃,接鄰齊境,覺遷禁貨,鬻賣居民,(推)[椎]埋發掘,[三]毒流泉壤,睚眦僵尸,罔顧 聚逋逃,窮極輕狡,無賴無行,不畏不恭。受脹專征,剽掠一逞,推轂所鎭,哀斂無厭。 於偏帥,委以馳逐。位極三槐,任居四嶽,名器隆赫,禮數莫儔。而志唯矜己,氣在陵上,招 私省宿,訪問禁中,具陳反計,朕猶加隱忍,待之如初。爰自北門,遷授南服,受命經停,姦 隱片嫌,去柏人而勿宿,外協猜防,入成皐而不留?而勃戾不悛,驕暴滋甚,招誘文武,密懷 謀益露。 景歷錄其狀具奏之,希旨稱安都謀反。世祖慮其不受制,明年春,乃除安都爲都督江 因出舍人蔡景歷表以示於朝。乃詔曰:「昔漢厚功臣,韓、彭肇亂,晉倚蕃牧,敦、約 託六尺於龐萌,野心竊發;寄股肱於霍禹,凶謀潛構。追惟往代,挺逆一揆,永言自 欵襟期於話言,推丹赤於造次,策馬甲第,羽林息警,置酒高堂,陛戟無衞。何嘗內 去年十二月十一日,獲中書舍人蔡景歷啓,稱侯安都去月十日遣別駕周弘實來景歷 个者欲因初鎮,將行不軌。此而可忍,孰不可容?賴社稷之靈,近侍誠慤,醜情彰 寄以

十四。 暴,逆節顯聞。 專有詔,宥其妻子家口,葬以士禮,喪事所須,務加資給**。** 外可詳案舊典,速正刑書,止在同謀,餘無所問。」明日,於西省賜死,時年四

擇人,而推心過差,居危履險,猜防不設。 悉良將也,而並有所短。 初,高祖在京城,嘗與諸將醮,杜僧明、周文育、侯安都爲壽,各稱功伐。 杜公志大而識闇,狎於下而驕於尊,矜其功不收其拙。 侯郎傲誕而無感,輕佻而肆志。 並非全身之道。」 高祖日:「卿等 周侯交不

年,高宗追封安都爲陳集縣侯,邑五百戶,子亶爲嗣。 安都長子敦,年十二,爲員外散騎侍郎,天嘉二年墮馬卒,追諡桂陽國愍世子。 太建三 卒皆如其言。

候,邑五百戶。天嘉三年卒,年四十一。 安都從弟曉,累從安都征討有功,官至員外散騎常侍、明威將軍、東衡州刺史, 懷化縣

向時,權踰曩日,因之以侵暴,加之以縱誕,苟曰非夫逆亂,奚用免於亡滅!昔漢高醢之爲 史臣曰:杜僧明、周文育並樹功業,成於興運,頗、憿、韓、彭,足可連類矣。 侯安都 情異

列傳第二 侯安都

賜,宋武拉於坐右,良有以而然也。

#### 校勘記

[一](會)[命]僧明爲前驅 據南史杜僧明傳及元龜三四五改。

(二)軍至蔡(州)(洲) 據南史改。

[ || ]後監州王勱以文育爲長流(令) 據南史刪。 按錢大町廿二史考異云:「廣州無長流縣,南史無

『令』字,蓋衍文也。都督府有長流參軍,不言參軍者省文,後人妄加『令』字。」

[1]高祖以侯瑱擁據(溫)[江」州 異云「溫州」蓋「江州」之譌。 據南史周文育傳及元龜三四五、三九五上改。 按錢大昕廿二史考

五 仍除都督南豫州諸軍(之)事武威將軍南豫州刺史 丁,據各本補。按「武威將軍」元義三四五、三九五上並作「嚴威將軍」。 「之」字衍,據各本刪。「事武」二字原本墨

[六] 兵不逆風 按南史「兵」作「矢」。

したし 馳而進 「馳」字原本墨丁,據元龜三四五、三九五上補。 按「馳」字各本並脫

嗣徽等移營莫府山 「山」字原本墨丁,據各本補

時新吳洞主余孝頃(奉)[舉]兵應勃 據各本改。

傅泰據城口城 「城口城」通鑑陳武帝永定元年作「蹠口城」。 顧祖禹讀史方輿紀要八四南昌府

新建縣有蹠口城,注云「蹠」亦作「墌」。 南史本傳作「塘」,元龜三六三同,字書無「迤」字,乃與塘

形近而譌。

[11] 在上牢 「在」字原本墨丁,據各本補。

〇三 文育遣嚴威將軍周鐵武 「周鐵武」殿本作「周鐵虎」。 按思廉避唐諱,「虎」字皆改爲「武」,作

「虎」者乃後人回改。

Ciel 父文捍 按南史無「文」字。

[12] 徐嗣徽等復入丹陽 「嗣」字原本墨丁,據各本補。

[ln] 齊軍大敗 「大」原譌「入」,各本不譌,今改正。

[|{\f\] 琳將潘純陁於城中遙射官軍 「潘純陁」燕史作「潘純」。

改桂陽之汝城縣爲(處)[盧]陽郡 **據**世祖紀改。按隋志亦作「盧」。

[14] 安都作連城(收)[攻]異 殿本考證孫人龍云:「按上文謂留異豎棚拒王師,則此『收』字殆『攻』字

之訛也。」按远鑑二一六正作「攻」,今據改。

(1元) (使)(支)民詣闕表請立碑 [三0] 褚(介)[玠] 據南史改。按褚玠本書有傳。 據北監本、汲本、殿本及南史、元龜八〇三改。

「三」到明(安有也「刚,乍「邢、。 ----

列傳第二 校勘記三二劉刪 按南史「刪」作「珊」。

# 陳書卷九

## 列傳第二

侯瑱 歐陽顏子紅 吳明徹妻子烈

湓城。 中兵參軍、晉康太守。範爲雍州刺史,與除超武將軍、馮翊太守。範遷鎮合肥,與又隨之。 博,由是知名。因事範,範委以將帥之任,山谷<u>夷</u>獠不賓附者,並遣與征之。累功授輕車府 人,梁益州刺史鄱陽王蕭範命弘遠討之。弘遠戰死,與固請復讎,每戰必先鋒陷陣,遂斬文 侯瑱字伯玉,巴西充國人也。父弘遠,世爲西蜀酋豪。 侯景圍臺城,範乃遺與輔其世子嗣,入援京邑。京城陷,與與嗣退還合肥,仍隨範徙鎮 俄而範及嗣皆卒,瑱領其衆,依于豫章太守莊鐵。 鐵疑之,瑱懼不自安,詐引鐵謀 蜀賊張文萼據白崖山, 有衆萬

事,因而刃之,據有豫章之地。

侯景將于慶南略地至豫章,城邑皆下,與窮蹙,乃降於慶。 慶送與於景,景以與與己同

列

姓,託爲宗族,待之甚厚,留其妻子及弟爲質。 遺塡隨慶平定蠡南諸郡

戰於吳松江,大敗景,盡獲其軍實。進兵錢塘,景將謝答仁、呂子榮等皆降。以功除南豫州 隨都督王僧辯討景,恆為前鋒,每戰却敵。旣復臺城,景奔吳郡,僧辯使與率兵追之,與景 軍,[1]景亦盡誅其弟及妻子。 及景敗於巴陵,景將宋子仙、任約等並爲 。梁元帝授璵武臣將軍、南兖州刺史,郫縣侯,邑一千戶。仍 西軍所獲, 璵乃誅景黨與,以應(我)[義]

承聖二年,齊遣郭元建出自濡須,僧辯遣與領甲士三千,築壘於東關以扞之,大敗元

刺

史,鎭于姑熟。

建。 除使持節、鎭北將軍、自己給鼓吹一部、增邑二千戶。

率其部北度入齊。齊遣慕容恃德鎮于夏首,與控引西還,水陸攻之,恃德食盡,請和,與還 千戶,進號車騎將軍。 都。 承制以與爲侍中、使持節、都督江晉吳齊四州諸軍事、江州刺史,改封康樂縣公,邑五 西魏來寇荆州,王僧辯以瑱爲前軍,赴援,未至而荆州陷。 瑱之九江,因 衞 晉安王還 司徒陸法和據郢州,引齊兵來寇,乃使與都督衆軍西討,未至,法和

僧辯 使其弟僧悟率兵與與共討蕭勃,及高祖誅僧辯,僧悟陰欲圖與而奪其軍,與知之,

盡收僧悟徒黨,僧悟奔齊。

鎭

※豫章

列傳第三 侯瑱

城栅 焦僧度。僧度勸瑱投齊,瑱以高祖有大量,必能容己,乃詣闕請罪,高祖復其 府妓妾金玉,歸于高祖。與旣失根本,兵衆皆潰,輕歸豫章,豫章人拒之,乃趨湓城,投其將 克,乃長圍守之,盡收其禾稼。顧與其部下俟方兒不協,日己方兒怒,率所部攻齋,虜掠 王僧辯,雖外示臣節,未有入朝意。 ,與瑱相拒。 紹泰二年,以本號加開府儀同三司,餘並如故。 填留軍人妻子於豫章,令從弟癲知後事,悉衆以攻孝頃。 初, 余孝頃爲豫章太守,及瑱鎭豫章, 是時,與據中流,兵甚彊盛,又以 乃於新吳縣 自夏及冬,弗能 (爵位 減軍 本事 別立

乃率船艦來下,去蕪湖十里而泊,擊柝聞於軍中。 其上流,與聞之,知琳不能持久,收軍却據湖浦,以待其敝。及史寧至,圍郢州,琳恐衆潰, 靜,琳入浦治船,以荻船塞於浦口,又以鹿角繞岸,不敢復出。是時,西魏遣大將軍史寧躡 舟艦並壞,沒于沙中,溺死者數十百人。浪大不得還浦,夜中又有流星墜于賊營。 出船列于江西,隔洲而泊。明日合戰,琳軍少却,退保西岸。及夕,東北風大起,吹其舟艦 稍長,舟艦得通,琳引合肥漢湖之衆,舳艫相次而下,其勢甚盛。 乃以瑱爲都督西討諸軍事。 ,又以與爲都督,侯安都等並隸焉。 永定元年,授侍中、車騎將軍。二年,進位司空。王琳至於沌口,周文育、侯安都並沒, 瑱至于梁山。世祖即位, 進授太尉, 增邑千戶。 項與琳相持百餘日,未決。 天嘉元年二月,東關春水 明日,齊人遣兵數萬助琳,琳引衆向梁 項率軍進獸檻洲,[四]琳亦 王琳至于栅 及旦風

發拍 之。[4] 將戰,有微風至自東南,衆軍施拍縱火。 定州刺史章昭達乘平虜大艦,中江而進, 騎二千,在無湖西岸博望山南,爲其聲勢。 中于賊艦,其餘冒突、靑龍,各相當值。又以牛皮冒蒙衝小船,以觸賊艦,並鎔鐵灑之。 **璌令軍中晨炊蓐食,分搥盪頓蕪湖洲尾以待** 

獲其舟艦器械,幷禽齊將劉伯球、慕容子會,自餘俘馘以萬計。琳與其黨潘純陁等乘單熊 琳軍大敗。其步兵在西岸者,自相蹂踐,馬騎並淖于蘆荻中,弃馬脫走以免者十二三。盡

艋冒陣走至湓城,猶欲收合離散,衆無附者,乃與妻妾左右十餘人入齊。[5]

吹、班劒二十人,給東園秘器,諡曰壯肅。其年九月,配享高祖廟庭。子淨藏嗣 年,以疾表求還朝。三月,於道薨,時年五十二。贈侍中、驃騎大將軍、大司馬,加羽葆、鼓 巴、湖,又以與為西討都督,與盛戰於西江口,大敗盛軍,虜其人馬器械,不可勝數。以功授 使持節、都督湘桂郢巴武沅六州諸軍事、湘州刺史,改封零陵郡公,邑七千戶,餘如故。二 其年,韶以與爲都督湘、巴、郢、江、吳等五州諸軍事,鎭湓城。周將賀若敦、獨孤盛等寇

淨藏尚世祖第二女富陽公主,以公主除員外散騎侍郎。太建三年卒,贈司徒主簿。 淨

藏無子,弟就襲封。

校尉。

郡頻辟不應,乃廬於麓山寺傍,專精習業,博通經史。年三十,其兄逼令從宦,起家信武府 随少質直有思理,以言行篤信著聞於 嶺表。 父喪毀瘠甚至。 家產累積,悉讓諸兄。 州

中兵參軍,遷平西邵陵王中兵參軍事。

衡州 南征 度嶺以疾終,頠除臨賀內史,啓乞送欽喪還都,然後之任。時湘衡之界五十餘洞不賓,勑令 天門太守,伐蠻左有功。 刺史章粲討之,粲委頗爲都督,悉皆平殄。粲啓梁武,稱頗誠幹,降詔褒賞,仍加超武 夷獠,擒陳文徹,所獲不可勝計,獻大銅鼓,累代所無,頹預其功。 梁左衞將軍蘭欽之少也,與顧相善,故願常隨欽征討。 刺史廬陵王蕭續深嘉之,引爲賓客。 欽爲衡州, 欽征交州,復啓頠同行。 還爲直閤將軍,仍除 仍除清遠太守。 欽 欽

州昆季隆顯,莫非國恩,今應赴難援都,豈可自爲跋扈。」及高祖入援京邑,將至始興,顧乃 史裕攻始興內史蕭紹基,日事其郡。 侯景構逆,粲自解還都征景,以頠監衡州。 裕以兄欽與頗有舊,遺招之,頗不從。 京城陷後,嶺南互相吞併,蘭欽弟前高州刺 乃謂使云:「高

將軍,征討廣、衡二州山賊。

列傳第三

歐陽顏

一五八

興郡爲東衡州,以頠爲持節、通直散騎常侍、都督東衡州諸軍事、雲麾將軍、東衡州刺史,新 深 祖之討蔡路養、李遷仕也,頗率兵度嶺,以助高祖。 自結託。 裕遣兵攻頗,高祖援之,裕敗,高祖以王懷明爲衡州刺史,遷頗爲始興內史。 及路養等平,頗有 功,梁元帝承制以始 高

豐縣伯,邑四百戶。

騎常侍、都督衡州諸軍事、忠武將軍、衡州刺史,進封始與縣侯。 致之。」「己乃授武州刺史、尋授郢州刺史、欲令出嶺、蕭勃留之、不獲拜命。 尋授使持節、散 「吾已得一人。」侍中王襃進曰:「未審爲誰。」帝云:「歐陽頗公正有匡濟之才,恐蕭廣州不肯 侯景平,元帝遍問朝宰:「今天下始定,極須良才,卿各舉所知。」羣臣未有對者。帝曰:

場監 接待。 嶺 南,皆懾伏,仍進廣州,盡有越地。 遭 衡州 出 長襲傾,盡收其貲財馬仗。尋赦之,還復其所,復與結盟。 . 南康,以頗爲前軍都督,頓豫章之苦竹灘,周文育擊破之,擒送于高祖,高祖釋之,深加 州,盡率部下至始興,避琳兵鋒。頗別據一城,不往謁勃,閉門高壘,亦不拒戰。 時蕭勃在廣州,兵彊位重,元帝深患之,遣王琳代爲刺史。琳已至小桂嶺,勃遣其將孫 諸 蕭勃死後,嶺南擾亂,頗有聲南土,且與高祖有舊,乃授頗使持節、通直散騎常侍、都 軍 事、安南將軍、衡州刺史,始興縣侯。 改授都督廣交越成定明新高合羅愛建德宜黃利安石雙 未至嶺南,頗子紇已克定始興。及頗至嶺 荆州陷,頗委質於勃。及勃度

同 頠 十九州諸軍事、鎭南將軍、平越中郞將、廣州刺史,持節、常侍、侯並如故。 自海道及東嶺奉使不絕。 世祖嗣位,進號征南將軍,改封陽山郡公,邑一千五百戶,又給鼓吹一 永定三年, 進授散騎常侍, 增都督衡州諸軍事, 王琳據有中流, 卽 部。 本號 開府儀

信還之,時人莫不嘆伏。 矩,餘人弗之知也。 初,交州刺 史袁曇緩密以金五百兩寄頗,令以百兩還合浦太守龔薦,日四百兩付兒智 頗尋爲蕭勃所破,貲財並盡,唯所寄金獨在。 其重然諾 如此。 曼緩亦尋卒,至是領 並依

獻奉珍異,前後委積,頗有助 軍、司空、廣州刺史,諡曰穆。 時頠弟盛爲交州 刺 史,次弟邃爲衡州 於軍 子紇嗣。 ·國焉。 頗以天嘉四年薨,時年六十六。 刺史,合門顯貴,名振南土。 又多致銅鼓、生口 贈侍中、車騎大將

號 史。 輕車 襲封 **紇字奉聖,頗有** 將 陽 軍 Ш 郡 公,都督交廣等十九州諸軍事、廣州 幹略。 天嘉中, 除黃門侍郎、 員外散騎常侍。 刺史。 在州十餘年,威惠著於百越,進 累遷安遠將軍、 衡州 刺

將軍 光大中, 統懼, 未欲 上流蕃鎭並多懷貳,高宗以紇 就徵,其部下多勸之反,遂舉兵攻衡州刺史錢道戢。 久在南服,頗疑之。 太建元年,下詔徵統 道戢告變,乃遣儀同 爲 左衞

列

傳

第

 $\equiv$ 

歐

陽

頠

陳 書 卷 九 六〇

章昭達討說,屢戰兵敗,執送京師,伏誅,時年三十三。家口籍沒。子詢以年幼免。

諸兄曰:「當今草竊,人不圖久,柰何有此而不與鄉家共之。」於是計口平分,同其豐儉,羣盜 乘白馬逐鹿者來經墳所,此是最小孝子大貴之徵。」至時果有此應,明徹即樹之最小子也。 往田所, 竟如其言。 憤,每之田中,號泣,仰天自訴。 居數日,有自田還者,云苗已更生,明徹疑之,謂爲紿己,及 性至孝,年十四,感墳塋未備,家貧無以取給,乃勤力耕種。時天下亢旱,苗稼燋枯,明徹哀 起家梁東宮直後。及侯景寇京師,天下大亂,明徹有栗麥三千餘斛,而隣里饑餧,乃白 吳明徹字通昭、[10]秦郡人也。祖景安,齊南譙太守。父樹,梁右軍將軍。明徹幼孤, 秋而大穫,足充葬用。時有伊氏者,善占墓,謂其兄曰:「君葬之日,必有

明徹亦微涉書史經傳,就汝南周弘正學天文、孤虛、遁甲,略通其妙,頗以英雄自許,高祖深 及高 祖鎭京口,深相要結,明徹乃詣高祖,高祖爲之降階,執手卽席,與論當世之務。 聞

[而避焉,賴以存者甚衆。

承聖三年,授戎昭將軍、安州刺史。 紹泰初,隨周文育討杜龕、張彪等。 東道平, 授使

都、周文育將兵討王琳。 持 王琳敗,授都督武沅二州諸軍事、安西 , 節、 散騎常侍、安東將軍、南兖州刺史,封安吳縣侯。 及衆軍敗沒,明徹自拔還京。 「將軍、武州刺史,餘並如故。 世祖即 高祖受禪,拜安南將軍,仍與侯安 位, 韶以本官加右 周遣大將軍賀若敦率馬 衛 將

步萬餘人奄至武陵,明徹衆寡不敵,引軍巴陵,仍破周別軍於雙林。

守,總督衆軍,以討迪。明徹雅性剛直,統內不甚和,世祖聞之,遣安成王頊慰曉明徹 天嘉三年,授安西將軍。 及周迪反臨川, 韶以明徹 爲安南將軍、 江州 刺史,領豫章太

五年,遷鎭東將軍、吳興太守。 尋授鎭前將軍 及引辭之郡,世祖謂明徹日三吳興雖郡,帝鄉之重,故

以本號還朝。

以 相授。 廢帝即位,授領軍將軍,尋遷丹陽尹,仍詔明徹以甲仗四十人出入殿省。 君其勉之」及世祖 弗豫,徵拜中領軍。 到仲舉之矯

令出高宗也,毛喜知其謀,高宗疑懼,遣喜與明徹 籌焉。 明徹謂 喜日:「嗣君諒闇, 萬機多

闕,外隣彊敵,內有大喪。 及湘 州刺史華皎陰有異志、詔授明徹使持節、散騎常侍、都督湘桂 殿下親實周、邵,德冠伊、霍,社 稷至重 于,願留 武三州諸 中深計,愼勿致 軍 事、安南

將軍、湘州刺史,給鼓吹一部,仍與征南大將軍淳于量等率兵討皎。 言 ;進爵爲公。 太建元年,授鎭南將軍。 四年,徵爲侍中、鎮前將軍,餘並如故。 皎平,授開府 儀 司

列 傳 第  $\equiv$ 吳 明 徹

齊遣大將尉破胡將兵爲援,明徹破走之,斬獲不可勝計,秦郡乃降。 女樂一部。明徹總統衆軍十餘萬,發自京師,緣江城鎭,相續降款。 會朝議北伐,公卿互有異同,明徹決策請行。五年,詔加侍中、都督征討諸軍事,仍賜 。高宗以秦郡明徹舊邑, 軍至秦郡,克其水栅。

淮、汝, 府儀同三司南平郡開國公明徹,雄圖克舉,宏略蓋世。在昔屯夷,締構皇業,乃掩衡、岳, 師。二三景和 壽春三十里,頓軍不進。 城。 乘夜攻之,中宵而潰,齊兵退據相國城及金城。 進 詔具太牢,令拜祠上冢,文武羽儀甚盛,鄕里以爲榮。 者皆歔 逼壽陽,齊遣王琳將兵拒守。琳至,與刺史王貴顯保其外郭。明徹以琳初入,衆心未附, 城中苦濕,多腹疾,手足皆腫,死者十六七。會齊遣大將軍皮景和率兵數十萬來援,去 進克仁州,授征北大將軍,進爵南平郡公,增邑幷前二千五百戶。次平峽石岸二城。 《在速,而彼結營不進,自挫其鋒,吾知其不敢戰明矣。」於是躬擐甲胄,四面疾攻,城中 一鼓而克,生禽王琳、王貴顯、扶風王可朱渾孝裕、尚書盧潛、左丞李駒駼,送京 欲不能仰視,明徹慮其有變,遺左右追殺琳,傳其首。 韶曰:「壽春者古之都會,襟帶 控引河、洛,得之者安,是稱要害。侍中、使持節、都督征討諸軍事、征北大將軍、開 惶懼遁走,盡收其馳馬輜重。琳之獲也,其舊部曲多在軍中,琳素得士卒心,見 諸將咸曰:「堅城未拔,大援在近,不審明公計將安出。」明徹曰: 明徹令軍中益脩治攻具、三三又迮肥水以灌

光朔 用清 淳風 , (三就壽陽冊明徹,於城南設壇,士卒二十萬,陳旗鼓戈甲,明徹登壇拜受,成禮而退, 奪險,威陵殊俗,惠漸邊氓。 氣診,實吞雲夢,即叙上游。 北徐六州諸軍事、車騎大將軍、豫州 惟功與能,元戎是屬,崇麾廣賦,茂典恆宜,可都督豫合建 今茲蕩定,恢我王略,風行電掃,貔武爭馳,<br/>[四]月陣雲梯 刺 史,增封幷前三千五百戶,餘如故。」詔遣謁者蕭

初,秦郡屬南兖州,後隸譙州,至是,韶以譙之秦、盱眙、 神農三 一郡還屬南兖州,以明徹

六年,自壽陽入朝,輿駕幸其第,賜鍾磬一部,米一萬斛,絹布二千匹。 軍至呂梁,齊遣援兵前後至者數萬,明徹又大破之。八年,進位司

故

也。

將卒莫不踴躍

別。今可給司空、大都督鈇鉞龍麾,其次將各有差。」尋授都督南北兖南北青譙五 空,餘如故。 七年,進攻彭城。 又詔曰:「昔者軍事建旌,交鋒作鼓,頃日訛替,多乖舊章,至於行陣, 州 不相 誻 軍 甄

事、南兖州刺史。

不復敢出。 郎惠覺攝行州事。 會周氏滅齊,高宗將事徐、兖,九年,詔明徹進軍北伐,令其世子戎昭將軍、員外散騎侍 明徹仍迮淸水以灌其城,環列舟艦於城下,攻之甚急。 明徹軍至呂梁,周徐州總管梁士彥率衆拒戰,明徹頻破之,因退兵守城, 周遣上大將軍王軌將兵

列

救之。 還。 軍皆潰,明徹窮蹙,乃就執。尋以憂憤遘疾,卒於長安,時年六十七。 遺馬出,於事爲允。」適會明徹苦背疾甚篤,知事不濟,遂從之,乃遺蕭摩訶帥馬軍數千前 欲破堰拔軍,以舫載馬。馬主裴子烈議曰:[[松]「若決堰下船,船必傾倒,豈可得乎? 明徹仍自決其堰,乘水勢以退軍,冀其獲濟。及至淸口,水勢漸微,舟艦並不得渡,衆 軌輕行自清水入淮口,横流豎木,以鐵鎖貫車輪,遏斷船路。 諸將聞之,甚惶恐,議

傷。斯事已往,累逢肆赦,凡厥罪戾,皆蒙洒濯,獨此孤魂,未霑寬惠,遂使爵土湮沒,饗醊 辭入褚之屈,望封崤之爲易,冀平翟之非難,雖志在屈伸,而奄中霜露,埋恨絕域,甚可嗟 俗,功効著於同文。方欲息駕陰山,解鞍濟海,旣而師出已老,數亦終奇,不就結纓之功,無 勇,斯亦侔於古焉。及拓定淮、肥,長驅彭、汴,覆勍寇如舉毛,掃銳師同沃雪,風威慴於異 故侍中、司空南平郡公明徹,爰初躡足,(乞)[迄]屆元戎,[刊]百戰百勝之奇,決機決死之 無主。 至德元年詔曰:「李陵矢竭,不免請降,于禁水漲,猶且生獲,固知用兵上術,世罕其人。 弃瑕錄用,宜在茲辰,可追封邵陵縣開國侯,食邑一千戶,以其息惠覺爲嗣。」

惠覺歷黃門侍郎,以平章大寶功,授豐州刺史。

騎常侍、桂州刺史、封汝南縣侯,邑一千戶。卒,贈廣州刺史,諡曰節。 明徹兄子超,字逸世。少倜儻,以幹畧知名。隨明徹征伐,有戰功,官至忠毅將軍、散

亂,因習武藝,以驍勇聞。 內史,海安縣伯,邑三百戶。日公至德四年卒。 頻從明徹征討,所向必先登陷陣。官至電威將軍、北譙太守、岳陽 遇梁末喪

師,金陵虛弱,顧明淪覆,蓋由其漸焉。 居將帥之任,初有軍功,及呂梁敗績,爲失筭也。 史臣曰:高祖撥亂創基,光啓天曆,侯與、歐陽頗並歸身有道,位貴鼎司,美矣。 斯以勇非韓、白,識異孫、吳,遂使蹙境喪 吳明徹

· 侯瑱傳「分趙盪頓無湖洲尾」,或本作「分頓」,疑。 吳明徹字通昭」,或本作「通炤」,疑。

校勘記

(一)以應(我)(義)軍 列 傳 第  $\equiv$ 校 勘 據北監本、汲本、殿本及远龜七六一改。按頭史作「以應義師」。 R

一六五

除使持 節 鎭 北將軍 按梁書元帝紀,承聖三年春正月甲午,加南豫州刺史侯瑱征北將軍。 此作

鎭 北 將軍」,恐誤。

17 = **奫與其部下俟方兒不協** 「俟」北監本、汲本、殿本及南史、元龜二〇九、四五〇並作「侯」。

 $\overline{\phantom{a}}$ 24 瑱 率 軍進獸檻洲 按「獸檻洲」即「虎檻洲」、避唐諱改。

 $\overline{ }$ 35. 分槌 盪頓 蕪湖洲尾以待之 南史無「分槌盪」三字。 按「分槌盪」三字疑行。 或行「槌盪」二字,

本 卷後附 舊校 云或本作「分頓」,是會鞏等所見本有作「分頓蕪湖洲尾」者。

故

遂 入齊 

恐蕭 廣州 不肯致之 「致」字 原缺、據 各本補。  $\overline{\phantom{a}}$ 

-6

蘭

欽弟前

高

州

刺史裕攻始興內史蕭紹基

按「蕭

紹基

弯頭史作!

「蕭昭基」。

 $\dot{}$ 

メ

乃與

妻妾

左右十餘人入齊

「乃」各本譌「及」。

殿本考證云:「上文謂王琳走至湓城,衆無附者,

令以 百 兩 還 合 浦 太守襲薦 按「襲薦」南史作 襲薦」。

(0) 吳明 徹字 通 昭 通 昭」南史作「通 炤」。 按 本 卷後附 舊 校云或本作 :「通炤 是曾鞏等所見本亦

有 作 炤」者。

遣安 成 Ŧ. 頊 慰 曉明徹 項」原 作「諱」,以 姚察曾仕陳,故避陳諱,今依殿本改。

明徹· 令軍 中 益脩治攻具 「治」字原缺、據各本 補

(三) 生禽王琳至 送京師 「可朱渾孝裕」通鑑陳宣帝太建五年作「可朱渾道裕」。按齊被俘諸將姓

**貔武爭馳** 名,北齊書及南史均多缺略。元龜三六八亦作「孝裕」,通鑑作「道裕」,未知何據。 「武」北監本、殿本作「虎」。按此避唐諱改。

[1] 記遣謁者蕭淳風 「蕭淳風」南史作「蕭淳」。

(二六) 馬主裴子烈議日 「馬主」南史作「馬明戌」。 按通鑑陳宣帝太建十年作「馬主」,考異云南史作

[1七](乞)[迄]屆元戎 據北監本、殿本改。「馬明主」,今從陳書。

C.C. 邑三百戶 各本作「五百戶」。

## 陳書卷十

## 列傳第四

## 周鐵虎 程靈洗子文季

侯景之亂,元帝於荆州遣世子方等代譽,且以兵臨之。 委遇甚 勇敢聞, 周鐵虎,不知何許人也,梁世南渡。 重。 譽板爲府中兵參軍。 及王僧辯討譽,於陣獲鐵虎,僧辯命烹之,鐵虎呼曰:「侯景未滅,柰何殺壯士。」 譽爲廣州刺史,以鐵虎爲興寧令。 語音傖重,膂力過人,便馬槊,事梁河東王蕭譽,以 譽拒戰,大捷,方等死,鐵虎功最,譽 譽遷湘州,又爲臨蒸令。

僧辯奇其言,乃宥之,還其麾下。

以 刺史,封沌陽縣子,邑三百戶。 前後戰功,進虧爲侯,增邑幷前五百戶。 及侯景西上,鐵虎從僧辯克任約,獲宋子仙,每戰皆有功。 又從僧辯克定京邑,降謝答仁,平陸納於湘州。 仍爲散騎常侍,領信義太守,將軍如故。 元帝承制授仁威將軍、潼州 承聖二年, 高祖誅

列

僧辯,鐵虎率所部降,因復其本職 徐嗣徽引齊寇渡江,鐵虎於板橋浦破其水軍,盡獲甲仗船舸。 又攻歷陽,襲齊寇步營,

並皆克捷。 嗣徽平,紹泰二年,遷散騎常侍、嚴威將軍、太子左衛率

遺烈, 沌陽縣開國侯鐵虎,誠節 觀,魏朝 州 見害,方其理鬚,龐德臨危,猶能瞋目。 厚, 等。 「天地之寶,所貴曰生,形魄之徒,所重唯命。 刺史,加封一千戶,幷給鼓吹一部,侯如故。」天嘉 風力勇壯,北討南征,竭忠盡力。 唯鐵虎辭氣不屈,故琳盡宥文育之徒,獨鐵虎見害,時年四十九。 散騎常侍、嚴威將軍 又隨文育西征王琳,於沌口敗績,鐵虎與文育、侯安都並爲琳所擒。 尋隨周文育於南江拒蕭勃,恆爲前軍。文育又命鐵虎偏軍,於苦竹灘襲勃前軍歐陽頗。 有識 猛將,名配宗祧,功烈所以長存,世代因之不朽。 同 壯。 隕身不屈,雖隆榮等,營魂易遠,言追嘉惜。 、太子左衛率、潼州 梗亮,力用雄敢,王業初基,行閒累及,垂 推鋒江夏,致陷凶徒,神氣彌雄 忠貞如此,惻愴兼深,可贈侍中、護軍將軍、靑冀 刺史、領信義太守沌陽縣開國侯鐵虎,器局沈 至如捐生立節,効命酬恩,追遠懷昔,信宜加 五年,世祖又詔曰:「漢室 故侍中、 宜仰陪壖寢,恭頒饗奠, 護軍 一翅賊 ,肆言無撓。 將軍、青冀二 壘, 高祖聞之,下詔曰: 琳引見諸將,與之 正色寇庭, 一功臣,形寫 豈直 州 溫 古之 可配 刺 宮 史

食高祖廟庭。」子瑜嗣。

栅。 中,復官位 元帝授散騎常侍、平北將軍、北兖州刺史,領廬江太守。 時 有盱眙馬明,字世朗,梁世事鄱陽嗣王蕭範。 了<u>,封西華縣侯,邑二千戶</u>。 亦隨文育西征王琳,於沌口軍敗,明力戰死之,贈使持 侯景之亂,據廬江之東界,拒賊臨城 荆州陷沒,歸于高祖。 紹泰

節、征西將軍、郢州刺史。

寧、黟、歙等縣及鄱陽、宣城郡界多盜賊,近縣苦之。靈洗素爲鄕里所畏伏,前後守長恆使 程 靈洗字玄滌, 新安海寧人也。 少以勇力聞, 步行日二百餘里, 便騎善游。 梁末,海

節 攻 洗 洗退保點、 刺 召募少年,逐捕 下新安,與神茂相應。 、散騎常侍、都督 史資,領 靈洗奉以主盟。 侯景之亂, 歙。 新安太守,封巴丘縣侯,邑五百戶。 动盗。 靈洗聚徒據黟、歙以拒景。 及景敗, 青冀二州諸軍事 梁元帝於荆州承制,又遣使間道奉表。 子榮退走, 元帝授持節、通直散騎常侍、都督新安郡諸軍事、雲塵將軍、譙 、青州刺史,增邑并前一千戶,將軍、太守如故。 靈洗復據新安。 景軍據有新安,新安太守湘西鄉侯蕭隱奔依靈 神茂爲景所破,景偏帥呂子榮進攻新安,靈 進軍 建德,擒賊帥趙桑乾。 劉神茂自東陽建義拒賊, 以功授持 靈 州

列

傳

第四

程

靈洗

防京口 使招 荆 州 諭 仍 令靈洗 荆州 ,久之乃降,高祖 及平徐嗣徽,靈洗有功,除南丹陽太守,封遂安縣侯,增邑幷前一千五百戶,仍鎭 陷 率所部 還都。 下揚州,助王僧辯鎭防。 高祖誅 深義之。 僧辯 紹泰元年,授使持節、信武 靈洗 率所領來援,其徒力戰於石頭 遷吳興太守,未行,僧辯命靈洗從侯與西援 、將軍、 蘭陵太守,常侍如 西門,日軍不利, 故, 助 遭

採石

之,虜其兵士,幷獲青龍 刺 高唐、太原 史。 隨周文育西討王琳,於沌口敗績,爲琳所拘。 侯瑱 二郡太守, 等敗王琳于栅口,靈洗 仍鎭 十餘乘。 南陵。 以功授持節、都督南豫 乘勝逐北,據 遷太子左衛率。 有 魯山。 明年,與侯安都等逃歸。 高 祖 崩 州緣江諸 徴爲 王琳 左衛 前軍 軍 將軍,三 事、 東下,靈洗於 信武 兼丹陽尹 餘 將軍、 如 故 南陵 南 ノ,出 豫 州 破

中護軍 天嘉 常 四年,周迪 侍 如 故。 重寇臨川 出 爲使持節、 靈洗 都督郢巴武 三州諸軍 陽別道擊之, 事、 宣毅將軍、郢州 刺 史。 廢命即

以

爲都督,

自鄱

迪又走

山谷間。

五年,遷

位 進號雲麾將軍

攻圍靈洗,靈洗嬰城固守。 部、因推 華皎 之反也,遣使 心待之,使其子文季領水軍 招 誘 及皎退,乃出軍躡定,定不獲濟江, 靈洗、靈洗斬皎使,以狀聞。 ·助防。 是時周遣 其將長胡公拓跋定 朝廷深嘉其忠,增其 以其衆降。 率步 因進攻周沔州 (守備, 騎 一萬 給 鼓 助 皎 吹

克之,擒其刺史裴寬。以功進號安西將軍,改封重安縣公,增邑幷前二千戶。

明,與士卒同甘苦,衆亦以此依附。 五十五。 不能及也。 靈洗性嚴急,御下甚苛刻,士卒有小罪,必以軍法誅之,造次之閒,便加捶撻,而號令分 贈鎭西將軍、開府儀同三司,諡曰忠壯。太建四年,詔配 伎妾無游手,並督之紡績。 性好播植,躬勤耕稼,至於水陸所宜,刈穫早晚,雖老農 至於散用貲財,亦弗儉吝。 享高祖廟庭。子文季嗣。 光大二年,卒於州,時年

周文育、侯安都等敗於沌口,爲王琳所執,高祖召陷賊諸將子弟厚遇之,文季最有禮容,深 爲高祖所賞。 文季字少卿。 永定中,累遷通直散騎侍郎、句容令。 幼習騎射,多幹略,果決有父風。 弱冠從靈洗征討,必前登陷陣。靈洗與

世 祖 嗣位,除宣惠始與王府限內中直兵參軍。 是時王爲揚州刺史,鎭冶城,府中軍事

悉以委之。

率精甲三百,輕往攻之。文政遣其兄子瓚來拒,文季與戰,大破瓚軍,文政乃降。 天嘉二年,除貞毅將軍、新安太守,仍隨侯安都東討留異。 異黨向文政據有新安,文季

三年,始興王伯茂出鎭東州,復以文季爲鎭東府中兵參軍,帶剡令。

四年,陳寶應 與留異連結,又遺兵隨周迪更出臨川,世祖遺信義太守余孝頃自海道襲

列

傳

第

76

程靈洗

七三

|季

,盡領其衆,起爲超武將軍,仍助防郢州。

文季性至孝,雖軍旅奪禮,而毀瘠甚至。

出爲臨海太守。 晉安,文季爲之前軍,所向克捷。 尋乘金翅助父鎭郢城。 陳寶應平,文季戰功居多,還,轉府諮議參軍,領中直兵。 華皎平,靈洗及文季並有扞禦之功。及靈洗卒,文

中,乃前遣文季領驍勇拔開其栅,明徹率大軍自後而至,攻秦郡克之。又別遣文季圍涇州, 巴陵內史雷道勤拒戰死之,文季僅以身免。 之,盡焚其舟艦。 征 蕭歸 五年, 太建二年,爲豫章內史,將軍如故。 歸與周軍多造舟艦,置于青泥水中。 都督吳明徹北討秦郡, 昭達因蕭巋等兵稍怠,又遣文季夜入其外城,殺傷甚衆。 秦郡前江浦通(鱼)[涂]水,[3] 齊人並下大柱爲杙,栅水 服闋,襲封重安縣公。 以功加通直散騎常侍、安遠將軍,增邑五百戶。 時水長漂疾,昭達乃遣文季共錢道戢輕舟 隨都督章昭達率軍往荆州 旣而周兵大出, 襲

憚之, 陣役人,文季必先諸 文季臨事謹急,御下嚴整,前後所克城壘,率皆迮水爲堰,土木之功,動踰數萬。 謂爲程獸。四 以功除散騎常侍、明威將軍,增邑五百戶。 將,夜則早起,迄暮不休,軍中莫不服其勤幹。 又帶新安內史, 進號武毅 每戰恆為前 鋒,齊軍 每置 深

屠其城,進攻盱眙,拔之。

仍隨明徹圍壽陽。

八年,爲持節、都督識州諸軍事、安遠將軍、譙州刺史。 其年,又督北徐仁州諸軍事、北 將軍

騎常侍、前重安縣開國公文季,纂承門緒,克荷家聲。 後主是時旣與周絕,不之知也。 所囚 徐州刺史,餘並如故。 言念勞舊,傷茲廢絕,宜存廟食,無使餧而。 有聞,而覆喪車徒,允從黜削。 ,仍授開府儀同三司。 九年,又隨明徹北討,於呂梁作堰,事見明徹傳。 十一年, 但靈洗之立功扞禦,久而見思,文季之埋魂異域,有足 至德元年,後主始知之,追贈散騎常侍。 自周逃歸,至渦陽,爲邊吏所執,還送長安,死于獄中 可降封重安縣侯,邑一千戶,以子饗襲封。」 早歲出軍,雖 非元帥,啓行爲最,致果 十年春,敗績,爲周 尋又詔曰:「故散 可憫。 至

臨戎克辦矣。 史臣 曰:程靈洗父子並御下嚴苛,治兵整肅,然與衆同其勞苦,匪私財利,士多依焉,故

#### 校勘記

其徒力戰 於石 頭 西門 殿本考證 云「徒」南史作「夜」。 '今按"疑作「夜」是。

徴 爲 左 衛 將 軍 左衛 將軍」各本並譌「衛士將軍」、今據南史改

秦 郡 前 江浦 通 (塗) [涂] 水 據南史及通鑑改。 按涂水即滁水、通鑑胡注云「涂、讀曰滁

列 傅 第 四 校 勘 記

[1] 謂爲程獸 「獸」北監本、殿本作「虎」,此避唐諱 按南史改「虎」爲「彪」,亦避唐諱。

C 五 ] 以子饗襲封 殿本考證云「饗」南史作「響」。

一七六

## 陳書卷十一

## 列傳第五

## 黃法 「 淳于 量 章昭達

郡事。 育進軍討慶,文育疑慶兵彊,未敢進,法熙率衆會之,因進克笙屯,俘獲甚衆。 時法興出頓新淦縣,景遣行臺于慶至豫章,慶分兵來襲新淦,法熙拒戰,敗之。高祖亦遣文 閑明簿領,出入郡中,爲鄕閻所憚。侯景之亂,於鄕里合徒衆。太守賀詡下江州,法縣監知 |黄法熙字||中昭,巴山||新建人也。少勁捷有膽力,步行日三百里,距躍三丈。 頗便書疏, 高祖將踰嶺入援建業,李遷仕作梗中途,高祖命周文育屯于西昌,法無遣兵助文育。

年,除明威將軍、游騎將軍,進爵爲侯,邑五百戶。」貞陽侯僭位,除左驍騎將軍。 梁元帝承制授超猛將軍、交州刺史資,領新淦縣令,封巴山縣子,邑三百戶。 敬帝即位, 承聖三

列傳第五 黄法蚝

改封新建縣侯,邑如前。

太平元年,割江州四郡置高州,以法厩爲使持節、 散騎常侍、都督高州諸軍事、

軍、高州刺史,鎭于巴山。 蕭勃遣歐陽頠攻法興,法興與戰,破之。

儀同三司。<br />
熊曇朗於金口反,害周文育,法<br />
張共周迪討平之,語在<br />
曇朗傳。 永定二年,王琳遣李孝欽、樊猛、余孝頃攻周迪,且謀取法興,法興率兵援迪,擒孝頃等 進號宣毅將軍,增邑幷前一千戶,給鼓吹一部。又以拒<br />
王琳功,授平南將軍、開府

徵爲中衛大將軍 迪平,法蚝功居多。 儀同、鼓吹竝如故。 世祖嗣位,進號安南將軍。天嘉二年,周迪反,法厩率兵會都督吳明徹,討迪於工塘。 徵爲使持節、散騎常侍、都督南徐州諸軍事、鎭北大將軍、南徐州刺史, 未拜, 尋又改授都督江吳二州諸軍事、鎭南大將軍、江州刺史。 六年,

徐州 刺史。二年,徙爲都督郢巴武三州諸軍事、鎭西將軍、郢州刺史,持節如故。 廢帝即位,進爵爲公,給扶。光大元年,出爲使持節、都督南徐州諸軍事、鎮北將軍、南

常侍、都督南豫州諸軍事、征南大將軍、南豫州刺史。五年,大舉北伐,都督吳明徹出秦郡, |毅分兵於||大峴禦之,大破齊軍,盡獲人馬器械。於是乃爲拍車及步艦,竪拍以逼壓陽。 以 法熊 太建元年,進號征西大將軍。二年,徵爲侍中、中權大將軍。四年,出爲使持節、散騎 爲都督,出歷陽。齊遣其歷陽王步騎五萬來援,四於小峴築城,法熊遣左衛將軍樊

還北。 以功加侍中,改封義陽郡公,邑二千戶。 其年,遷都督合霍二州諸軍事、征西大將 崩,克之,盡誅戍卒。進兵合肥,望旗降款,法輕不令軍士侵掠,躬自撫勞,而與之盟,並放 陽人窘蹴乞降,法熈緩之,則又堅守,法熈怒,親率士卒攻城,施拍加其樓堞。時又大雨,城 中權大將軍、司空、諡曰威。子玩嗣。 侍中、散騎常侍、持節、將軍、儀同、鼓吹、扶並如故。 八年十月,薨,時年五十九。 軍、合州刺史,增邑五百戶。七年,徙都督豫建光朔合北徐六州諸軍事、豫州刺史,鎮壽陽, 贈侍中、

淳于量字思明。 其先濟北人也,世居京師。 父文成,仕梁爲將帥,官至光烈將軍、梁州

刺史。

量少善自居處,偉姿容,有幹略,便弓馬。梁元帝爲荆州刺史,文成分量人馬,令往事 起家湘東王國常侍,兼西中郎府中兵參軍。 累遷府佐、常兼中兵、直兵者十餘載,兵甲

士卒,盛於府中。

列傳第五

淳于量

至,與僧辯幷力,大破道期,斬其酋長,俘虜萬計。以功封廣晉縣男,邑三百戶,授涪陵太 |荆、雍之界,蠻左數反,山帥文道期積爲邊患,中兵||王僧辯征之,頻戰不利,遣量助之。

守。 歷爲 新興、武寧二郡太守。

督桂 仍隨 都督王僧 假 定東 僧 節、通直散騎常侍、都督巴州諸軍事、信威將軍、巴州刺史。 辯 辯 西寧等四州諸軍 克平侯景。 入據巴陵。 梁元帝凡遣五軍入援京邑,量預其一 承聖元年,以功授左衛將軍 量與僧辯幷力拒景,大敗景軍,擒其將任約。 ·事、信威將軍、安遠護軍、桂州 - ,封謝沐縣侯,邑五百戶。 0 臺城陷, 刺 史。 量還荆州。 侯景西上攻巴州,元帝使 進攻郢州,獲宋子仙 尋出 元帝承制以量 爲持節、都

歸 尋 進 於 高 號鎭 荆 旭 孙 陷,量保據桂州。 南 將軍。 高 祖受禪, 仍授都督、 授持節、 王琳擁割湘 、鎭西大將軍、開府儀同三司。 散騎常侍、 、郢,累遣召量, 平西大將軍 量外雖 給鼓吹一部,都督、 世祖 與琳往來,而別遣使從閒道 嗣位, 進號 刺 征 史並 南 大將軍 如故。

部 皎 吹 以 公,增邑一千戶。 將 平, 兵迎量。 部。 帥 幷 琳 降周 多戀本土,言 華皎 平 後,頻請 天康元年,至都 將 構逆,以量爲使持節、征 長胡公拓跋 未拜,出爲使持節、都督南徐州諸軍事、鎭北將軍、南徐州刺 入朝,天嘉五年,徵爲中撫 並欲逃入山谷,不 ,以在道淹留,爲 定等。 以 功 南 大將軍 授侍中、 願 入朝。 有司 大將軍,吕 、西討 中軍 所奏,免儀同,餘 世祖 大都督,總率 大將軍、開府 使湘 常侍、儀同、鼓吹竝如故。 州刺 史華皎征衡州界黃洞 並 大艦,自郢 儀 如 同 故。 三司, 光大 州 史,侍中、儀 進 樊浦拒之。 元年,給鼓 封體 陵縣 量所 且

同、鼓吹並如故。

量免侍中。 太建元年,進號征北大將軍,給扶。三年,坐就江陰王蕭季卿買梁陵中樹,季卿坐免, 尋復加侍中。五年,徵爲中護大將軍,回 侍中、儀同、鼓吹、扶並如故

兖譙三州諸軍事、車騎將軍、南兖州刺史,餘並如故。 餘並如故。 史,侍中、儀同、鼓吹、扶並如故。七年,徵爲中軍大將軍、護軍將軍。 增邑一千五百戶。六年,出爲使持節、都督斟巴南同定四州諸軍事、征西大將軍、郢州 尋復加侍中。十年,吳明徹陷沒,加量使持節、都督水陸諸軍事,仍授散騎常侍、都督南北 吳明徹之西伐也,量贊成其事,遺第六子岑率所領從軍。 十四年四月薨,時年七十二。贈司空。 十三年,加左光祿大夫,增邑五百戶 推南克定,量改封始安郡公, 九年,以公事免侍中。

章昭達字伯通,吳興武康人也。 祖道蓋,齊廣平太守。父法尚,梁揚州議曹從事

亂,昭達率募鄉人援臺城,爲流矢所中,眇其一目,相者見之,曰:「卿相善矣,不久當貴。」 費。」梁大同中,昭達爲東宮直後,因醉墜馬,鬢角小傷,昭達喜之,相者曰「未也」。及侯景之 阳達性倜儻,輕財尙氣。 少時,嘗遇相者,謂昭達曰:「卿容貌甚善,須小虧損,則當富

平,又從世祖東討張彪於會稽,克之。 累功除明威將軍、定州刺史。 城,世祖拒之,命昭達總知城內兵事。及杜泰退走,因從世祖東進,軍吳與,以討杜龕。 長城招聚兵衆,以備杜龕,頻使昭達往京口,稟承計畫。 來謁世祖。世祖見之大喜,因委以將帥,恩寵優渥,超於儕等。及高祖討王僧辯,今世祖還 京城陷,昭達還鄉里,與世祖遊,因結君臣之分。侯景平,世祖爲吳興太守,昭達杖策 僧辯誅後,龕遣其將杜泰來攻長

千戶。 年,除武康令。世祖嗣位,除員外散騎常侍。天嘉元年,追論長城之功,封欣樂縣侯,邑一 是時留異擁據東陽,私署守宰,高祖患之,乃使昭達爲長山縣令,居其心腹。永定二

事、智武將軍、、郢州刺史,增邑幷前千五百戶。 尋進號平西將軍。 拍中于賊艦。三琳平,昭達册勳第一。二年,除使持節、散騎常侍、都督郢巴武沅四州諸軍 專隨侯安都等拒王琳于(沌)[栅]口,[h] 戰于蕪湖,昭達乘平虜大艦,中流而進,先鋒發

之界,水陸爲栅,以拒官軍。昭達與戰不利,因據其上流,命軍士伐木帶枝葉爲筏,施拍於 迪。至東興嶺,而迪又退走。昭達仍踰嶺,頓于建安,以討陳寶應。寶應據建安、晉安二郡 縣侯,增邑幷前二千戶,常侍如故。四年,陳寶應納周迪,復共寇臨川,又以昭達爲都督討 周迪據臨川反、韶令昭達便道征之。及迪敗走,徵爲護軍將軍,給鼓吹一部,改封邵武

道。 昭達放筏衝突寶應水栅,水栅盡破。又出兵攻其步軍。方大合戰,會世祖遣余孝頃出自海 其 上,綴以大索,相次列營,夾于兩岸。實應數挑戰,昭達按甲不動。俄而暴雨,江水大長, 適至,因幷力乘之,寶應大潰,遂克定閩中,盡擒留異、寶應等。以功授鎮前將軍、開府

江郢吳三州諸軍事、鎮南將軍、江州刺史,常侍、儀同、鼓吹如故。 何 .以償夢。]昭達對曰:「當効犬馬之用,以盡臣節,自餘無以奉償。」尋又出爲使持節、都督 初,世祖嘗夢昭達升於台鉉,及旦,以夢告之。至是侍醮,世祖顧昭達曰:「卿憶夢不?

同三司。

百戶。 遲留,爲有司 ,又頻遣使招之,昭達盡執其使,送于京師。一談平,進號征南大將軍,增邑幷前二千五 廢帝即位,遷侍中、征南將軍,改封邵陵郡公。華皎之反也,其移書文檄,並假以昭達 秩滿,徵爲中撫大將軍,侍中、儀同、鼓吹如故。 所劾,降號車騎將軍 高宗即位,進號車騎大將軍,以還朝

流突之,贼衆 上流,裝艫造拍,以臨賊棚。 恒擾不知所 歐陽統據有嶺南反,韶昭達都督衆軍討之。 大敗,因而擒舵,送于京師,廣州平。 爲,乃出 頭洭口,多聚沙石,盛以竹籠,置于水棚之外,用遏舟艦。 又令軍人銜刀,潛行水中,以斫竹籠,籠篾皆解。 以功進車騎大將軍,遷司空,餘並 昭達倍道兼行,達于始興。 因縱 於聞昭達 奄 昭達居其 大艦隨

列傳

引大索,編章爲橋,己以度軍糧。 戢、程文季等,乘輕舟襲之,焚其舟艦。周兵又於峽下南岸築壘,只名日安蜀城,於江上橫 太建二年,率師征蕭巋于江陵。時蕭巋與周軍大蓄舟艦於靑泥中,昭達分遣偏將錢道 昭達乃命軍士爲長戟,施於樓船之上,仰割其索,索斷糧

絕,因縱兵以攻其城,降之。 三年,遘疾,薨,恃年五十四。赠大將軍,增邑五百戶,給班劍二十人。

羣下,將士亦以此附之。每飲會,必盛設女伎雜樂,備盡芜胡之聲,音律姿容,並一時之妙, 雖臨對寇敵,旗鼓相望,弗之廢也。四年,配享世祖廟庭。 昭達性嚴刻,每奉命出征,必晝夜倍道;然有所克捷,必推功將帥,廚膳飲食,並同於

俱逃。 建安。建安內史吳慧覺據郡城拒之,通累攻不克。官軍稍近,人情離異,大寶計窮,乃與通 後主以太僕卿李暈代之。至德三年四月,暈將到州,大寶乃襲殺暈,舉兵反,遣其將楊通寇 尋爲追兵所及,生擒送都,於路死,傳首梟于朱雀航,夷三族。 子大寶、襲封邵陵郡公、累官至散騎常侍、護軍。出爲豐州刺史,在州貪縱,百姓怨酷, 臺軍主陳景詳率兵追躡大寶。大寶旣入山,山路阻險,不復能行,通背負之,稍進。

背之理,位至鼎司,亦其智也。 於戰勝攻取,累平寇難,斯亦良臣良將,一代之吳、耿矣。 史臣曰:黃法輕、淳于量值梁末喪亂,劉、項未分,其有辯明暗見是非者蓋鮮,二公達向 昭達與世祖鄉壤惟舊,義等鄧、蕭,世祖纂曆,委任隆重,至

#### 校勘記

- 齊遣其歷陽王步騎五萬來援 按宣帝紀云「齊遣兵十萬援歷陽」,此云「五萬」,與紀異。
- 徵爲中撫大將軍 「中撫大將軍」世祖紀作「中撫軍大將軍」,南史亦作「中撫軍大將軍」。 按「中
- 撫」各書或作「中撫軍」。
- 多戀本土 「土」原譌「生」,各本不譌,今改正。

軍」。

- 徴 爲 中護大將軍 「中護大將軍」宣帝紀太建五年、六年並作「中權大將軍」、徐陵傳作「中權將
- Ŧ 須口之東,水導巢湖,今謂之柵江口」。 專隨侯安都等拒王琳于(袖)[栅]口 入江之口,遠在棚口之西矣。 據侯安都傳、 若池口,則爲前王琳大敗陳師,侯安都等被俘處,當沌水 侯與傳及通鑑改。 按通鑑胡注云「栅口在濡
- . ベ ン 周兵又於峽下南岸築壘 列 傳 第 五 校 勘 記 「峽下」南史作「峽口」,通鑑同。 按通鑑胡注云:「峽口,西陵峽口也。」

## 陳書卷十二

## 列傳第六

# 胡穎 徐度子敬成 杜稜 沈恪

高祖與其同郡,接遇甚隆。 至武陵國侍郎,東宮直前。出番禺,征討俚洞,廣州西江督護高祖在廣州,穎仍自結高祖, 胡穎字方秀,吳與東遷人也。其先寓居吳興,土斷爲民。穎偉姿容,性寬厚。 及南征交趾,穎從行役,餘諸將帥皆出其下。及平李賁,高祖旋 梁世仕

師,顯隸在西江,出兵多以顯留守。

縣令。 祖率衆與王僧辯會於白茅灣,同討侯景,以穎知留府事。 侯景之亂,高祖克元景仲,仍渡嶺援臺,平蔡路養、李遷仕,穎皆有功。歷平固、遂興二 高祖進軍頓西昌,以穎爲巴丘縣令,鎭大皐,督糧運。 下至豫章,以穎監豫章郡。

梁承聖初,元帝授穎假節、鐵騎將軍、羅州刺史,封漢陽縣侯,邑五百戶。 尋除豫章內

年,除持節、散騎常侍、仁威將軍。 育於吳興討杜龕。 五原太守,隨杜僧明援光,不克,退還,除曲阿令。 令隨<u>頃,於</u>東關大破之(元建)。 隨高祖 鎭京口。 紹泰元年,除假節、都督南豫州諸軍事、輕車將軍、南豫州刺史。 齊遣郭元建出關,都督侯瑱率師禦之。高祖選府內驍勇三千人配穎, [I] 三年,高祖圍廣陵,齊人東方光據宿預請降,[I] 以穎爲 尋兼丹陽尹。 **尋領馬軍,從高祖襲王僧辯。又隨周文** 太平元

日此。 如故。 世祖嗣位、除侍中、都督吳州諸軍事、宣惠將軍、吳州刺史。不行、專爲義興太守、將軍 高祖受禪,兼左衛將軍,餘如故。 天嘉元年,除散騎常侍、吳與太守。 二年,配享高祖廟庭。 子六同嗣。 永定三年,隨侯安都征王琳,於宮亭破賊帥常衆愛 其年六月卒, 時年五十四。 贈侍中、中護軍

昭達南平歐陽紅,急 穎 弟鑅,亦隨 穎將軍。 爲廣州東江督護。 穎卒, 鱳統其衆。歷東海、豫章二郡守, 遷員外散騎常侍。 還預北伐,除雄信將軍、歷陽太守。 太建六年卒, 隨章

贈桂州刺史。

徐度字孝節,安陸人也。 世居京師。 少倜儻,不拘小節。及長,姿貌瓌偉,嗜酒好博,

恆 使懂 慢屠 酤 爲事。 梁始興 內史蕭介之郡, 度從之,將領士卒,征諸山洞,以驍勇聞 高祖

征交趾,厚禮招之,度乃委質。

歸 至 白 侯景之亂,高 茅灣,梁元帝授 祖克定廣州,平蔡路養,破李遷仕, 公寧朔 將軍、合州 刺 史。 侯景平後, 追錄前後戰功, 計畫多出 於 度。 兼統兵甲, 每戰 加通直散騎 常侍, 有功。

封廣德縣侯,邑五百戶。遷散騎常侍。

江 高 陵 祖 陷,閒行 鎭朱方, 東歸。 除信 武 高 將軍 祖 一、蘭陵 平 主 僧辯,度與侯安都爲 太 守。 高祖 遺衡陽獻王(平)[往]荆州, 水軍。 紹泰元 九年,高祖 東討杜 度 率所領從

敬帝幸京口,以度領宿衞,幷知留府事。

郢 救 遙 遠, 州 之, 徐 刺 恐為 大 史 嗣 敗 徽 兼 約 賊 任 等。 領 所 約 吳 乘 等來寇 興 明 乃使 太 年, 守。 嗣 度 高 將 徽 尋 兵 等叉引 |祖 遷鎭 鎭 與 一、敬帝 子 右 冶 齊 將 城寺 還 寇濟江,度隨 軍 都。 、築壘 領 軍 時賊已據石 將 以 軍 斷之。 衆 一、徐州 軍 破 頭城, 之於 賊悉 緣 江 諸 北 衆 市 軍 郊 來攻,不能 鄭居民, 事 壇 ` 至 以 功除 並 鎭 克。 北 在 信 將 南路,去臺 高 威 軍 祖 南徐 將 尋亦

位 遷 周 侍 文 中、 中 侯 撫 安 軍 都 將 等西 軍 · 開 討 府 王 儀 琳, 同三司 敗 績, 爲 進爵 琳 所 爲 拘, 公。 功 未 以度 拜, 爲 出 前 爲 軍 使持節 都 督) 鎭于 散 騎 南 常 陵。 侍 鎭 世 東將 祖 嗣

州

刺

史,給

鼓

吹

部

列

傳

第

六

徐

度

鎭東將軍、會稽太守。 中、中軍將軍。 軍事、鎭南將軍、湘州刺史。秩滿,爲侍中、中軍大將軍,儀同、鼓吹並如故。 軍、吳郡太守。 天嘉元年,增邑千戶。以平王琳功,改封湘東郡公,邑四千戶。 出為使持節、都督會稽東陽臨海永嘉新安新寧信安晉安建安九郡諸軍事 未行而太尉侯瑱薨于湘州,乃以度代與爲都督湘沅武巴郢桂六州諸 秩滿,爲侍

以襲湘州,盡獲其所留軍人家口以歸。光大二年薨,時年六十。贈太尉,給班劍二十人,諡 日忠肅。 兵下至沌口,與王師相持,乃加度使持節、車騎將軍,總督步軍,自安成郡由嶺路出于湘東, 世祖崩,度預顧命,以甲仗五十人入殿省。廢帝即位,進位司空。華皎據湘州反,引周 太建四年,配享高祖廟庭。子敬成嗣。

安都得歸,除太子舍人,遷洗馬。(敬成父)度爲吳郡太守,[长]以敬成監郡。天嘉二年,遷太 陳寶應,晉安平,除貞威將軍、豫章太守。光大元年,華皎謀反,以敬成爲假節、都督巴州諸 子中舍人,拜湘東郡公世子。四年,度自湘州還朝,士馬精銳,敬成盡領其衆。隨章昭達征 定元年,領度所部士卒,隨周文育、侯安都征王琳,於沌口敗績,爲琳所絷。二年,隨文育、 敬成幼聰慧,好讀書,少機警,善占對,結交文義之士,以識鑒知名。起家著作郞。永

軍事、雲旗將軍、巴州刺史。

尋認爲水軍,隨吳明徹征華皎,皎平還州。(太建) 二年, [+] 以

父憂去 一職。 尋起爲持節、 都督南豫州諸軍 事、 壯武將軍、南豫州刺史。 匹 年, 襲舒湘 東郡

公,授太子 右 衞 率

軍,鎭 兖州 州刺史,將軍如故,鎭宿預。 二成。 金翅自歐陽引埭上泝江 五年、除貞威將軍、吳興太守。 胸山。 淮 仍進攻鬱州,克之。 、泗義兵相率響應,一二日間,衆至數萬,遂克淮陰、 坐於軍 中輒科 由廣 以功加通直散騎常侍 訂 陵。 七年卒,時年三十六。 并誅新附, 齊人皆城守, 其年隨都督吳明徹北討, 発官。 弗敢出。 、雲旗將軍, 尋復爲持節 贈散騎常侍,諡 自繁梁湖 山陽、 出秦郡, 增邑五百戶。 都督安元潼三州諸軍事 下淮,圍淮陰城。 鹽城 日 思。 別遣敬成爲都督, 三郡,幷連 子敞嗣 又進號壯 仍監 武 朐 安 將 北 乘 Щ

路養、 遊嶺南,事梁廣州 杜 李遷仕皆有功。 | 稜字雄盛, 吳郡錢塘 刺史新渝 軍至豫章, 人也。 侯 蕭 暎。 世爲 梁元帝承制授陵仁威將軍、石州刺史, 暎 卒, 縣 大姓。 從高 祖, 稜頗涉書傳, 恆 典 書記。 少落泊, 侯景之亂, 不爲當世 上 命稜將 陌縣侯, 所 領 知。 涿

侯景平,高祖鎭朱方,稜監義興、琅邪二郡。 列 傳 第 六 杜 稜 高祖誅王僧辯,公 引稜與侯安都等共議 百戶。

隨方抗拒,稜晝夜巡警,綏撫士卒,未常解帶。 辯平後,高祖東征杜龕等,留稜與安都居守。 稜難之。 高祖懼其泄己,乃以手巾絞稜,稜悶絕于地,因閉於別室。 徐嗣徽、任約引齊寇濟江,攻臺城,安都與稜 賊平,以功除通直散騎常侍、右衛將軍、丹陽 軍發,召與同行。 及僧

永定元年,加侍中、忠武將軍。

尋**遷**中領軍,侍中,將軍

· 如故。

位,遷領軍將軍。 朝廷宿將,唯稜在都,獨典禁兵,乃與蔡景歷等祕不發喪,奉迎世祖,事見景歷傳。 晉陵太守,加秩中二千石。 二年,徵爲侍中、領軍將軍。 三年,高祖崩,世祖在南院。 天嘉元年,以預建立之功,改封永城縣侯,增邑五百戶。 時內無嫡嗣,外有彊敵,侯與、侯安都、徐度等並在軍中, 專遷翊左將軍、<u></u>丹陽尹 出爲雲塵將軍, 世祖即

軍 一將軍。 廢帝 即位,遷鎭右將軍、特進,侍中、尹如故。 光大元年,解尹,量置佐史,給扶,重授領

鼓吹 軍。 一部,將軍、佐史、扶竝如故 尋加特進、護軍將軍。· 三年,以公事免侍中、護軍。 太建元年,出爲散騎常侍、鎭東將軍、吳興太守,秩中二千石。 四年,復爲侍中、右光祿大夫,幷給 二年,徵爲侍中、鎭右將

贈開府儀同三司,喪事所須,並令資給,諡曰成。 稜歷事三帝,並見恩寵。 末年不預征役,優遊京師,賞賜優洽。 其年配享高祖廟庭。子安世嗣。 頃之卒于官, 時年七 列傳第六 沈恪

徐州 戰有功,除中兵參軍。 ,恪隨映之鎮。映遷廣州,以恪兼府中兵參軍,常領兵討伐俚洞。 沈恪字子恭,吳興武康人也。深沈有幹局。 高祖與恪同郡,情好甚暱,蕭映卒後,高祖南討李賁,仍遣妻子附恪 梁新渝侯蕭映爲郡將,召爲主簿。 盧子略之反 也,恪拒 映遷北

還鄉。

尋補東宮直後,以嶺南勳除員外散騎侍郎,仍令招集宗從子弟。 [5]

城陷,恪閒行歸鄉里。 口 山 ,即日授都軍副。 以應之,恪爲東土山主,晝夜拒戰。以功封東興縣侯,邑五百戶。 侯景圍臺城,恪率所領入臺,隨例加右軍將軍。 賊起東西二土山以逼 尋爲(君)[府]司馬。[10] 高祖之討侯景,遣使報恪,乃於東起兵相應。 遷員外散騎常侍。 賊平,恪謁高祖於京 域,城內亦作土

出 率兵 備 除宣猛將軍、 郡 龕,又使恪還武康,招集兵衆。及僧辯誅,龕果遣副將杜泰率衆襲世祖於長城。恪時已 ,恪軍亦至, 及高祖謀討王僧辯,恪預其謀。時僧辯女壻杜龕鎭吳興,高祖乃使世祖還長城,立棚 士出縣誅龕黨與,高祖尋遣周文育來援長城,文育至,泰乃遁走。世祖仍與文育進軍 交州刺史。 屯于郡南。 其年遷永嘉太守。 及龕平,世祖襲東揚州刺史張彪,以恪監吳興郡。太平元年, 不拜,復令監吳興郡。 自吳興入朝。 高祖受

更以盪主王僧志代之。

謝曰:「恪身經事蕭家來,今日不忍見許事,分受死耳,決不奉命。」高祖嘉其意,乃不復逼, 禪,使中書舍人劉師知引恪,令勒兵入辭,曰因衛敬帝如別宮。恪乃排闥入見高祖,叩頭

常侍、智武將軍、吳州刺史,便道之鄱陽。尋有詔追還,行會稽郡事。其年,除散騎常侍、忠 武將軍、會稽太守。 迪,以恪爲壯武將軍,率兵踰嶺以救迪。余孝頃聞恪至,退走。三年,遷使持節、通直散騎 高祖踐祚,除吳興太守。永定二年,徙監會稽郡。會余孝頃謀應王琳,出兵臨川攻周

都督荆武祐三州諸軍事、平西將軍、荆州刺史。未之鎭,改爲護軍將軍。日司 諸軍事、軍師將軍、<br />
郢州刺史。六年,<br />
徵爲中護軍。<br />
尋遷護軍將軍。<br />
光大二年,<br />
遷使持節、 軍、太守如故。天嘉元年,增邑五百戶。二年,徵爲左衛將軍。俄出爲都督郢武巴定四州 世祖嗣位,進督會稽、東陽、新安、臨海、永嘉、建安、晉安、新寧、信安九郡諸軍事,將

廷遣司空章昭達督衆軍討紇,紇平,乃得入州。州罹兵荒,所在殘毀,恪綏懷安緝,被以恩 軍事、鎮南將軍、平越中郎將、廣州刺史。恪未至嶺,前刺史歐陽紇舉兵拒險,恪不得進,朝 高宗即位,加散騎常侍、都督廣衡東衡交越成定新合羅愛德宜黃利安石雙等十八州諸

惠,嶺表賴之。

卒,時年七十四。贈翊左將軍,詔給東園祕器,仍出舉哀,喪事所須,並令資給,諡曰元。子 故。 常侍、衞尉卿。其年授平北將軍、假節,監南兖州。十二年,改授散騎常侍、翊右將軍,監南 法與嗣。 徐州。又遣電威將軍裝子烈領馬五百匹,助恪緣江防戍。明年,入爲衞尉卿,常侍、將軍如 尋加侍中,遷護軍將軍。 太建四年,徵爲領軍將軍。及代還,以途遠不時至,爲有司所奏免。十一年,起爲散騎 後主即位,以疾改授散騎常侍、特進、金紫光祿大夫。其年

公輔之量,生則肉食,終以配饗。盛矣哉! 史臣曰:胡穎、徐度、杜稜、沈恪並附騏驥而騰躍,依日月之光輝,始覯王佐之才,方悟

#### 校勘記

〔一〕於東關大破之(元建) 作「於東關大破元建」,亦通。 據北監本、<br />
汲本、殿本及南史刪。<br />
按南監本亦有「元建」二字,或刪「之」字,

(ニ) 齊人東方光據宿預請降 「東方光」通鑑梁元帝承聖二年、三年凡兩見,皆作「東方白額」,北齊

列傳第六

校勘記

書 段 韶傳同,疑白額爲光之別名。

= 隨章 昭達南平歐陽紇 按「達」原譌「連」、各本不譌、今改正。

 $\neg$ 四 高 |祖遣衡陽獻王(平)[往]荆州 據南史改。 時衡陽獻王爲質子至江陵,作「平」誤。

張森楷校勘記云:「『徐』上疑有『南』字,

下稱『南徐州刺史』,

則此不得徒稱

徐』也。」

 $\overline{\phantom{a}}$ 

五

徐州

緣江

一諸軍事

ベリ (敬成父)度爲吳郡太守 據北監本、殿本删。

(太建) 二年 按徐度傳、度卒於光大二年、廢帝紀同、今據删「太建」二字。

殿本考證云「誅」字上南史有「謀」字。

今按:有「謀」字是。

. ∕• \\_\_/ 仍令招集宗從子弟 殿本考證云「招」南史作「總」。

. . . .

高祖誅王僧辯

尋爲 (君)[府]司馬 據元龜七六五改。 按「君」各本作「郡」、明此「君」字爲「郡」字之譌。 然沈恪

已爲員外散騎常侍,封縣侯,無更爲郡司馬之理。 蓋其時陳霸先都督南徐州諸軍事、征 北 大將

令勒兵入辭 按 北 監 本、汲 本、殿本 無 「辭」字,南史同。

軍、開

府儀

同

三司、南徐州刺

史,恪爲其府之司馬也。

作「府司

馬」是。

光大二年至 改 爲 頀 軍 將 軍 按廢帝紀,沈恪遷平西將軍、荆州刺史在光大元年十一月,改爲護

軍將軍

在光大二年十一月。

## 陳書卷十三

## 列傳第七

### 徐世譜 魯悉達 周敷 有朗 子法尚 周炅

恆爲軍鋒。 仙據城降。 [領]河東太守、三增邑幷前一千戶。 大敗景軍,生擒景將任約,景退走。因隨王僧辯攻郢州,世譜復乘大艦臨其倉門,賊將宋子 赤亭湖。時景軍甚盛,世譜乃別造樓船、拍艦、火舫、水車以益軍勢。將戰,又乘大艦居前, 力,善水戰。梁元帝之爲荆州刺史,世譜將領鄕人事焉。 侯景之亂,因預征討,累遷至員外散騎常侍。尋領水軍,從司徒陸法和討景,與景戰於 徐世譜字興宗,巴東魚復人也。 以功除使持節、信武將軍、信州刺史,封魚復縣侯,邑五百戶。 又破景將侯子鑒於湖熟。〔1〕侯景平後,以功除通直散騎常侍、衡州刺史資,(鎮) 世居荆州,爲主帥,征伐蠻、蜒。 至世譜,尤敢勇有膂 仍隨僧辯東下,

西魏來寇荆州,世譜鎭馬頭岸,據有龍(州)[洲],[5]元帝授侍中、使持節、都督江南諸

軍事、鎭南將軍、護軍將軍,給鼓吹一部。 江陵陷沒,世譜東下依侯瑱

巧,諳解舊法,所造器械,並隨機損益,妙思出人。

紹泰元年, 徵爲侍中、左衛將軍。

高祖之拒王琳,其水戰之具,悉委世譜。

世譜性機

安前將軍、右光祿大夫。轉以疾失明,謝病不朝。 邑八百戶。 一年,出爲使持節、散騎常侍、都督宣城郡諸軍事、安西將軍、宣城太守,秩中二千石。 世譜從弟世休,隨世譜自梁征討,亦有戰功。 永定二年,遷護軍將軍。 光大二年,隸都督淳于量征華皎。 世祖嗣位,加特進,進號安右將軍。 卒,贈通直散騎常侍,諡曰此。 四年卒,時年五十五。 官至員外散騎常侍、 天嘉元年,增邑五百戶。 安遠將軍,枳縣侯 贈本官,諡曰桓侯。 還爲

魯悉達字志通,扶風郿人也。 祖妻, 齊通直散騎常侍、 安遠將軍、衡州刺史,陽塘侯。

父益之、梁雲麾將軍、新蔡義陽二郡太守。

蓄穀。 悉達幼以孝聞,起家爲梁南平嗣王中兵參軍。 時兵荒饑饉,京都及上川餓死者十八九,有得存者,皆攜老幼以歸焉。 侯景之亂,悉達糾合鄉人,保新蔡,力田 悉達分給粮

廪,其所濟活者甚衆,仍於新蔡置頓以居之。 招集晉熙等五郡,盡有其地。 使其弟廣達領 兵隨王僧辯討侯景。景平,梁元帝授持節、仁威將軍、散騎常侍、北江州刺史。

和 吹女樂,悉達兩受之,遷延顧望,皆不就。高祖遣安西將軍沈泰潛師襲之,不能克。齊遣行 臺慕容紹宗以衆三萬來攻鬱口諸鎭,至兵甲甚盛,悉達與戰,敗齊軍,紹宗僅以身免。 ,士卒皆樂爲之用。琳授悉達鎭北將軍,高祖亦遣趙知禮授征西將軍、江州刺史,各送鼓 敬帝即位,王琳據有上流,留異、余孝頃、周迪等所在鋒起,回悉達撫綏五郡,甚得民

城。悉達勒麾下數千人,濟江而歸高祖。高祖見之,甚喜,曰:「來何遲也?」悉達對曰:「臣 者,誠以陛下豁達大度,同符漢祖故也。」高祖嘆曰:「卿言得之矣。」授平南將軍、散騎常侍、 鎭撫上流,願爲蕃屏,陛下授臣以官,恩至厚矣,沈泰襲臣,威亦深矣,然臣所以自歸於陛下 北 連結於齊,共爲表裏,齊遣淸河王高岳助之。相持歲餘,會裨將梅天養等懼罪,乃引齊軍入 江州刺史,封彭澤縣侯。世祖卽位,進號安左將軍。 王琳欲圖東下,以悉達制其中流,恐爲己患,頻遣使招誘,悉達終不從。琳不得下,乃

刺 悉達雖仗氣任俠,不以富貴驕人,雅好詞賦,招禮才賢,與之賞會。遷安南將軍、吳州 遭母 憂,哀毀過禮,因遘疾卒,時年三十八。贈安左將軍、江州刺史,諡曰孝侯。子

列傳第七 魯悉達

弟廣

達,別有

周敷字仲遠,臨川人也。 爲郡豪族。 敷形貌眇小,如不勝衣,而膽力勁果,超出時輩。

性豪俠,輕財重士,鄉黨少年任氣者咸歸之。

内有欲侵掠於毅,敷擁護之,親率其黨捍衛,送至豫章。時觀寧侯蕭永、長樂侯蕭基、豐城侯 侯景之亂,鄉人周續合徒衆以討賊爲名,梁內史始興(藩)王(蕭)毅以郡讓續,云續所部

|蕭泰避難流寓,聞||敷信義,皆往依之。 ||敷愍其危懼,屈體崇敬,厚加給邺,送之西上。

交結。 俄而續部下將帥争權,復反,殺續以降周迪。 敷未能自固,事迪甚恭,迪大憑仗之,漸有兵衆。 迪素無簿閥,恐失衆心,倚敷族望,深求 迪據臨川之工塘, 敷鎮臨川故郡。

侯景平,梁元帝授敷使持節、通直散騎常侍、信武將軍、寧州刺史,封西豐縣侯,邑一千户。 高祖受禪,王琳據有上流,余孝頃與琳黨李(希)〔孝〕欽等共圍周迪,〔半〕敷大致人馬以

助於迪。迪擒孝頃等,敷功居多。

里,曇朗單馬獲免,盡收其軍實。 熊曇朗之殺周文育,據豫章,將兵萬餘人襲敷,徑至城下,敷與戰,大敗之,追奔五十餘 曇朗走巴山郡,收合餘黨,敷因與周迪、 黄法與等進兵園

曇朗,屠之。

|敷兄緣,共||敷據本鄉,亦授||臨川太守。

受召,朝廷未遑致討,但羈縻之,唯敷獨先入朝。 王琳平,授散騎常侍、平西將軍、豫章太守。 天嘉二年,詣闕,進號安西將軍,給鼓吹一 是時南江

曾帥

立顧

戀

巢

窟

,

私

署

令

長

,

不

部,賜以女樂一部,[5] 令還鎭豫章。

五百戶,常侍、鼓吹如故。 太守,餘並如故。尋徵爲使持節、都督南豫北江二州諸軍事、鎮南將軍、南豫州刺史,增邑 方興。仍率衆從都督吳明徹攻迪,破之,擒其弟方興幷諸渠帥。 周迪以敷素出己下,超致顯貴,深不平、乃舉兵反, 遺弟方興以兵襲敷。 韶以敷爲安西將軍、 敷與戰,

虛衿姦詭,遂貽喪仆。至且夙著勤誠,亟勞戎旅,獨深惻愴,愍悼于懷。可存其茅賦,量所 侍、都督南豫州緣江諸軍事、鎭南將軍、南豫州刺史西豐縣開國侯敷,受任遐征,淹時違律, 腑,先乞挺身共立盟誓。」一麼許之,方登壇,爲迪所害,時年三十五。詔曰:「使持節、散騎常 **賻邺,還葬京邑。」諡曰脫。子智安嗣** 相對。迪給敷曰:「吾昔與弟勠力同心,宗從匪他,豈規相害。今願伏罪還朝,因弟披露心 五年,迪又收合餘衆,還襲東興。世祖遣都督章昭達征迪,敷又從軍。 至定川縣,與迪

荀 朗字深明,潁川潁陰人也。 祖延祖 ,梁潁川太守,父伯道,衛尉 卿

致部曲 任約等 所屬。 王僧辯 安南將軍、都督南兖州諸軍事 Ш 梁承聖二年,率部曲萬餘家濟江,入宣城郡界立頓。 朗 頻往 臺城 少慷 東討,朗遣其將范寶勝及弟曉領兵二千助之。 ,解衣推食,以相 征之,朗據山立砦自守,子仙不能 慨,有 陷後,簡文帝 將 帥 大略,起家梁廬陵王行參軍。 **販贈,衆至數萬人。** 密韶授朗雲塵將軍、豫州刺史,令與外藩討景。 、南兖州 刺 史。 未行而荆州陷。 克。 侯景敗於巴陵,朗 時京師大饑,百姓皆於江外就 侯景之亂, 侯景平後,又別破齊將郭元建於踟躕 梁元帝授朗持節 出自濡須 朗招率徒旅,據巢湖閒,無 景使儀 截景,破其後軍 、通直 散騎常侍、 同宋子仙 食,朗更招

軍。 永定元年,賜爵興寧縣侯,邑二千戶,以朗兄昂爲左衛將軍,弟晷爲太子右衛 高 祖拒王琳 祖 入輔,齊遣 於南皖 蕭軌、東方老等來寇,據 石頭城。 朗自宣城來赴,因與侯安都等大破齊 率。

朗隨世

平,遷使持節、安北將軍、散騎常侍、都督霍晉合三州諸軍事、合州刺史。 高 祖 殺 崩, 曉 ,仍繫其兄弟。 宣太后與舍人蔡景歷祕不發喪,朗弟曉在都微知之,乃謀率 世祖 卽 位,並釋之。 因厚 撫慰朗,令與侯安都等共拒 天嘉六年卒,時年 其家 兵 王琳。 襲臺。 琳

授通直: 及隋 軍 法尚少俶儻,有文武幹略,起家江寧令,襲爵興寧縣侯。 濟江,法尚降于漢東道元帥秦王。 散騎侍郎,除脛令,歷梁、安城太守。 入隋,一 **禛明中,爲都督郢巴武三州** 歷邵、觀、綿、豐四州刺史, 太建五年,隨吳明徹北伐。 諸軍事 巴東、燉煌二 、、、野州刺史。 那

侍、廬桂二州刺史,保城縣侯 周炅字文昭,汝南安城人也。 祖疆,齊太子舍人、梁州刺史。 父靈起,梁通直散騎常

陽 因乘勝追之,頻克,約衆殆盡。 驍勇襲破思穆,擒斬之。 兵甚盛。 太守。侯景之亂,元帝承制改授西陽太守,封西陵縣伯。 景將任約來據樊山, 以功授持節、高州刺史。 承聖元年,遷使持節、都督江定二州諸軍 梁大同中爲通直散騎侍郎、 是時炅據武昌、西陽 斬其部將叱羅子通、 景遣兄子思穆據守齊安,炅率 朱衣直閤。 二郡,招聚卒徒,甲 事、戏昭將軍、江州 太清元年,出爲弋 趙迦婁等。

列傳

第七

荀朗

周炅

刺史,進爵爲侯,邑五百戶。

角而進,爲侯安都所敗,擒炅送都。 高祖踐祚,王琳擁據上流,炅以州從之。及王琳遣其將曹慶等攻周迪,仍使炅將兵掎 世祖釋見,授戎威將軍、定州刺史,帶西陽、武昌二郡

年,預平華皎之功,授員外散騎常侍。太建元年,遷持節、龍驤將軍、通直散騎常侍。 天嘉二年,留異據東陽反,世祖召炅還都,欲令討異。未至而異平,炅還本鎭。 天康元

陸騫以衆二萬出自巴、蘄,與炅相遇。 狊留羸弱輜重,設疑兵以當之,身率精銳,由間道邀 邑幷前一千戶。其年隨都督吳明徹北討,所向克捷,一月之中,獲十二城。齊遣尚善左丞 並誅渠帥以城降。 進號和戎將軍、散騎常侍,增邑幷前一千五百戶。 仍敕追 艮入朝。 其後,大敗騫軍, 虜獲器械馬驢, 不可勝數。進攻巴州, 克之。於是江北諸城及 瀔陽士民, 五年,進授使持節、西道都督安蘄江衡司定六州諸軍事、安州刺史,改封龍源縣侯,增

龍升以江北六州七鎮叛入于齊,齊遣歷陽王高景安帥師應之。於是令炅爲江北道大都督, 總統衆軍,以討龍升。龍升使弋陽太守田龍琰率衆二萬陣於亭川,高景安於水陵、陰山爲 初,蕭詧定州刺史田龍升以城降,韶以爲振遠將軍、定州刺史,封赤亭王。及炅入朝,

刺史、持節、都督如故,仍賜女妓一部。 太建八年卒官,時年六十四。 而 以功增邑幷前二千戶,進號平北將軍,定州 贈司州刺史,封武昌

郡公,諡曰此。子法僧嗣,官至宣城太守。

矣。儲隙因於勢利,何其鄙歟? 通侯,美矣。昔張耳、陳餘自同於至戚,周敷、周迪亦誓等暱親,尋鋒刃而誅殘,斯甚夫胡越 史臣曰:彼數子者,或驅馳前代,或擁據故鄉,並識運知歸,因機景附,位升列牧,爵致

### 校勘記

[一] 又破景將侯子鑒於湖熟 於姑孰,見梁書侯景傳及通鑑。 按「湖熟」當作「姑孰」。梁元帝承聖元年,王僧辯等破侯景將侯子鑒

[二](鎭) [領]河東太守 有以刺史資領郡守、縣令者。」 據南史改。 按錢大町廿二史考異云:「『鎭』當作『領』。 梁、陳之間,往往

據有龍(州)[洲] 列 傳 第 七 校 勘 據南史改。按讀史方興紀要七八,荆州府江陵縣有龍洲,在府西南十六里江 記

中。

留異余孝頃周迪等所在鋒起 「鋒起」各本作「蜂起」,南史、元龜四一二同。按鋒起言一時並 起,勢鋭不可當也。 古書「鋒起」「蜂起」往往互出,如後漢書光武紀「寇盗鋒起」,注「『鋒』字或作

『蜂』,即其例也。

八五山 齊遣行臺慕容紹宗以衆三萬來攻鬱口諸鎮 錢大昕廿二史考異云:「按慕容紹宗之死在齊未受

禪以前,安得此時尚存。 此史家傳聞之誤,南史亦仍舊聞,而未據北史以正之。」 錢大町廿二史考異云:「按梁書及南史,始興王惛薨,

世子亮

ベン

梁内史始興藩王蕭毅以郡讓續

嗣, 也。」錢、張以「始興王」聯讀,誤。王毅見通鑑一六三,爲始興人。此「審」、「蕭」兩字當後人擅加耳。 無名『毅』者。」張森楷校勘記亦云:「始興王憺嗣子亮于時尚存,不云名殼,未知毅爲憺何人

[ヤ] 余孝頃與琳黨李(希)[孝]欽等共圍周迪 據南史改。按黄法興傳、周迪傳及北齊書王琳傳並作

「李孝欽」。

賜以女樂一部 「樂」各本並作「妓」。「一部」二字原缺,據各本補。

C \* J 遂貽喪仆 「仆」原作「什」,版刻之譌,今據元龜四五二、五九五改正。 按北監本、 |汲本、

「仆」作「身」,疑後人妄改。

## 陳書卷十四

### 列傳第八

# 衡陽獻王昌 南康愍王曇朗子方泰 方慶

吳興。及高祖東討侯景,昌與宣后、世祖並爲景所囚。景平,拜長城國世子、吳興太守,時 衡陽獻王昌字敬業, 高祖第六子也。 梁太清末, 高祖南征李賁, 命昌與宣后隨沈恪還

荆州,梁元帝除員外散騎常侍。 郡,又遣吳郡杜之偉授昌以經書。昌讀書一覽便誦,明於義理,剖析如流。 昌容貌偉麗,神情秀朗,雅性聰辯,明習政事。高祖遺陳郡謝哲、濟陽蔡景歷輔昌爲 荆州陷,又與高宗俱遷關右,西魏以高祖故,甚禮之。 **尋與高宗俱往** 

流,昌未得還,居于安陸。王琳平後,天嘉元年二月,昌發自安陸,由魯山濟江,而巴陵王蕭 高祖卽位,頻遣使請高宗及昌,周人許之而未遣,及高祖崩,乃遣之。是時王琳梗於中

陳書卷十四

沈等率百僚上表日:

臣聞宗子維城,隆周之懋軌,封建藩屏,有漢之弘規,是以卜世斯永,寔資邢、

衛、[1] 鼎命靈長,實賴河、楚。

豈直社稷用寧,斯乃黔黎是賴。 遐,王師遠次,皇嗣敻隔,繼業靡歸,宗祧危殆,綴旒非喩。 參奉權謨,匡合義烈,威略外舉,神武內定,故以再康禹迹,大庇生民者矣。及聖武升 澄滌八紘,雄圖遐舉,仁聲遠暢,德化所覃,風行草偃,故以功深於微禹,道大於惟堯, 用空,中外騷然,蕃籬罔固。乃旰食當朝,憑流授律,蒼兕旣馳,長虵自翦,廓淸四表, 纂我洪基,光昭景運,民心有奉,園寢克寧,后來其蘇,復在茲日,物情天意,皎然可求。 王琳逆命,逋誅歲久,今者連結犬羊,乘流縱釁,舟旗野陣,綿江蔽陸,兵疲民弊,杼軸 伏惟陛下神猷光大,聖德欽明,道高日月,德侔造化。往者王業惟始,天步方艱, 旣而傳車言反,公卿定策,

章故實,式遵典禮,欽若姬、漢,建樹賢戚。湘中地維形勝,控帶川阜,扞城之寄,匪親 深,克讓之懷常切。伏以大德無私,至公有在,豈得徇匹夫之恆情,忘王業之大計。憲 勿居,宜啓服衡疑,兼崇徽飾。臣等參議,以昌爲使持節、散騎常侍、都督湘州諸軍事 第六皇弟昌,近以妙年出質,提契寇手,偏隔關徼,旋踵末由。陛下天倫之愛旣

驃騎將軍、湘州牧,封衡陽郡王,邑五千戶,加給阜輸三望車,後部鼓吹一部,班劍二十

人。啓可奉行。

韶曰「可」。 三月入境,詔令主書舍人緣道迎接。 景子,濟江,於中流船壞,以溺薨。

宰、揚州牧。給東園溫明秘器,九旒鑾輅,黃屋左纛,武賁班劔百人, 三 轀輬車,前後部羽葆 徒語,曾與輔仁,人之云亡,殄悴斯在,奄焉薨殞,倍增傷悼。 身關隴。及鼎業初基,外蕃逆命,聘問斯阻,音介莫通,睠彼機橋,將隣烏白。今者羣公勠 歷代之通規,固前王之令典。新除使持節、散騎常侍、都督湘州諸軍事、驃騎將軍、湘州牧 鼓吹。葬送之儀,一依漢東平憲王、齊豫章文獻王故事。仍遣大司空持節迎護喪事,大鴻 追,靜言念之,心焉如割。宜隆懋典,以協徽猷。可贈侍中、假黃鉞、都督中外諸軍事、太 力,多難廓清,輕傳入郛,無勞假道。周朝敦其繼好,驂駕歸來,欣此朝聞,庶歡昬定。報施 衡陽王昌,明哲在躬,珪璋早秀,孝敬內湛,聰睿外宣。梁季艱虞,宗社顚墜,西京淪覆,陷 臚副其羽衛,殯送所須,隨由備辦。」諡曰獻。 無子,世祖以第七皇子伯信爲嗣 四月庚寅,喪柩至京師,上親出臨哭。乃下詔曰:「夫寵章所以嘉德,禮數所以崇親,乃 津門之慟空在,恆屾之切不

祖之有 深 驃騎將軍 被知遇。 南 天下 康 、南徐州 也,每稱休先曰:「此弟若存,河洛不足定也。」梁敬帝即位,追贈侍中、使持節、 太清中旣納侯景,有事北方,乃使休先召募得千餘人,授文德主帥,頃之卒。 刺史,封武康縣公,邑一千戶。 高祖受禪,追贈侍中、車騎大將軍、司徒, 高

封南康郡王,邑二千戶,諡曰忠壯。

朗鎭京口 高 大至,曇朗 加 曇朗 北 濟江,圍 少孤,尤爲高祖所愛,寵踰諸子。 與僧明築壘抗禦。 知留府 | 廣陵,宿預 事。 紹泰元年,除中書侍郎,監南徐州 人東方光據鄉建義,乃遺曇朗與杜僧明自淮 專奉命班師,以宿預義軍三萬家 有膽力,善綏御。 侯景平後,起家爲著作佐郎。 淡濟江。 高祖誅王僧辯,留 入泗應赴之。 齊援 量

賓,京 往京口迎之,以曇朗還京師,仍使爲質於濟。 靜 謬 弱 邊疆 必必 輔王室,而 當當 都虛 一年,徐嗣徽、任約 若 背盟。 弱 **違衆議,必謂** ,粮運不斷,在朝文武咸願與齊和 使蠻夷猾夏,不能戡殄,何所逃責。 齊寇若來,諸 引齊寇攻逼京邑,尋而請 孤惜子姪,今決遣曇朗,弃之寇庭。 君須 爲 孤力鬬 也。」高祖慮曇朗憚行,或奔竄東道,乃自率步騎 親,高祖難之,而重違衆議,乃言於朝日:「孤 **今**在 和,求高祖子姪爲質。 [位諸賢,且欲息肩偃武,與齊和好,以 且齊人無 信,窺窬 時四方州郡並多未 不已,謂 我 浸

南徐州刺史、諡曰愍。」乃遣兼郎中令隨聘使江德藻、劉師知迎曇朗喪柩,以三年春 問奄及、追懷痛悼、兼倍常情、宜隆寵數,以光恆序。可贈侍中、安東將軍、開府儀同三司、 蕃維是屬,入質北齊,用紆時難。皇運兆興,未獲旋反,永言跂予,日夜不忘。齊使始至,凶 嘉二年,齊人結好,方始知之。世祖詔曰:「夫追遠愼終,抑聞前誥。南康王曇朗,明哲懋親, 旣與齊絕,弗之知也。 地幷入馬牛以贖之,高祖不許。及軌等誅,齊人亦害曇朗于晉陽,時〔年〕二十八。〔三〕是時 齊果背約,復遺蕭軌等隨嗣徽渡江,高祖與戰,大破之,虜蕭軌、東方老等。齊人請割 初,曇朗未質於齊,生子方泰、方慶。及將適齊,以二妾自隨,在北又生兩子:方華、方 高祖踐祚,猶以曇朗襲封南康郡王,奉忠壯王祀,禮秩一同皇子。天 ·至都。

曠,亦同得還。

南 州 使持節、都督廣 日:「南康王曇朗,出隔齊庭,反身莫測,國廟方修,奠饗須主,可以長男方泰爲南康世子,嗣 刺 康王。」後聞曇朗薨,於是襲爵南康嗣王。 史。 方泰少麤獷,與諸惡少年羣聚,遊逸無度,世祖以南康王故,特寬貰之。天嘉元年,詔 爲政 殘暴,爲有司所奏,免官。 衡交越成定明新 合羅德宜黃利安建石崖十九州諸軍 專起爲仁威將軍**,**置佐史。 **尋爲仁威將軍、丹陽尹,置** 事、四平越中郎將、廣 六年,授持節、 佐史。 太建 四年, 都督豫

列傳

第

南康

愍王舜朗

章郡諸軍事、豫章內史。在郡不修民事,秩滿之際,屢放部曲爲劫,又縱火延燒邑居,因行 暴掠,驅錄富人,徵求財賄。代至,又淹留不還。至都,詔以爲宗正卿,將軍、佐史如故。 未

拜,爲御史中丞宗元饒所刻,免官,以王還第。

夢,刺舉莫成,共治罕績。 聖上弘以悔往,許其錄用,宮園寄切,宿衛是尸。 豈有金門旦啓, 還。 宗登玄武門觀,至宴羣臣以觀之。因幸樂遊苑,設絲竹會。仍重幸大壯觀,集衆軍振旅而 王者之心,匪漏網而私物,至治之本,無屈法而申慈。謹案南康王陳方泰宗屬雖遠,幸託葭 承拒格禁司,上日不承則上測,方泰乃投列承引。於是兼御史中丞徐君敷奏曰:〔5〕 「臣聞 爲州所錄。又率人仗抗拒,傷禁司,爲有司所奏。上大怒,下方奏獄。方泰初但承行淫,不 觀,因大閱武,命都督任忠領步騎十萬,陳於玄武湖,都督陳景領樓艦五百,出于瓜步江,高 臣子之譽,莫斯 下宗正削 玉輿曉蹕,百司馳騖,千隊騰驤,憚此翼從之勞,妄興晨昏之請,飜以危冠淇上,袨服桑中, 是時方泰當從,啓稱所生母疾,不行,因與亡命楊鍾期等二十人,微服往民閒,淫人妻, 十一年,起爲寧遠將軍,直殿省。 尋加散騎常侍,量置佐史。 其年八月, 高宗幸大壯 爵土。 爲大,宜從霜簡,允寘(冬)〔秋]官。[刊]臣等參議,請依見事,解方泰所居官, 謹以白簡奏聞。」上可其奏。 尋復本官爵。<u>順明初,遷</u>侍中,將軍如故。

三年,隋師濟江,方泰與忠武將軍南豫州刺史樊猛、左衛將軍蔣元遜領水軍於白下,往

散,乃弃船走。及臺城陷,與後主俱入關。隋大業中為掖令。 來斷遏江路。 隋遣行軍元帥、長史高頌領船艦泝流當之,猛及元遜並降,方泰所部將士離

靖誅,進號宣毅將軍。 滿,又爲散騎常侍,兼宗正卿。至德二年,進號智武將軍、武州刺史。初,廣州刺史馬靖久 居嶺表,大得人心,士馬彊盛,朝廷疑之。至是以方慶爲仁威將軍、廣州刺史,以兵襲靖。 馬,權兼宗正卿,直殿省。太建九年,出爲輕車將軍、假節、都督定州諸軍事、定州刺史。秩 方慶少清警,涉獵書傳。及長,有幹略。天嘉中,封臨汝縣侯。 方慶性淸謹,甚得民和。四年,進號雲廳將軍。 尋爲給事中、太子洗

與豐州刺史鄭萬頃且依舊職。」方慶聞之,恐勇賣己,乃不從,率兵以拒智烈。智烈與戰,敗 之,斬方慶於廣州,虜其妻子。 承制總督征討諸軍事。是時隋行軍總管韋洸帥兵度嶺,宣隋文帝敕云:「若嶺南平定,留勇 顧明三年,隋師濟江,〔東〕衡州刺史王勇遣高州刺史戴智烈將五百騎迎方慶,〔5〕欲令

節、光勝將軍、總督衡廣交桂武等二十四州諸軍事、平越中郞將,仍入援。會京城陷、勇因 州 刺史,領始興內史,以爲方慶聲勢。 王勇,太建中爲晉陵太守,在職有能名。方慶之襲馬靖也,朝廷以勇爲超武將軍、東衡 靖誅,以功封龍陽縣子。 及隋軍臨江,韶授勇使持

朗

萬頃據州不受勇召,而高梁女子(浩)[洗]氏舉兵以應隋軍,〔5]攻陷傍郡,勇計無所出,乃以 移檄管內,徵兵據守,使其同產弟鄧暠將兵五千,頓于嶺上。又遣使迎方慶,欲假以爲名, 衡州刺史衡陽王伯信,伯信懼,奔于淸遠郡,孝武追殺之。是時韋洸兵已上嶺,豐州刺史鄭 而自執兵要。及方慶敗績,虜其妻子,收其貲產,分賞將帥。又令其將王仲宣、曾孝武迎西 行至荆州,道病卒,隋贈大將軍、宋州刺史,歸仁縣公。

州刺史。 帝時爲司城大夫,出爲溫州刺史。至德中,與司馬消難來奔。 鄭萬頃,滎陽人,梁司州刺史紹叔之族子也。父旻,梁末入魏。 在州甚有惠政,吏民表請立碑,詔許焉。 尋拜散騎常侍、昭武將軍、豐 萬頃通達有材幹,周武

其衆降。

率州兵拒勇,遣使由間道降于隋軍。拜上儀同,尋卒。 初,萬頃之在周,深被隋文帝知遇,及隋文踐祚,常思還北。及王勇之殺方慶,萬頃乃

史臣曰:獻、愍二王,聯華霄漢,或壤子之暱,或猶子之寵,而機橋爲阻,驂駕無由,有隔

[一] 寔資邢衞 「寔」北監本、汲本、殿本作「式」。

[三] 武賁班劒百人 「武賁」即「虎賁」,避唐諱改。 北監本、汲本、殿本並已改爲「虎賁」。

[1]〕時[年]二十八 據北監本、汲本、殿本補。

都督廣衡交越成定明新合羅德宜黃利安建石崖十九州諸軍事 按數之祗十八州,疑脫一州,或

「九」當作「八」。

五〕高宗登玄武門觀 門上之觀也。」按北監本作「觀」,百衲本預史亦作「觀」。 「觀」汲本、殿本作「親」,屬下讀。張元濟校勘記云:「作『觀』是。 觀者,玄武

「六」於是兼御史中丞徐君敷奏曰 「徐君敷」南史作「徐君整」。

[4] 允寘(冬)[秋]官 據元龜五一九改。

[ < ] 〔東〕衡州刺史王勇遣高州刺史戴智烈將五百騎迎方慶 據南史補。 按下文云「朝廷以勇爲超

武將軍、東衡州刺史」,明此脫一「東」字。

<u>ハ</u>た 而高梁女子(浩)[洗]氏舉兵以應隋軍 「高凉郡太夫人洗氏」,「浩」與「洗」形近而譌,今據改。 隋書章洸傳作「高粱女子洗氏」,通鑑隋文帝開皇九年作

列

## 陳書卷十五

### 列傳第九

# 陳擬 陳詳 陳慧紀

尉、 景、至豫章、以擬爲羅州 曲阿令。 陳擬字公正,高祖疎屬也。 紹泰元年,授貞威將軍、義興太守。二年,入知衛尉事,除員外散騎常侍、明威 刺史,與胡穎其知後事,並應接軍糧。 少孤貧,性質直彊記。 高祖南征交趾,擬從焉。 高祖作鎭朱方,擬除步兵校 又進討侯

將軍、雍州刺史資,監南徐州。

威將軍 則非劉 見,從孫假節、 員外散騎常侍、 高祖踐祚,詔曰:「維城宗子,實固有周,盤石懿親,用隆大漢,故會盟則異姓爲後,啓土 雍州 勿王,所以糾合枝幹,廣樹蕃屏,前王懋典,列代恆規。 刺 史、監南徐州擬,持節、 明威將軍診,假節、信威將軍、北徐州刺史吉陽縣開國侯諠, 通直散騎侍郎、貞威將軍、北徐州刺史慶,從子晃、 從子持節、員外散騎常侍、明

列傳

第

九

陳擬

假節、 貞威將軍、通直散騎侍郎慧紀,從孫敬雅、敬泰,並枝戚密近,劬勞王室,宜列河山,以光利 、通直散騎侍郎、信武將軍m, [1] 假節、散騎侍郎、雄信將軍、青州刺史、廣梁太守詳, 擬可永脩縣開國侯,奧鍾陵縣開國侯,晃建城縣開國侯,見上饒縣開國侯,彭虔化縣開

年,授通直散騎常侍、中領軍。三年,復以本官監南徐州。世祖嗣位,除丹陽尹,常侍如故。 國侯,敬泰平固縣開國侯,各邑五百戶。」擬尋除輕車將軍,兼南徐州刺史,常侍如故。 國侯,龍仍前封,而豫章縣開國侯,曰詳遂與縣開國侯,慧紀宜黃縣開國侯,敬雅寧都縣 坐事,又以白衣知郡,尋復本職。天嘉元年卒,時年五十八。贈領軍將軍,凶事所須,並官

諡日定。二年,配享高祖廟廷。子黨嗣。

節、雄信將軍、靑州刺史資,割故鄣、廣德置廣梁郡,以詳爲太守。 兵馬,從定京邑。高祖東征杜龕,詳別下安吉、原鄉、故鄣三縣。龕平,以功授散騎侍郎、假 ,又以為陳留 陳詳字文幾,少出家爲桑門。善書記,談論淸雅。高祖討侯景,召詳,令反初服,配以 永定二年,封遂興縣侯,食邑五百戶。 其年除明威將軍、通直散 高祖踐祚,改廣梁爲陳 \ 騎常

三年,隨侯安都破王琳將常衆愛於宮亭湖。世祖嗣位,除宣城太守,將軍如故。

列傳第九 陳詳 陳慧紀

|徹 下據栅口,詳隨吳明徹襲湓城,取琳家口,不克,因入南湖,自鄱陽步道而歸。 並無功。 出爲假節、都督吳州 天嘉元年, 隨例增邑幷前 語軍 事、仁威將軍、吳州 千五百戶。 、刺史。 仍除通直散騎常侍,兼右衛將軍。 琳平,詳與明

四十二。 五年,周迪復出臨川,乃以詳爲都督,率水步討迪。 周迪據臨川 以所統失律,無贈諡。 舉兵,詳自州從他道襲迪 子正理嗣。 於濡城別營,獲其妻子。 軍至南城,與賊相遇,戰敗,死之,時年 迪敗走,詳還復本鎭。

督、兗州 戶 以 州 紀爲水軍都督,於荆州燒靑泥船 海道還都。 **,除黃門侍郞。** 、兵馬。 刺史,增邑幷前一千戶。 陳慧紀字元方,高祖之從孫也。 刺 景平,從征 史,增邑幷前二千戶,餘如故。 尋除 使持節、 世 杜龕。 祖 即位,出爲安吉縣令。 散騎常侍、宣毅將軍、都督郢巴二州諸軍事、郢州刺史,增邑幷前 太建十年,吳明徹北討敗績,以慧紀爲持節、 除貞威將軍、 艫。 光大元年,以功除持節、 涉獵 周軍 通直散騎常侍。 書史,負才任氣。 遷明威將軍 乘勝據有 淮 軍副。 南、江 高祖 高祖平侯景,慧紀從焉。 通直散騎常侍、宣遠將軍、 踐祚,封宜黄縣侯, 外騷 司空章昭達 · 擾,慧紀收集士卒,自 智武 將軍、 征安蜀城, 緣江 邑五 尋配 都 豐

等,[三]率其部衆男女二萬餘口,詣慧紀請降,慧紀以兵迎之。 其年,以應接之功,加侍中、 賜女伎一部,增邑幷前三千戶。順明元年,蕭琮尚書左僕射安平王蕭巖、晉熙王〔蕭〕瓛 金紫光祿大夫、開府儀同三司、征西將軍,增邑幷前六千戶,餘如故。 二千五百戶。 至德二年,遷使持節、散騎常侍、雲麾將軍、都督荆信二州諸軍事、荆州刺史,

平,頗有文學。 因與湘州刺史晉熙王叔文、巴州刺史墨寶等請降。入隋,依例授儀同三司。頃之卒。子正 守、身率將士三萬人、樓船千餘乘、沿江而下、欲趣臺城。至漢口、爲秦王軍所拒,不得進, 進據馬頭。是時,隋將韓擒虎及賀若廟等已濟江據蔣山,慧紀聞之,留其長史陳文盛等居 及隋師濟江,元帥淸河公楊素下自巴硤,慧紀遣其將呂忠肅、陸倫等拒之,四戰敗,素

史臣曰:詩云「宗子維城,無俾城壞」。又曰「綿綿瓜瓞, 葛藟纍之」。西京皆豐沛故人,

校勘記東都亦南陽多顯,有以哉。

- 信武將軍而 「信武將軍」南史陳宗室諸王傳作「信威將軍」。
- [1] 祈豫章縣開國侯 「豫章縣」,南史作「豫寧縣」。
- 一 三 蕭琮尚書左僕射安平王蕭巖晉熙王〔蕭〕瓛等 據北監本、汲本、殿本補。按「尚書左僕射」<u>後</u>主

紀作「尙書令」。「晉熙王」後主紀作「義興王」。

慧紀遣其將呂忠肅陸倫等拒之 殿本考證云:「南史無『忠』字,亦不載陸倫。」今按:南史無「忠」

字,蓋改複名爲單名。隋書楊素傳「忠」作「仲」,則避隋文帝父楊忠諱改。

## 陳書卷十六

### 列傳第十

#### 趙知禮 蔡景歷 劉師知 謝 岐

趙知禮字齊旦,天水隴西人也。父孝穆,梁候官令。

每占授軍書,下筆便就,率皆稱旨。由是恆侍左右,深被委任,當時計畫,莫不預〔焉〕。〔〕知 知禮涉獵文史,善隸書。 知禮爲文瞻速,

高祖之討元景仲也,或薦之,引爲記室參軍。

禮亦多所獻替。 高祖平侯景,軍至白茅灣,上表於梁元帝及與王僧辯論述軍事,其文並知

禮所製。

輔,遷給事黃門侍郎,兼衛尉卿。 太府卿, 侯景平,授中書侍郎,封始平縣子,邑三百戶。 權知領軍 事。 天嘉元年,進爵爲伯,增邑通前七百戶。 高祖受命,遷通直散騎常侍, 高祖爲司空,以爲從事中郞。 直殿省。 王琳平,授持節、督吳州諸 尋遷散騎常侍,守 高祖入

列

傳 第 +

趙

知

禮

軍事、明威將軍、吳州刺史。

遷右衛將軍,領前軍將軍。 知禮沈靜有謀謨,每軍國大事,世祖輒令璽書問之。 六年卒,時年四十七。 韶贈侍中,諡曰忠。 子允恭嗣。(三) 秩滿,爲明威將軍、太子右衛率。

蔡景歷字茂世,濟陽考城人也。祖點,梁尚書左民侍郎。父大同,輕車岳陽王記室參

軍,掌京邑行選。

執,賊黨王偉保護之,獲免。 因客遊凉口。 侯景平,高祖鎭朱方,素聞其名,以書要之。 有能名。 景歷少俊爽,有孝行。家貧好學,善尺牘,工草隸。解褐諸王府佐,出爲海陽令,爲政 侯景亂,梁簡文帝爲景所幽,景歷與南康嗣王蕭會理謀,欲挾簡文出奔,事泄見 景

歷對使人答書,筆不停綴,文不重改。日:

奇寶,照車遂有徑寸。但雲處斯奏,自輟巴渝, 杞梓方雕, 豈盼樗歴。 蒙降札書,曲垂引逮,伏覽循回,載深欣暢。竊以世求名駿,行地能致千里,時愛

五嶺,滌臟源而澄九派,帶甲十萬,彊弩數千,誓勤王之師,總義夫之力,鯨鯢式剪,役 仰惟明將軍使君侯節下,英才挺茂,雄姿秀拔,運屬時艱,志匡多難,振衡岳而綏

將軍 忽。 收,比事論功,彼奚足筭。加以抗威。完服,冠蓋通於北門,整施徐方,詠歌溢於東道,能 相如,不辱君命。 馳而聊城下,淸談奮而嬴軍却。 齊、憷秀異,荆、吳岐嶷。 則通儒 左右馳射,萬人之劔,短兵交接,攻壘若文鴦,焚艦如黃蓋,百戰百勝,貔貅爲羣。 能殫述。 使邊亭臥鼓,行旅露宿,巷不拾遺,市無異價,洋洋乎功德政化,曠古未儔,諒非膚淺所 不踰時,氛霧廓淸,士無血刃。 ·徹鞍下馬,推案止食,申爵以榮之,樂館以安之,輕財重氣,卑躬厚士,盛矣哉 治民如子賤,踐境有 博識,英才偉器,雕麗暉煥,摛掞絢藻,子雲不能抗其筆,元瑜 是以天下之人,向風慕義,接踵披衿,雜還 懷忠抱義,感恩徇己,誠斷黃金,精貫白日,海內雄賢,牢籠斯 武夫則猛氣紛紜,雄心四據,陸拔山岳,水斷虯龍,六鈞之弓, 成,折獄如仲由,片辭從理。 雖漢誅禄、產,舉朝寔賴絳侯,晉討約、峻,中外一 復有三河辯客,改哀樂於須臾,六奇謀士,斷變反 而至矣。 直言如毛遂,能厲主威,銜使若 或帝室英賢,貴遊令望, 無以高其記,尺翰 資陶 於條 明

之貴。 人耳。 抑 但 又聞之,戰國將相,咸推引賓遊,中代岳牧,並盛延僚友,濟濟多 量能校實,稱才任使,員行方止,各盡其宜,受委責成,誰不畢力。 秋冬讀書,終慙專學,刀筆爲吏,竟闕異等。 衡門衰素,無所聞達,薄**宦**輕 士,所以成將 至如 走

幸已多。海不厭深,山不讓高,敢布心腹,惟將軍覽焉。 蚋,託驂尾而遠騖。竊不自涯,願備下走,且爲腹背之毛,脫充鳴吠之數,增榮改觀,爲 留連,今雖羇旅,方之非匹,樊林之賁,何用克堪。但眇眇纖蘿,憑喬松以自聳,蠢蠢輕 雞鶩廁鴛鴻於池沼,將移瓦礫參金碧之聲價。昔折脅遊秦,忽逢盼採,檐簦入趙,便致 竊服高義,暫謁門下,明將軍降以顏色,二三士友假其餘論,菅蒯不弃,折簡賜留,欲以 蕪曠,四壁固三軍之餘,長夏無半菽之產,邀遊故人,聊爲借貸,屬此樂土,洵美忘歸。 資,焉能遠大。 自陽九遘屯,天步艱阻,同彼貴仕,溺於巨寇,亟隣危殆,備踐薄冰。 今 王道中興,慇憂啓運,獲存微命,足爲幸甚,方歡飮啄,是謂來蘇。然皇鑾未反,宛、洛

高祖得書,甚加欽賞。仍更賜書報答,即日板征北府中記室參軍,仍領記室。

周寶安餉馬,爲御史中丞沈炯所劾,降爲中書侍郎,舍人如故。 兼掌相府記室。 高祖受禪,遷秘書監,中書通事舍人,掌詔誥。 激,事皆稱旨。僧辯誅,高祖輔政,除從事中郎,掌記室如故。紹泰元年,遷給事黃門侍郎, 辯,獨與侯安都等數人謀之,景歷弗之知也。部分旣畢,召令草檄,景歷接筆立成,辭義感 昌年少,接對乖禮,乃遣景歷輔之。承聖中,授通直散騎侍郎,還掌府記室。高祖將討王僧 衡陽獻王[昌]時爲吳興郡,昌年尚少,[m] 吳興王之鄉里,父老故人,尊卑有數,高祖恐 永定二年,坐妻弟劉淹許受

宗惡其沮衆,大怒,猶以朝廷舊臣,不深罪責,出爲宣遠將軍、豫章內史。 未行,爲飛章所 長沙王長史、「松」尋陽太守,行江州府事,以疾辭,遂不行。入爲通直散騎常侍、中書通事舍 徹軍司。 倚景歷權勢,前後姦訛,幷受歐陽武威餉絹百匹,四兔官。 天嘉三年,以功遷太子左衛率,進爵爲侯,增邑百戶,常侍、舍人如故。 六年,坐妻兄劉洽依 故。以定策功,封新豐縣子,邑四百戶。累遷散騎常侍。 斧之聲或聞于外,仍以蠟爲祕器。 文書詔誥,依舊宣行。 議,乃秘不發喪,疾召世祖。景歷躬共宦者及內人,密營斂服。時旣暑熱,須治梓宮,恐斤 欲進圖彭城。 匡正,被收付治。久之,獲宥,起爲鎭東鄱陽王諮議參軍。 人,掌詔誥,仍復封邑。 遷太子左衛率,常侍、舍人如故。 太建五年,都督吳明徹北伐,所向克捷,與周將梁士彥戰於呂梁,大破之,斬獲萬計,方 高宗卽位,遷宣惠豫章王長史,帶會稽郡守,行東揚州府事。 廢帝卽位,起爲鎭東鄱陽王諮議參軍,兼太舟卿。至華皎反,以景歷爲武勝將軍、吳明 三年,高祖崩,時外有彊寇,世祖鎭于南皖,朝無重臣,宣后呼景歷及江大權、杜稜定 皎平, 明徹於軍中輒戮安成內史楊文通, 又受降人馬仗有不分明, 景歷又坐不能 是時高宗銳意河南,以爲指麾可定,景歷諫稱師老將驕,不宜過窮遠略。 世祖卽位,復爲秘書監,舍人如 世祖誅侯安都,景歷勸成其事 秩滿,遷戎昭將軍、宣毅

列

傳第

+

劾,以在省之日,贓汙狼藉,帝令有司按問,[t] 景歷但承其半。 於是御史中丞宗元饒奏日

用,許以更鳴,裂壤崇階,不遠斯復。不能改節自勵,以報曲成,遂乃專擅貪汙,彰於遠近, 豐縣開國侯景歷,因藉多幸,豫奉興王,皇運權輿,頗參締構。天嘉之世,贓賄狼藉,聖恩錄 「臣聞士之行己,忠以事上,廉以持身,苟違斯道,刑茲罔赦。 一則已甚,其可再乎?宜寘刑書,以明秋憲。臣等參議,以見事免景歷所居官,下鴻臚削爵 謹奉白簡以聞。」詔曰「可」。於是徙居會稽。及吳明徹敗,帝思景歷前言,即日追還, 謹按宣遠將軍、豫章內史新

書。舊式拜官在午後,景歷拜日,適值與駕幸玄武觀,在位皆侍宴,帝恐景歷不豫,特令早 復以爲征南鄱陽王諮議參軍。數日,遷員外散騎常侍,兼御史中丞,復本封爵,入守度支尚

年,配享高祖廟庭。二年,輿駕親幸其宅,重贈景歷侍中、中撫將軍,諡曰忠敬,給鼓吹一 是歲,以疾卒官,時年六十。贈太常卿,諡曰敬。十三年,改葬,重贈中領軍。顧明元

景歷屬文,不尙雕靡,而長於敍事,應機敏速,爲當世所稱。有文集三十卷。

部,幷於墓所立碑。

拜,其見重如此。

劉師知,沛國相人也。家世素族。祖奚之,齊晉安王諮議參軍,淮南太守,有能政,齊

武帝手韶頻褒賞。父景彦、梁尚書左丞、司農卿。

位宦不遷,而委任甚重,其所獻替,皆有弘益。 參軍。紹泰初,高祖入輔,以師知爲中書舍人,掌詔誥。是時兵亂之後,禮儀多闕,高祖爲 丞相及加九錫幷受禪,其儀注竝師知所定焉。高祖受命,仍爲舍人。性疎簡,與物多忤,雖 師知好學,有當世才。博涉書史,工文筆,善儀體,臺閣故事,多所詳悉。梁世歷王府

武俠御,不容獨鳴玉珥貂,情禮二三,理宜縗斬。」中書舍人江德藻、謝岐等並同師知議。文 議,宜服吉服。師知議云:「旣稱成服,本備喪禮,靈筵服物,皆悉編素。今雖無大行俠御官 祔山陵,靈筵祔宗廟,有此分判,便驗吉凶。按山陵鹵簿吉部(d)[伍]中,[S]公卿以下導引 凶 及香橙。』又檢靈輿梓宮進止儀稱:『直靈俠御吉服,在吉鹵簿中。』又云:『梓宮俠御緀服,在 阿重議云:「檢晉、宋山陵儀:『靈輿梓宮降殿,各侍中奏。』又成服儀稱:『靈輿梓宮容俠御官 靈座須服縗絰。」中書舍人蔡景歷亦云:「雖不悉準,按山陵有凶吉羽儀,成服唯凶無吉,文 事,按梁昭明太子薨,成服俠侍之官,悉著縗斬,唯著鎧不異,此卽可擬。愚謂六日成服,俠 [鹵簿中。』 是則在殿吉凶兩俠御也。 」 時以二議不同,乃啓取左丞徐陵決斷。 陵云: 「梓宮 及高祖崩,六日成服,朝臣共議大行皇帝靈座俠御人所服衣服吉凶之制,博士沈文阿

列傳

帽,理 卿胥吏並服縗苴,此與梓宮部伍有何差別。若言文物並吉,司事者凶,豈容(礼)〔衽〕経而奉 斬麻總,差池哭次,玄冠不弔,莫非素服。豈見門生故吏,綃縠間趨,左姫右姜,紅紫相糅? 服章所以備矣。』皇朝之典、猶自不然,以此而推,是知服斬。彼有侍靈,則猶俠御,旣著白 節不全,綾冠之費實闕,所以因其常服,止變帽而已。婦人侍者,皆是卑隸,君妾之道旣純, 外侍斬,內侍齊。頃世多故,禮隨事省。諸侯以下,臣吏蓋微,至於侍奉,多出義附,君臣之 品第三,侍靈人二十。官品第四,下達士禮,侍靈之數,並有十人。皆白布袴褶,著白絹帽。 之儀,由來本備,準之成服,愚有未安。夫喪禮之制,自天子達。按王文憲喪服明記云:『官 華蓋,[10] 綾衣而升玉輅邪。同博士議。」師知又議曰:「左丞引梓宮祔山陵,靈筵祔宗廟,必 者,爰及武賁、鼓吹、執蓋、奉車,GD並是吉服,豈容俠御獨爲縗絰邪?斷可知矣。若言公 況四海遏密,率土之情是同,三軍編素,爲服之制斯壹。遂使千門旦啓,非塗堊於形闈,百 人有喪,旣陳筵机,總帷靈屛,Ciil變其常儀,蘆箔草廬,即其凶禮。堂室之內,親賓具來,齊 內喪女侍數如外,而著齊縗。或問內外侍靈是同,何忽縗服有異?答云,若依君臣之禮,則 有吉凶二部,成服不容上凶,博士猶執前斷,終是山陵之禮。若龍駕啓殯,變輿兼設,吉凶 僚戾止,變服麤於朱韍,而耀金在列,鳴玉節行,求之懷抱,固爲未愜,準以禮經,彌無前事。 一無形服。且梁昭明儀注,今則見存,二文顯證,差爲成準。且禮出人情,可得消息。凡

是成 附宗 外內 皆服苴穣。 豈可成服之儀,譬以山陵之禮?葬旣始終已畢,故有吉凶之儀,所謂成服,本成喪禮,百司 未取 省,引上登殿,豈應變服貂玉。若別攝餘官,以充簪珥,則爾日便有不成服者。 存,足爲準的。 **猶襲納** 官有追贈,須表恩榮,有吉鹵簿,恐由此義,私家放斅,因以成俗。 凶二議,成服凶而不吉,猶依前議,同劉舍人。」德藻又議云:「愚謂祖葬之辰,始終永畢, 左丞旣推以山陵事,愚意或謂與成服有殊。 稱爲成服,亦無鹵簿,直是爰自胥吏,上至王公,四海之內,必備縗絰。案梁昭明太子薨,略 沈炯、孔奐江三。」時八座以下,並請:「案羣議,斟酌舊儀,梁昭明太子 《例,豈容凡百士庶,悉皆服重,而侍中至於武衛,最是近官,反鳴玉紆靑,與平吉不異? 廟,梓宮附山陵,實如左丞議。 證,須更詢詳,宜諮八座、詹事、太常、中丞(孔)〔及〕中庶諸通袁樞、張種、周弘正、弘讓、 ,皆變吉容,俠御獨不,何謂成服? 綺。 應勑,悉應不改。」蔡景歷又議云:「俠御之官,本出五百,爾日備服居廬,仍於本 **爱至士禮,悉同此制,此自是山陵之儀,非關成服。** 劉舍人引王衛軍喪儀及檢梁昭明故事 成服日, 侍官理不容猶從吉禮。 但 山陵鹵簿,備有吉凶,從靈輿者儀服無變,從梓宮者 若靈無俠御則已,有則必應縗服。」謝岐議曰:「靈筵 若爾日俠御,文武不異,維侍靈之人,主書、宣 其葬禮分吉, 自是山陵之時, 非關成服之 了,此明據已審,博士、左丞乃各盡事衷,旣 今謂梓宮靈扆, 共在西階, 上服本變吉爲凶,理不應 喪成服儀注,明文見 山陵自有吉 達

見尤於晉代,王商取陷於漢朝,謹自三緘,敬同高命。若萬一不死,猶得展言,庶與朝賢更 申揚摧。」文阿猶執所見,衆議不能決,乃具錄二議奏聞,從師知議。 日。愚謂劉舍人議,於事爲允。」陵重答云:「老病屬纊,不能多說,古人爭議,多成怨府,傅玄

到仲舉等入侍醫藥。世祖崩,預受顧命。及高宗爲尚書令,入輔,光大元年,師知與仲舉等 遭舍人殷不佞矯詔令<br />
高宗還東府,事覺,於北獄賜死。 至天嘉元年冬,爲十卷。起爲中書舍人,復掌詔誥。天康元年,世祖不豫,師知與尚書僕射 轉遷鴻臚卿,舍人如故。 天嘉元年,坐事免。 初,世祖敕师知撰起居注,自永定二年秋

# 謝岐,會稽山陰人也。父達,梁太學博士。

引岐參預機密,以爲兼尚書右丞。時軍旅屢興,糧儲多闕,岐所在幹理,深被知遇。永定元 依于張彪。彪在吳郡及會稽,庶事一以委之。彪每征討,恆留岐監郡,知後事。彪敗,高祖 年,爲給事黃門侍郎、中書舍人,兼右丞如故。天嘉二年卒,贈通直散騎常侍。 岐少機警,好學,見稱於梁世。爲尙書金部郎,山陰令。侯景亂,岐流寓東陽。景平,

岐弟嶠,篤學,爲世通儒。

早識攀附,預縮構之臣焉。 史臣曰:高祖開基創業,剋定禍亂,武猛固其立功,文翰亦乃展力。口司趙知禮、蔡景歷 劉師知博涉多通,而闇於機變,雖欲存乎節義,終陷極刑,斯不

劉師知傳「孔中庶諸通」,疑。

校勘記

[1] 莫不預(焉) 據北監本、汲本、殿本及南史補。

[三]子允恭嗣 殿本考證云「允」南史作「元」。

衡陽獻王[昌]時爲吳興郡昌年尚少 據元龜七○八、七二七補。錢大<u>断廿二</u>史考異云當移「昌」

字於「衡陽獻王」之下。今按:此特「衡陽獻王」下脫一「昌」字耳、下「昌」字不當移。

[2] [2] 殿本考證云南史無「武」字。今按:此亦改複名爲單名,南史往往如此,

万五 兼太舟卿 列 傳 第 + 「太舟卿」南監本、汲本、殿本並作「太府卿」。 殿本秀證云:「『府』監本誤 『舟』,今改 訓 岐 校 勘 記 

正。」今按:梁天監七年,以都水使者爲太舟卿,爲列卿之最末者,主舟航堤渠,見隋書百官志,殿

本妄改。

[六] 宣毅長沙王長史 「宣毅」汲本作「宣豫」,殿本依北監本作「宣義」。按長沙王陳叔堅於太建四

年爲宣毅將軍,作「宣毅」是。

[4] 帝令有司按問 「帝」原譌「章」,今據北監本、汲本、殿本及兩史、元龜五一九改正。

G. ] 爱及武賁鼓吹執蓋奉車 「武賁」即「虎賁」,避<u>唐</u>諱改。

據北監本、汲本、殿本及頭史改。

「ハ」按山陵鹵簿吉部(位)(伍)中

(10) 豈容(社)(衽)経而奉華蓋 據北監本、汲本、殿本及南史改。

繐帷靈屏 「屛」北監本、汲本、殿本作「房」。 張元濟校勘記云:「『房』爲『展』之誤,屏展一物。按

下文有『梓宮靈扆』之語,『屛』或原作『扆』。」

中丞(孔)[及]中庶諸通袁樞張種周弘正弘讓沈炯孔奐 傳「孔中庶諸通」疑,是曾鞏等所見本亦譌「及」爲「孔」也。 據各本改。按本卷後附舊校,云劉師知

CIE 文翰亦乃展力 「翰」北監本、汲本、殿本作「幹」。

